

# Liahona

A photograph of two young women with dark skin and braided hair, smiling warmly as they look at a laptop screen. They are sitting at a table in a bright, indoor setting, possibly a home or a community center. The woman in the foreground is leaning over the laptop, while the woman behind her is also smiling and looking at the screen. The background shows a window with light coming through, and a wooden door frame is visible on the left.

**Te hoêraa no te ohipa  
no te faaoraraa, api 14**

**Te mea ta'u i apo mai i roto i te  
faaturumaraa, api 26**

**E 3 haamaitairaa no te peu mâ, api 36**

**E 5 rave'a no te feia apî ia rave  
i te aamu utuafare, api 58**



*« O vai te taata ua  
itea ia'na te vahine  
maitai ra ? E ore te  
mau poe nei e au  
ia'na ».*

Maseli 31:10



TE MAU PARAU PORO'I

- 4 Parau poro'i a te Peresideniraa Matamua : Te pure faaroo  
Na te peresideni Henry B. Eyring
- 7 Parau poro'i na te mau tuahine hahaere : Te misioni hanahana a Iesu Mesia : Te pane ora

TE MAU TUHAA TAA Ê

- 14 Te ohipa misionare, te aamu utuafare e te ohipa hiero  
Na Elder David A. Bednar  
*E tu'ati noa te pororaa i te evanelia e te imiraa i to tatou feia pohe.*
- 20 Utuafare : Te mafatu o te haapiiraa  
*Te mau haapiiraa i apohia i te fare, e vai te reira i roto ia tatou i roto i te oraraa taatoa e a muri noa'tu.*

- 26 I ni'a i te miti ra  
Na Jon Warner  
*Noa'tu e ua tapo'i te mau are no te faaturumaraa e te ahoaho ia'u, na te Atua râ i horo'a mai i te poito ia tapae atu vau i to'u iho fenua i parauhia ra.*

- 28 E mau pionie i te mau fenua atoa : Te faafariuraa e te tauraa i te fenua Tireni  
Na Néstor Curbelo  
*I teie mahana, fatata 1 i ni'a i te 30 taata Tireni, e melo no te Ekalesia.*

- 36 Te itoito no te ma'iti i te peu mâ  
Na Carol F. McConkie  
*E aha te mau haapiiraa tumu e te mau haamaitairaa no te peu mâ?*

TE MAU TUHAA MÂTAU

- 8 Te taviniraa i roto i te Ekalesia : Mauruuru, e te taea'e Jay  
Na Kristine Purcell
- 9 Te mau peropheta o te Faufaa Tahito : Ieremia
- 10 Te paraparau nei tatou no te Mesia : Te pota ofa' i Jade  
Na Ellen C. Jensen
- 12 To tatou nohoraa, to tatou utuafare : Te mafatu o Lizochka  
Na Marina Petrova
- 40 Te reo o te feia mo'a i te mau mahana hopea nei
- 80 E tae atu i te taima e farerei faahou ai tatou : Te mau haavareraa  
Na Elder M. Russell Ballard  
*Te faa'ohipa nei Satane i te mau apa hamani—mai te taata tai'a—no te punu ia tatou.*

I NI'A I TE TAPO'I  
I mua : Hoho'a pata na Leslie Nilsson.  
Tapo'i no mua, roto: Faahoho'araa na Matthew Reier.



44

#### 44 Ti'a no te mea ta tatou e ti'aturi nei

*Te faa'ite nei te tahi feia apĪ paari nahea ratou i te ti'a-itoitoraa no te paruru i to ratou mau ti'aturiraa.*

#### 48 Te Evanelia i roto i to'u oraraa : To'u iteraa papū firi

Na Ivy Noche

*No te mea aita to'u e iteraa papū no ni'a i te Buka a Moromona,*

*ua uiui haere au i to'u ti'aturiraa i te Ekalesia.*



*A hi'o na e itehia anei ia outou te*

*Liahona i huna-hia i roto i teie ve'a. Mana'o tauturu : E aha te taime tano no te tavini ?*



58

#### 50 Ti'amâraa o te taata e aore râ ti'amâraa morare ?

Na Michael R. Morris

*Ua rave to'u hoa ia haapaehia oia no te taviniraa misionare. Na'u anei e ma'iti ia haere i te hoê misioni ?*

#### 52 Te mau uiraa e te mau pahonoraa

*« Te tamata nei au ia haavî i to'u mau mana'o, tera râ, ua rahi roa te mau faahemaraa. Nahea e roaa ai ia'u te mana'o mâ a'e ? »*

#### 54 Nahea i te ui atu i te mau uiraa faufaa rahi

Na David A. Edwards

#### 57 Te rave'a no te ite mai i te puai e te manu'arara

Na Elder Jeffrey R. Holland

*E ti'a ia tatou ia ite i te parururaa, te manu'arara e te oaoa na roto i te peeraa ia Iesu Mesia.*

#### 58 Te aamu utuafare— Te rave nei au i te reira

*Ua itehia mai i teie nau feia apĪ i te mau haamaitairaa faahitima-huta na roto i te raveraa i te aamu utuafare.*

#### 61 Hoho'a pia : Ite mai ia ratou, ite mai ia oe iho

#### 62 Pato'iraa no ta'u misioni

Na Alcenir de Souza

#### 64 Haapii rahi atu â no ni'a i te mea e vai ra

Na Cathrine Apelseth-Aanensen

*Te oraraa ei misionare rave ta-mau, e oraraa taa ê ia. Ua pô tera mahana i te faaineineraa te feia apĪ no Oslo, Norevetia ia ratou no te tauiraa.*



78

#### 66 Tavini i teie nei no te tavini a muri a'e

Na Miche Barbosa

*No te aha Mórmon i faaoti ai e tauturu i te tamâraa i te fare pure, eiaha râ e haere e ha'uti i te futebol na muri iho i to'na mau hoa ?*

#### 68 Te faaineine ra Mathilde no te tomo i roto i te Feia ApĪ Tamahine

Na Jenn Wilks

#### 70 Pehe: Turama tatou

Na Jan Pinborough e Janice Kapp Perry

#### 71 Ite taa ê: Nahea vau i te tauturu i te ohipa aamu utuafare ?

Na Elder Quentin L. Cook

#### 72 Te afa'iraa mai i te Paraimere i te fare nei : « Te Utuafare e Poro'i i to te Ao nei », ua horo'ahia mai e te Atua no te tauturu i to'u utuafare

Na Erin Sanderson e Jean Bingham

#### 74 Te mau hoa na te ao atoa nei : O Barbara vau, no te fenua Tireni

Na Amie Jane Leavitt

#### 76 Ta tatou api

#### 77 Hi'o i ni'a

Na Elder Adrián Ochoa

*Ua mo'e roa matou i roto i te ua, e ua horo ta matou mau puaahorofenua.*

#### 78 Na te mau tamarii apĪ : Te pūpū utuafare

Na Sheralee Hardy

**ATOPA 2014 BUKA 16 NO. 3  
LIAHONA 10990 895**

Ve'a haamanahia na te ao taatoa nei a te Ekalesia a Iesu Mesia i te Feia Mo'a i te mau Mahana Hopea nei

**Te Peresideniraa Matamua :** Thomas S. Monson, Henry B. Eyring, Dieter F. Uchtdorf

**Te Pūpū no te Tino Ahuru ma Piti Aposetolo :**

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

**Papa'i ve'a faatere :** Craig A. Cardon

**Feia tauturu e haamaramarama :** Mervyn B. Arnold, Christoffel Golden, Larry R. Lawrence, Jame B. Martino, Joseph W. Sitati

**Faatere no te mau ve'a :** David T. Warner

**Ti'a faatere no te tururaa utuafare e te melo :**

Vincent A. Vaughn

**Ti'a faatere no te mau ve'a a te Ekalesia :**

Allan R. Loyborg

**Faatere ohipa :** Garff Cannon

**Faatere no te mau papa'iraa :** R. Val Johnson

**Tauturu papa'i ve'a faatere rahi :** Ryan Carr

**Tauturu no te ohipa haaparareraa :** Lisa C. López

**Pūpū papa'i ve'a :** Susan Barrett, Brittany Beattie, David Dickson, David A. Edwards, Matthew D. Flitton, Lori Fuller, Garrett H. Garff, LaRene Porter Gaunt, Mindi Anne Leavitt, Michael R. Morris, Sally Johnson Odekirik, Joshua J. Perkey, Jan Pinborough, Richard M. Romney, Paul VanDenBerghe, Marissa Widdison

**Faatere no te mau hoho'a :** J. Scott Knudsen

**Faatere i te mau Ohipa Peniraa :** Tadd R. Peterson

**Pūpū ihi tauihia nihi :** Jeanette Andrews, Fay P. Andrus, Marie M. Bentley C. Kimball Bott, Thomas Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Brad Teare, K. Nicole Walkenhorst

**Taata faaau i te faturaa mana'o :** Collette Nebeker Aune

**Faatere no te hamaniraa :** Jane Ann Peters

**Pūpū ohipa hamaniraa :** Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gayle Tate Rafferty

**Auraa e te mau ve'a :** Jeff L. Martin

**Faatere no te nene'iraa :** Craig K. Sedgwick

**Faatere no te opereraa :** Stephen R. Christiansen

No te mau tapa'oraa e te mau moni hoo i rapae au i te Fenua Marite e Canada, a farerei i te faatere no ta outou Pū hooora buka aore rā te faatere no te paroita aore rā amaa.

**A hapono i te mau api parau e te mau aniraa** na ni'a i te itenati i te liahona.lds.org ; na roto i te imere i te liahona@ldschurch.org ; e aore rā, na roto i te rata i te *Liahona*, Rm. 2420, 50 E. North Temple St., Salt Lake City, UT 84150-0024, USA.

Ua nenehia te *Liahona* (te hoē parau no te Buka a Moromona, oia hoi, « aveia » aore rā « arata'i ») na roto i te mau reo Albania, Armenia, Bislama, Bulgaria, Cambodia, Cebuano, Tinito, Croatia, Czech, Danemata, Holane, Paratane, Estonia, Fiji, Finnilane, Farani, Purutia, Heleni, Hindi, Hungarian, Icelani, Indonesia, Italia, Tapone, Kiribati, Korea, Latvia, Lithuania, Malagasy, Marshallese, Mongolia, Norweta, Polane, Potiti, Romania, Russia, Samoa, Slovenia, Swahili, Paniora, Tuete, Tagalog, Tahiti, Thai, Tonga, Ukraina, Urdu, e Anami. (Te rahiraa taime e nenehia ai tei te huru ia o te reo)

© 2014 na Intellectual Reserve, Inc. Faturaa paruruhi. Nene'ihia i te Mau Hau Amui no Marite.

E nehenehe te mau papa'iraa e te mau hoho'a i roto i te *Liahona* ia tapithia no te faaohiparaa i roto i te Ekalesia aore rā i te utuafare eiaha rā no te hoo. Eita te mau hoho'a e nehenehe e tapithia mai te mea te vai nei te mau haaviraa i roto i te reni faaiteraa no te hoho'a. E tia i te mau aniraa no te parau faturaa ia faataehia i te Intellectual Property Office, 50 E. North Temple St., Salt Lake City, UT 84150, USA ; e-mail: cor-intellectualproperty@ldschurch.org.

**For Readers in the United States and Canada**

October 2014 Vol. 16 No. 3. LIAHONA (USPS 311-480) Tahitian (ISSN 1521 4761) is published four times a year (April, May, October and November) by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$4.00 per year; Canada, \$4.80 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

# Te mau mana'o no te pureraa pō utuafare

*I roto i teie ve'a te vai nei te mau parau papa'i e te mau ohiparaa o te nehenehe e faa-ohipahia no te pureraa pō utuafare. Teie e piti mana'o.*



« Te aamu utuafare—Te rave nei au i te reira », api 58 : Rauti i te hoē ohipa mai te hoē papa'i ve'a ! Faaitoito i te mau melo o te utuafare ia tapa'opa'o i te mau mea atoa no ni'a i to ratou oraraa—te hoē haamana'oraa no te mau matahiti na mua a'e e aore rā te hoē ohipa tei tupu i ni'a ia ratou i tera ra mahana. E tauturu i to outou utuafare ia maramarama e, ua rau te rave'a no te faai i te hoē buka aamu. E nehenehe ta ratou e papa'ipai, e patapata e aore rā e papa'i i te hoho'a i roto i te buka aamu, e aore rā e nehenehe atoa ta ratou e haru-haru i te hoē aamu. A faaitoito i to outou utuafare ia tamau pinepine noa ratou i te tapa'opa'o i roto i to ratou buka aamu.

« Haapii rahi atu ā no ni'a i te mea e vai ra », api 64 : A opua ia faatupu i te hoē faaineineraa no te haere i te misioni mai ta te paroisa i Norevetia. E nehenehe ta outou ia haapii i te mau mea ta ratou atoa i haapii—ei hi'oraa, nahea i te haamata i te hoē aparauraa no ni'a i te evanelia e aore rā nahea i te auri i te ahu uouo—e aore rā, e nehenehe ta outou e faatumu i ni'a i te tahi atu aravihi e tano no te haere i te misioni.

## NA ROTO I TO OUTOU REO

Te vai nei te *Liahona* e te tahi atu mau materia a te Ekalesia na roto i te mau reo e rave rahi i ni'a i te languages.lds.org.

## TE MAU TUMU PARAU I ROTO I TEIE VE'A

*Te faaitere ra te mau numera i te api matamua no te parau papa'i.*

**Aamu o te Ekalesia,** 28  
**Aamu utuafare,** 14, 58, 71  
**Aroha,** 10  
**Buka a Moromona,** 48  
**Faaroo,** 4, 26  
**Faaturumaraa,** 26, 42  
**Feia Apī Tamahine,** 68  
**Haapaeraa maa,** 4  
**Haapiiraa,** 20, 36, 54  
**Here,** 8, 41  
**Ileremia,** 9

**Iesu Mesia,** 7, 57  
**Iteraa papū,** 48  
**Ohipa hiero,** 14, 58  
**Ohipa misionare,** 14, 28, 62, 64  
**Ohipa no te faaoraraa,** 14, 54, 58, 62, 64  
**Paruparu,** 10  
**Peu mā,** 36  
**Piiraa (te mau),** 8  
**Pure,** 4, 40

**Tamataraa (te mau),** 12, 26, 62  
**Tarahara,** 10, 80  
**Taviniraa,** 8, 66  
**Ti'amāraa,** 50  
**Tireni,** 28, 74  
**Upooti'a i ni'a i te faahe-maraa,** 43, 44, 52, 80  
**Utuaafare,** 12, 20, 61, 72, 78



**Na te peresideni  
Henry B. Eyring**

Tauturu matamua i  
roto i te Peresideniraa  
Matamua

# TE PURE FAAROO

**E**ohipa hau atu â te pure i te tahi noa mau parau e parau atu i te Atua. E rave'a te reira no te faa'ite atu e no te farii mai i te parau, i rotupu i te Atua e Ta'na mau tamarii.

Ia faa'ohipahia te pure mai tei titauhia, e faa'ite atu tatou i te mana'o o to tatou aau na roto i te mau parau ohie. E e pahono pinepine mai te Metua i te Ao ra na roto i te tuu-  
raa i te mana'o i roto i to tatou feruriraa e to tatou aau. Te faaroo noa nei Oia i te pure aau tae ta tatou e pûpû nei a pure noa ai tatou ma te fafauraa mau ia haapa'o i Ta'na mau parau, noa'tu â Ta'na pahonora e noa'tu â te taime e tae mai te reira.

Teie te parau fafau a te Fatu i te mau taata atoa e tai'o e e pure no ni'a i te Buka a Moromona.

« E o teie ta'u a'o ia outou na, ia itea teie nei mau parau ia outou, e ui atu i te Atua, i te Metua mure ore ra, i te i'oa o Iesu Mesia e, e parau mau anei teie mau parau, e aore anei ; e ia ui atu outou ma te aau hinaaro mau, ma te mana'o papû, e ma te faaroo i te Mesia, na'na ia e faaitai mai i te parau mau ia outou na roto i te mana o te Varua Maitai ».

« E na roto i te mana o te Varua Maitai e ite ai outou i te parau mau i te mau mea atoa ra » (Moroni 10:4-5).

E parau fafau papû teie. Ua tamata e rave rahi mirioni taata i te reira e ua ite-papû-hia mai te reira parau fafau faahiahia no ni'a i te pure na roto i te fariiraa i te hoê haamaitairaa tei faai i to ratou oraraa i te popou e te oaoa

morohi ore. E tano teie parau fafau no ta tatou mau pure atoa, no te ite mai i te mana'o e te hinaaro o te Atua ia tatou. E ti'a ia tatou ia faa'ohipa i te reira i te taime atoa e farii tatou i te hoê parau a'o mai roto mai i te hoê tavini a te Atua tei haamanahia no te horo'a ia tatou i te arata'iraa. Ei hi'oraa, e ti'a ia tatou ia turu i ni'a i te reira a faaroo ai tatou i te hoê a'oraa i roto i te amuiraa rahi. E ti'a ia tatou ia faa'ohipa i te reira i te taime a haapiihia ai tatou e na misionare haehaa tei piihia e te Atua na roto i te peropheta ora. E tano atoa te reira no te parau a'o ta tatou e farii nei mai roto mai i to tatou episekopo e aore râ to tatou peresideni amaa.

E mea ohie roa te mau ture e ohipa ai te pure i roto i to tatou oraraa. Titau-roa-hia ia tatou ia ite i te parau mau na roto i te pureraa i te Metua na roto i te i'oa o Iesu Mesia. Titau-roa-hia ia tatou ia ani ma te aau hinaaro mau, te auraa ra, titau-roa-hia ia roaa to tatou mana'o mau no te haapa'o i te mau pahonora e te mau titauraa ta te Atua e tuu mai i ni'a ia tatou. E e ti'a i to tatou mana'o papû ia mahiti mai roto mai i to tatou faaroo ia Iesu Mesia.

Te taata imi e tai'o i te Buka a Moromona na mua i to'na bapetizoraa e to'na haamauraa, e farii oia i te haapapûraa e, e buka mau te reira e e farii atoa oia i te iteraa papû e, ua iriti Iosepha Semita i te reira na roto i te mana o te Atua. I muri iho i to tatou haamauraahia ei melo no te Ekalesia, e nehenehe ta tatou e farii i te Varua Maitai ei hoa no tatou no te haapapû mai i te tahi atu mau parau mau. Ei reira, ia



I te sabati haapaeraa maa, e amui tatou i te pure e te haapaeraa maa. No te haamaitai i te feia veve, e horo'a rahi tatou i te ô haapaeraa maa i te episekopo ra e aore râ i te peresideni amaa ra, i te faito a'e o te haamau'araa no na tamaaraa e piti e haapaehia. E fariu to tatou mau mana'o e ta tatou mau pure i te Faaora e i te feia Ta'na e hinaaro ia tavini atu tatou ma te pahono i to ratou mau hinaaro i te pae varua e i te pae tino.

E riro atura ta tatou mau pure e to tatou mau hiaai i te fatata rahi atu â i te mau pure e te mau hiaai o te Faaora, i te mea te haapae nei ho'i tatou i te maa no te riro ei taata marû, ei taata ohie ia haapii e ei taata here rahi. E mai Ta'na i rave, e pure atu tatou no te ite mai i te hinaaro o te Metua no tatou, e no te rave roa i te reira. ■

#### HAAPIIRAA NO ROTO MAI I TEIE PARAU PORO'I

**T**e haapii nei te peresideni Eyring e, e nehenehe i te pure e i te haapaeraa maa ia tauturu ia tatou ia « ite mai i te parau mau mure ore ». A hi'o e, te hea tuhaa o to ratou iteraa papû e ti'a ia haapuaihia, ei reira, a faaineine i te hoê haapiiraa no ni'a i te reira tumu parau. Ei hi'oraa, mai te peu ua faaru'e te tahi hoa e aore râ te tahi melo utuafare, a opua ia paraparau atu no ni'a i te utuafare mure ore e te pohe pae tino. E nehenehe atoa ta outou e tuu i te opuaraa ia haapae i te maa e te feia ta outou e ha-haere nei, no te tauturu ia ratou ia farii i te hoê iteraa papû no ni'a i taua parau tumu ra.

pure noa'tu tatou na roto i te faaroo, e ti'a atura ia tatou ia tia'i i te Varua Maitai ia faa'ite papû mai ia tatou e, o Iesu te Mesia, e te ora nei te Metua e ua here Raua ia tatou, e i te mau tamarii atoa a te Metua i te Ao ra.


O te hoê te reira o te tumu te vai ra te hoê parau fafau i roto i te Buka a Moromona, e roaa te aroha i to tatou nei aau ia faa'ite papû mai te Varua Maitai ia tatou e, o Iesu te Mesia : « O te marû e te haehaa te aau, e te fa'i oia na te mana o te Varua Maitai e, o

Iesu o te Mesia ia, ia vai atoa te aroha i roto ia'na e ti'a'i » (Moroni 7:44).

E rave'a rahi e vai ra i roto i te mau sabati haapaeraa maa atoa no te tupu te taata i te pae varua. E ti'a i te sabati haapaeraa maa ia haafatata ia tatou i te ohipa i tupu i ni'a ia Alama e i na tamaiti a Mosia, tei pure e tei haapae i te maa no te ite mai i te parau mau mure ore, ia ti'a ia ratou ia haapii i te mau ati Lamana ma te mana e te haamanaraa e te here (hi'o Alama 17:3, 9).

## Faaineine na mua i te pure

**T**e faahaamana’o mai nei te peresideni Eyring e, te pure, « e rave’a te reira no te faa’ite atu e no te farii mai i te parau, i rotopu i te Atua e Ta’na mau tamarii ». Ia ravehia te tahi taime no te faaineine no ta tatou mau pure, e riro te reira i te faatupu i teie aparauraa. E nehenehe e faa’ohipahia te buka aamu, te tahi noa minuti, no te faaineineraa ia tatou ia pure i te mau mahana tata’itahi. E nehenehe e hamani i te hoê tapura no te mau haamaitairaa ua mauruuru outou i te Metua i te Ao ra, te hoê tapura no te feia te hiaai nei i ta outou mau pure e te mau uiraa tei hinaarohia te pahonora. E reira, a titau manihini i te Varua na roto i te himeneraa i te hoê himene e



aore râ na roto i te tai’oraa i te tahi mau irava no te papa’iraa mo’a. Ia pure outou, a haapa’o maitai nahea te Varua Maitai e arata’i i ta outou mau parau, e a haapa’o maitai i te mana’o e tae mai i to outou feruriraa e i to outou aau (hi’o PH&PF 8:2-3). A opua ia tapa’opa’o i te ohipa i tupu i roto i ta outou buka aamu ma te hi’o atoa i te mau pahonora ta outou i farii. E nehenehe atoa ia faa’ohipa i te mau ohiparaa e vai ra i te mau api 107-10 i roto *la Poro Haere i Ta’u nei Evanelia : Te hoê arata’i no te ohipa misionare* no te tauturu ia outou ia hi’o i te huru o ta outou mau pure e no te haapii ia ite i te Varua Maitai.

## TE MAU TAMARII

### Faraoa pure

**N**ahea oe ia ite e, e aha te parau i roto i te pure ? E nehenehe ta outou e haamata i ta outou mau pure ma te parau e, « E te Metua i te Ao ra », e i muri iho e faaoti ma te parau e, « Na roto i te i’oa o Iesu Mesia, amene ». Te mea râ ta oe e parau i roto, tei ia oe ia, mai te ma’itiraa i te mea e tuu i roto i te hoê faraoa.

A ma’iti i te mea ta oe e hinaaro e tuu i roto i ta oe faraoa. A papa’i i ni’a iho i te mea ta oe e hinaaro ia pure. E nehenehe ta outou ia faahiti i te parau « mauruuru » no te mau haamaitairaa, ia faa’ite atu i te mau mea ta outou e haape’ape’a ra, ia ani i te mau haamaitairaa e aore râ ia ui i te tahi mau uiraa.

E nehenehe ta oe e tapupu i te faraoa e aore râ e hamani i te tahi atu â. E faatautau atu i roto i te fare no te faahaamana’o i te mau mea ta oe e nehenehe e parau i roto i ta oe mau pure.

**E te Metua i te Ao ra**

---



---



---



---



---



---



---

**Na roto i te i’oa o Iesu Mesia, amene**



*A tuatapapa na roto i te pure i teie materia ma te imi ia ite e aha te faa'ite atu. Nahea te maramaramaraa i te oraraa o te Faaora e i Ta'na misioni i te faarahi i to outou faaroo Ia'na e i te haamaitai i te feia ta outou e haapa'o nei na roto i te tere hahaereraa ? No te mau haamaramaramaraa hau atu, a haere i ni'a i te reliefociety.lds.org.*

## Te misioni hanahana a Iesu Mesia : Te pane ora

*E tuhaa teie no te mau parau poro'i no te hahaereraa utuafare a te mau tuahine o te faa'ite nei i te mau huru o te Misioni a te Faaora.*

Ua parau Iesu, « O vau te pane ora o tei pou mai mai te rai : o te amu i teie nei pane, e ti'a ia i te oraraa » (Ioane 6:51). « Te haapii nei Iesu ia tatou, Ta'na mau pīpī e, e ti'a ia tatou ia hi'o i te Atua i te mau mahana atoa no te pane—te tauturu e te maa—ta tatou e hinaaro no taua mahana ra », te na reira mai ra Elder D. Todd Christofferson no te Pūpū no te Tino Ahuru Ma Piti Aposetolo. « Te parau nei te titauroa a te Fatu... no te hoê Atua here, tei ite i te hinaaro na'ina i atoa o Ta'na mau tamarii i te mau mahana tata'itahi, e o te hiaai roa nei ia tauturu ia ratou, ratou tata'itahi. Te parau nei Oia e, e ti'a ia tatou ia ani na roto i te faaroo i teie Taata « tei horo'a hua mai i te maitai i te taata'toa ra, ma te pato'i ore ; e e horo'ahia mai ta'na' (Iakobo 1:5) ». <sup>1</sup> A maramarama noa ai tatou e, na Iesu Mesia e pahono i to tatou mau hinaaro, e fariu tatou Ia'na ra no ta tatou maa varua.



Te ani manihini mai nei Elder Jeffrey R. Holland no te Pūpū no te Tino Ahuru Ma Piti Aposetolo ia tatou, « ia amui mai i roto i te opuaraa rahi a te mau pīpī matamua no te Mesia, tei faa'ite atoa i to ratou hiaai no te pane ora—ratou tei ore i ho'i i muri, tei haere mai râ Ia'na ra e tei faaea Ia'na ra e tei ite e, aita'tu e taata ta ratou e nehenehe e haere no te parururaa e te faaararaa ». <sup>2</sup>

### Te tahi atu mau papa'iraa mo'a

Ioane 6:32-35; Alama 5:34; 3 Nephi 20:3-8

#### TE MAU NOTA

1. D. Todd Christofferson, « Recognizing God's Hand in Our Daily Blessings », *Liahona*, Tenuare 2012, 25.
2. Jeffrey R. Holland, « He Hath Filled the Hungry with Good Things », *Liahona*, Tenuare 1998, 76.

### A feruri i teie

Mai te mea e, e haere tatou i te Mesia ra, nahea Oia i te faaamu ia tatou i te maa ?



Te Faaroo,  
Te Utuafare,  
Te Totauturu

### No roto mai i te mau papa'iraa mo'a

Ua haapii Iesu Mesia i te naho'a rahi hau i te 4 000 taata. I te ma'iriraa e toru mahana, ua parau Oia i Ta'na mau pīpī : « Te aroha nei au i teie nei feia rahi, i te mea... aita a ratou maa ia amu ;

« E ia tuu porori noa vau ia ratou i to ratou utuafare, e mata-pourihia ratou i te e'ati'a...

« Ua na ô maira ta'na mau pīpī ia'na, Ei hea ia maa e noaa'i ia tatou i teie nei medebara, e ati ai teie nei feia ?

« Ua ui atura [Iesu] ia ratou, E hia a outou pane ? Ua na o maira ratou, E hitu ».

Ei reira, « rave ihora [te Mesia] i taua na pane e hitu ra, haa-maitai atura i te Atua, vavahi ihora, tuu atura i ta'na mau pīpī ra, ia tuu atu ratou i mua i te aro o te mau taata ra...

« E e pue i'a rii ho'i ta ratou : ua haamaitai atura oia i te Atua, e ua faaue atura ia tuu-atoa-hia i mua ia ratou ra.

« Amu ihora ratou e pa'ia roa a'era, ohi ihora ratou i te huahua rii maa toea ra e hitu ete ». (Hi'o Mareko 8:1-9.)

# MAURUURU, E TE TAEA'E JAY

Na Kristine Purcell

*Auê to'u mauruuru rahi i te varua, te fafauraa, te faaineineraa e te here o te mau tavini papû e rave rahi na roto i te Ekalesia.*



« E sabati ananahi », ua parau vau i ta'u tamahine e pae matahiti, tei mohi i ni'a i to'u na turi avae. E ata tei itehia i ni'a i to'na hoho'a mata.

« Maitai roa ia », ua parau mai oia. « E ite ia vau i te taea'e Jay ».

Aau mehara a'era to'u. Auê to'u mauruuru rahi i roto ia'u no teie orometua Paraimere, e orometua here e te aupuru tei faaochie mai i to matou taeraa mai i roto i teie paroisa apî. Ua huehue roa ho'i to te utuafare taatoa mana'o no te faaru'eraa matou i te fenua ropu no Marite no te haere mai i ô nei, 1 350 maile (2 173 km) te atea, o te tamarii rii ihoa râ tei pe'ape'a maitai, ta maua tamahine o Season. No to'na mamahu, e mea taiâ na'na te mau mea apî e nehenehe e hiti mai, e ua taiâ atoa oia i te haere i te pureraa i tera hepetoma matamua ra.

Aua'e râ te taea'e Jay, to'na marû e to'na huru pûpû ia'na, ua tano rii maitai noa ta'na mau parau arearea e to'na here no te faahoa ia Season. I tera ihoa sabati matamua, ua pi'o ona i ni'a ia'na, ma te rave i to'na rima e ma te hi'o i roto i to'na mata, e ua parau oia, « Haere mai e te potii. E au roa oe i ta tatou piha haapiiraa ».

A ma'iri noa ai te mau hepetoma, ua anaanatae roa Season ia tae mai te sabati, hau atu i te tahi noa'tu mahana. Ia tae matou i te pureraa, e hi'o haere

oia na roto i te amuiraa no te ite atu i to'na orometua. E ata mai oia.

Na roto i te mau matahiti, ua haamana'o te taea'e Jay i te mau piahi atoa ma te horo'a i te tahi tao'a i te mau mahana taa ê e i te mau oro'a fanauraa. Ia fatata mai te oro'a fanauraa o Season, o te taea'e Jay te manihini faufaa roa a'e ta'na e hinaaro ia haere mai.

Ua ite anei oia i te huru o ta'na faaûruraa i te oraraa o ta maua tamahine iti? Ua ite a'enei oia i te ohipa i tupu i roto i teie mau piahi Paraimere pae matahiti, na roto i ta'na mau parau e ta'na mau ohipa? E ti'a anei ia'na ia ite i te faufaa o te reira no'u, te metua vahine, to'na riroraa ei tuhaa i roto i te oraraa o ta'u tamahine?

I muri iho, ua tau Season i te piha haapiiraa, tei roto atura i te piha a te taea'e Edward, e ua tamau noa â teie ohipa faahiahia. Auê to'u mauruuru rahi i teie mau tane e mau vahine tei haapa'o maitai i ta ratou ohipa, tei faaineine maitai ia ratou, tei vai haehaa noa, e ua faatupu ratou i te faaûruraa pae varua, te faaûruraa maitai i roto i te oraraa o Season.

Ua haamaitaia to matou nei utuafare taatoa na roto i teie mau taata tei pûpû ia ratou, tei tavini atoa ia matou i ni'a i ta matou e'a nuuraa i te pae varua. Te haamana'o nei au i te hoê tia'i « Scout », te hoê tauturu pûpû

tahu'a faaoroma'i noa, te hoê orometua « Séminaire » faaoroma'i, te hoê peresideniraa faahiahia no te Feia Apî Tamahine e te hoê episekopo aupuru.

Ua haamaitaia to matou nei utuafare, ua ite râ vau e ere o matou ana'e. E au te « taea'e Jay » i te mau taata e rave rahi, i te mea e, e rave rahi mau taea'e e mau tuahine haapa'o ua haaputapu ta ratou taviniraa i te oraraa o te mau utuafare mai ia matou nei. Auê to matou mauruuru rahi i to ratou varua, to ratou fafauraa ia ratou, ta ratou faaineineraa e to ratou here.

Mauruuru i te mau tavini papû e rave rahi i roto i te Ekalesia tei tauturu i to matou nei utuafare. ■

*Te ora nei te taata papa'i i Nevada, te mau Hau Amui no Marite.*



## TUTAVA NO TE TAUI I TE ORARAA

« la rotahi maite tatou i ni'a i te mau rave'a ohie no te tavini i

roto i te basileia o te Atua, ma te tutava tamau i te tau i te oraraa, oia'toa to tatou iho nei ».

Elder M. Russell Ballard no te Pûpû no te Tino Ahuru Ma Piti Aposetolo, « la paari outou », *Liahona*, Novema 2006, 20.

# IEREMIA

« *Ua ora na Ieremia i te hoê tau e i te hoê vahi fifi ; are'a râ ua faati'a te Fatu ia'na ia ite i 'te hoê tau i roto i te mau mahana hopea nei i te haaputuputuraa o Iseraela' ».<sup>1</sup> —Linda K. Burton, peresideni rahi no te Sotaiete Tauturu*

**E** tamaiti au na Hilikia, e tahua no Anatota, te hoê fenua fatata ia Ieruselema. I to'u taure'are'araa « te parau a Iehova i te taeraa mai ia'u nei, e te na oraa e,

« Aita oe i hamanihia e au i roto i te opu, i ite ai au ia oe ; e aita oe i fanau, i faataahia'i oe e au ; e ua haapa'ohia oe e au, ei peropheta na te mau fenua ».

Ua taiâ roa to'u mana'o i to'u ineine-ore-raa, e ua pahono atura vau e, « Aore ho'i au i ite i te parau ; e tamaiti iti ho'i au ».

Ua pahono mai te Fatu, « Eiaha e parau, e tamaiti iti au : o tei tonohia oe e au ra, o ta oe ia e haere, e o ta'u e faaue ia oe ra, o ta oe ia e parau.

« Eiaha oe e mata'u ia ratou ; ei piha'i atoa iho ho'i au ia oe ei faaora ia oe ». Ei reira, ua « faatiaia maira [te Fatu] i ta'u vaha » e ua tuu i te mau parau i roto.<sup>2</sup>

E 40 matahiti te maoro to'u tohu-haere-raa na Ieruselema, mai te matahiti 626 haere atu i te matahiti 586 hou te Mesia, i te mau tau a faatere ai te arii Iosia, i muri iho, o te arii Iehoiakima e tae roa'tu i te tau o te arii Zedekia.<sup>3</sup> Hoê â to maua Lehi tau, te peropheta no te Buka a Moromona. Maua toopiti tei

parau faahapa i te ohipa ino a te taata i Ieruselema ma te tohu atoa i te haamouraa o taua oire rahi ra.<sup>4</sup>

Ua faaue mai te Fatu ia'u ia tapa'o-pa'o i ta'u mau tohuraa i ni'a i « te tahi buka otaro ra ».<sup>5</sup> I te faarooraa te arii Iehoiakima i te reira mau tohuraa, ua tutu'i oia i te reira. Ua faaue te Fatu ia'u ia papa'i faahou â i teie mau tohuraa e ia tuu i te tahi atu â mau tohuraa.<sup>6</sup>

Ua faaruru noa vau i te pato'iraa a poro noa ai au i te parau a te Atua. Ua ta'iri Pasura, te tamaiti a te tavana rahi, ia'u e ua tuu ia'u i roto i

te fare tape'araa. Ua hinaaro te taata ia haapohe ia'u no te mea ta'u i poro haere. Aita to'u e roo maitai i mua i te taata, pinepine au i te hurihia i roto i te apoo e te fare tape'araa. E tau ino mau te tau ta'u i ora na.<sup>7</sup>

E noa'tu e, tei roto vau i te ati rahi, ua faati'a mai te Fatu ia'u ia ite atea e, e haaputuhia Iseraela i te mahana hopea, e e papa'i te Fatu i Ta'na ture « i to ratou ra mau aau » e e rave mai Oia ia ratou « tata'ihoe... i to te oire hoê, e tata'ipiti ho'i i to te opu hoê » no te haere ti'a'tu i Ziona.<sup>8</sup>

A tamau noa ai au i te poro i te parau a te Fatu—noa'tu te tau mata'u rahi—ua haapii au e, e arata'i te fafauraa roto no te evanelia i te hau. E a faatupu noa ai tatou i to tatou iho faahoaraa i te Fatu, e nehenehe ta tatou ia ite mai i te ti'aturiraa i roto i te mau tamataraa e te ati rahi. ■

## TE MAU NOTA

1. Linda K. Burton, « Te faaroo i te taraehara a Iesu Mesia, ua papa'ihia anei i roto i to tatou aau ? » *Liahona*, Novema 2012, 111.
2. Hi'o Ieremia 1:1-9.
3. Hi'o Guide to the Scriptures, « Ieremia », scriptures.lds.org.
4. Hi'o Ieremia 6; 1 Nephi 1:13, 18-20.
5. Ieremia 36:2.
6. Hi'o Jeremiah 36:23-32.
7. Hi'o Ieremia 20:2; 26:8; 38:6.
8. Ieremia 31:33; 3:14.



# TE POTA OFA'I JADE

Na Ellen C. Jensen

**A**tavini ai au i ta'u misioni i Taiwan, ua haere maua to'u hoa i te fare manaha National Palace Museum i Taipei, e mahana faaineine-  
raa te reira na maua. Te mea au roa a'e i reira, o te hoê ia hipa ano'ihī tei topahia te i'oa, te Jade Cabbage (te pota ofa'i Jade). Ua hi'o anaanatae roa te taata i te reira, no'u nei râ, e hoho'a pota noa ia tei tarahia i roto i te ofa'i « Jade ». E mea nehenehe ihoa ia, eita e nehenehe e parau, e aha ra pai to'na faahiahia taa ê.

I te otiraa ta maua mata'ita'iraa i te fare manaha, ua ani au i to'u hoa misionare, « E aha to oe mana'o no ni'a i te Pota ofa'i Jade ? »

« Ua au roa vau i te reira ! »

« No te aha ? » Ua ani au. « E pota noa ho'i ».

« Te faaoo ra paha oe ia'u ? » E au-  
raa parau to teie Pota ofa'i Jade i roto i to'u oraraa ! » ua pii hua mai oia.

« Tera pota ? »

« E ! Aita anei oe i faaroo i te aamu ? »

« Aita paha ».

E, faati'a mai nei oia i te aamu.

E ua tano roa ia oia. Riro atoa mai nei te reira ei auraa parau no ta'u misioni e to'u oraraa.

No te haafaufaa i te ofa'i Jade tarai, titauhia ia papû maitai te û o tera ofa'i. E mea moni rahi te mau ohipa tarai i roto i te hoê ofa'i jade aita to'na e vahi hape, no te mea e

mea varavara roa ino te ofa'i jade aita e vahi hape. E piti û to te Pota ofa'i jade, matie i te hoê pae e uouo i te tahi, e e mea apoopoo e te taratara. Eita te taata tarai e haamau'a i to'na taime i ni'a i te hoê ofa'i mai te reira te huru, e i te hoê râ mahana, ua tae mai te hoê taata ta te Tinito e parau nei, te orometua tarai ofa'i.

Ahani e nehenehe ta teie ofa'i jade e paraparau, aita paha e parau ta'na eita e parau atu i teie taata tarai apî. Te feruri nei au i te taata tarai, to'na rave-  
raa i teie ofa'i jade i roto i to'na rima.

« E aha ta oe e hinaaro ? » e ani atu te ofa'i jade.

« Te imi ra vau i te ofa'i jade no te tarai », ua pahono mai te taata tarai.

« A imi faahou â. Aita to'u e faufaa. E piti û taa ê to'u tei ano'ino'i, e eita

e nehenehe e faataa i te reira. E mea apoopoo vau e te taratara. Aita to'u e faufaa. Eiaha e haamau'a i to oe taime ».

« Auê oe e, e teie ofa'i jade maa-  
maa. A ti'aturi mai ia'u. O vau te oro-  
metua tarai ofa'i. E hamani au ia oe ei  
ohipa nehenehe roa ino ».

Te ohipa faahiahia i roto i te Pota ofa'i Jade, oia ho'i ia, ua faa'ohipa te tahi orometua tarai ofa'i i te mau paruparu o teie ofa'i jade—na û e piti, te mau apoopoo e te taratara—no te hamani i teie pota e au ihoa i te pota mau. O te tuhaa uouo tei riro mai ei tumu no te pota, e na te mau apoopoo e te taratara i faahohoa maitai i te mau rau'ere. Ahani aita teie mau vahi « paruparu » i ni'a i teie ofa'i jade, eita ia te reira e au i te hoho'a mau o te pota.



## ARE'A O IEHOVA, E HI'O IA I TE AAU

« I roto i to tatou ao, e mea pinepine te huru morare i te haapaehia no te nehenehe e aore râ, no te popou. Tera râ, era ê te tau te faarooraahia to te Fatu a'oraa ia Samuela te peropheta : 'E ore ho'i ta lehova hi'oraa e au i ta te taata ; e hi'o ho'i te taata i te huru i rapae au a'e, area o lehova, e hi'o ia i te aau' (1 Samuela 16:7) ».

Peresideni Thomas S. Monson, « Mau manu iti re'are'a e hinahina i ni'a i to ratou pererau », *Liahona*, Tiunu 2010, 4.



### NAHEA VAU I TE HI'O IA'U IHO NEI MAI TA TE FATU E HI'O MAI NEI ?

E ere atoa i te mea ohie ia hi'o ia tatou iho nei mai ta te Fatu e hi'o mai nei. Te hi'o nei Oia ia tatou ei mau tamarii na te Atua tei i te faito puai e te faufaa rahi. Pinepine roa râ tatou, i te tahi taime, ia faatumu noa ia tatou i ni'a i ta tatou mau hapehape. Aita te Metua i te Ao ra i hamani ia tatou no te faaea noa i ni'a i to tatou mau hapehape, no te riro râ mai te hoê ohipa hau ê. Na roto i te evanelia a Iesu Mesia e Ta'na Taraehara, e nehenehe ta tatou e upooti'a i ni'a i ta tatou mau hapehape.

A opua ia tai'o i te mau papa'i-raa mo'a i muri nei no te haapii nahea te Fatu i te faa'ohipa i te mau taata natura hapehape no te rave faaoti i Ta'na ohipa : Exodo 4:10-12; Ieremia 1:4-10; 1 Nephi 4:1-6; Alama 26:12; Te Parau Haapiiraa e te Mau Parau Fafau 35:17-18.

No te nehenehe mau o teie ohipa ano'ihī, ua riro te reira ei tao'a horo'a i te fenua Taina e ua faa'ite'itehia te reira i roto i te fare o te mau taata rahi atoa na Asia e tae roa mai to'na tuuraahia i roto i te fare manaha no Taiwan.

Te faahaamana'o nei te reira i te Etera 12:27: « E ia tae mai te taata ia'u nei, e faa'ite atu ai au ia ratou i to ratou paruparu... E au maitai to'u aroha i te mau taata atoa i faahaehaa ia ratou iho i mua ia'u ra ; ia faahaehaa ho'i ratou ia ratou iho i mua ia'u, e ia faaroo ia'u, ei reira e faariro vau i te mea paruparu ei mea etaeta no ratou ».

No to'u iteraa i te Pota ofa'i Jade, ua haamata teie irava i te anapanapa i te tahi maramarama apī. Ua riro tatou mai teie ofa'i jade, are'a râ,

te tarai-noa-hia ra tatou i teie nei. Titau-roa-hia ia tatou ia ti'aturi i te orometua tarai ofa'i, o Iesu Mesia, te riro i te rave i to tatou mau paruparu ma te faariro ia ratou ei puai. I te tahi taime, no to tatou hi'oraa papū ore rii, te faatumu nei tatou i ni'a i to tatou mau vahi hapehape ei reira, e hepohepo roa ai no te mea e mana'o tatou eita roa'tu tatou e tapae. Teie râ, te hi'o nei to tatou Faaora, o Iesu Mesia, ia tatou, mai te taata ta tatou e nehenehe e riro mai. Ia faati'a tatou i To'na Taraehara ia ohipa i roto i to tatou oraraa, e riro Oia i te taraitarai ia tatou ei ohipa faahiahia roa no te ora i te hoê mahana i mua i te aro o te Arii o te mau arii. ■

*Te ora nei te taata papa'i i Utaha, te mau Hau Amui no Marite.*

# TE MAFATU O LIZOCHKA

Na Marina Petrova

Ua tomo maua ta'u tane i roto i te Ekalesia i te fenua Rusia, i te matahiti 1995, e ua taatihia maua i te matahiti no muri mai i te hiero no Stockholm Suede. Ua taati-atoa-hia ta maua na tamahine e piti ia maua. E piti matahiti i muri mai, ua haamaitahia maua no te mea ua fanau mai maua i te hoê faahou â tamahine, o Lizochka. Te tere maitai ra to matou oraraa. Ua oaoa roa matou paatoa. E piti râ mahana i muri mai i to'na faanuraahia mai, ua fifi ta maua aiû no te tamaaraa. I roto hoê ava'e, e 300g noa tei noaa ia'na.

Ua parau mai te mau tuati i te fare utuuturaa tamarii ia faatamaa pinepine ia'na. Te ite ra vau e, te po'ia ra oia, aita râ ta'na e nehenehe e tamaa maitai. I te hopea, ua afa'i ta'u tane ia'na i te fare ma'i o te oire. Oioi roa te taote i te horo'a mai i te mâhu'iraa ma'i—e fifi mafatu i te fanauraa. Hoê o te mau api mafatu (valve) tei ino, e aita'tura te taheraa toto i nava'i roa i roto i te mahaha, no reira ua fifi oia no te huti i te aho e no te tamaa.

Titauhia te tapuraa a te taote, teie noa râ, i Rusia, te tamarii apî roa a'e tei tapuhia no teie ma'i, e piti ia matahiti to'na. Hoê noa ho'i ava'e to ta maua nei tamahine. Ua horo'a mai te taote i te raau na'na ma te parau e, ia paari rii ana'e oia, e ravehia te tapuraa.

Hoê ava'e i muri iho, ua ino faahou atu Lizochka, e ua horo matou i te fare ma'i. Tei roto oia i to'u na rima a tere noa ai matou na ni'a i te pereoo. Tei

ni'a noa to'na mata ia'u, mai te huru ra e, te tiaoro ra oia i te tauturu. Ahani e, e ere au i te melo o te Ekalesia, e aha ra ia ta'u e rave. E ua tuu râ maua ta'u tane i to maua ti'aturiraa i roto i te Fatu ma te ti'aturi e, e tupu maitai te ohipa. Ua tamata vau i te tamârû ia'na, ua na ô vau, « eiaha roa'tu e mata'u, e ta'u aiû iti. Ua here te Atua ia tatou. Na'na e tauturu mai ia tatou, e e maitai te mau mea atoa ».

E ua tapae atura matou. Ma te tapae'a noa ia'na i roto ia'u, ua horo vau i te vahi fariiraa taata ma'i Ua haamata te mata o Lizochka i te piri. Ua fifi to'na hutiraa aho. Ma te 'u'u noa, ua parau vau i te taote no ta'u tamarii, e na te mau tuati ma'i i rave ia'na i roto i te piha utuuturaa râ. Ua parau mai te taote e, te haamata ra to'na mahaha i te oruoru, no reira ua tuu ratou i te hoê matini no te tauturu i to'na hutiraa aho.

I te mahana no muri iho, ua parau maua i te ti'a faatere no te tuhaa tapu mafatu. Ua parau mai oia, « Ua rave a'ena vau i teie huru tapuraa, e tamarii paari a'e râ. Ehia to'na matahiti ? »

« E piti ava'e », ta maua ia i parau atu.

« Te mauiu noa ra oia. E mea na'ina'i ho'i oia, e te oruoru ra to'na mahaha e te fifi noa'tura oia, eiaha tatou e faataere faahou atu. Aita vau i rave a'enei i teie huru tapuraa i ni'a i te aiû apî roa. E tamata vau i te rave i te mau mea atoa e ti'a ia'u. Na outou râ e hoo mai i na api mafatu haavare

toopiti, e mea moni rahi ho'i—ta'iohia \$2 100. I roto e maha mahana, e ravehia te tapuraa ».

E aha pai ta maua e rave ? Aita ho'i ta maua teie tino moni, e aita atoa ta te mau taata ta maua i mâtau. Atira noa'tu, ua faaroo te tahi pu'eraa i te parau no to maua fifi, e na roto i to ratou aroha e te aroha o te Fatu, ua ti'a ia maua ia faati'a i tera tino moni. Ua hoo mai ta'u tane i te api mafatu tei titauhia no te faaora i ta maua nei tamarii.

Ua pure te mau taea'e e te mau tuahine no ta maua amaa e ua haapae i te maa no ta maua tamahine, hau atu râ, ua na reira atoa te mau misionare e te tahi atu feia mo'a o te oire. Ua ite roa maua i to ratou tururaa ia maua. E te parahi ra maua i roto i te fare ma'i i te mahana no te tapuraa, ua putapu roa maua i te Varua Maitai e i te mau pure o to maua mau taea'e e mau tuahine. Ua ite roa maua e, tei piha'i iho ratou ia maua ! E tei reira atoa te Atua no te arata'i i te mau taote tapu. Eita roa Oia e faaru'e ia maua, e e tere maitai te mau mea atoa.

I te matararaa mai te taote tapu mai roto mai i te piha tapuraa, ua maere rii oia, e ua parau mai, « Ua tupu maitai te mau mea atoa. Ua tamau matou i te api mafatu. Aita vau i ite nahea ra, ua manuiâ râ ta matou ohipa ». Ua ite râ maua nahea ratou i te manuiâraa. Ua haamaitai te Metua i te Ao ra ia'na.

Ua mau Lizochka i te fare ma'i e toru mahana, e ua iti mai te oruraa



### TE TAIME E AU E, AITA TE MAU PURE E PAHONOHIA RA.

« E mea fifi roa ia ore ana'e te pure ma te aau mau no ni'a i te tahi mea ta outou e hinaaro rahi ra e pahonohia mai te au i to outou hinaaro. E mea fifi roa ia haroaroa e, no te aha na roto i ta outou faaohiparaa i te faaroo hohonu mau na roto mai i te hoê oraraa haapa'o eita te reira e afa'i mai i te hopea i hinaarohia. Ua haapii te Faa-ora e : 'Te mau mea atoa ta outou e ani atu i te Metua ra i roto i to'u nei i'oa e horo'ahia'tu ia ia outou na, *i tei au ia outou na'* [PH&PF 88:64; reta tei faahuru-ê-hia.] E mea fifi roa i te tahi mau taime ia ite e aha râ ia *te mea maitai* e aore râ *tei au ia outou* na roto i te mau matahiti i muri mai. E mea ohie a'e to outou oraraa ia farii ana'e outou i te mea ta te Atua e rave nei i roto i to outou oraraa no to outou ia maitai *mure ore* ».

**Elder Richard G. Scott no te Pūpū no te Tino Ahuru Ma Piti Aposetolo, « Faaohiparaa i te horo'araa a te ra'i no te pure », Liahona, Me 2007, 9.**

o te mafatu e o te mahaha. Ua tapuhia oia e ua tapiri-rii-noa-hia te vahi tapuraa, e te tahi mahana i muri iho, ua tapu faahou â ratou no te faaoti-roa-raa i te tapiri i to'na ouma e te mau melo tei tapuhia. Aita paha te mau taote i mana'o rii a'e e, e ora mai oia. Matou nei râ, ua ti'aturi matou i te Metua i te Ao ra e To'na mana, e ua ti'aturi atoa matou e, mai te peu te reira mau To'na hinaaro, e maitai mai oia.

O te Atua ana'e te nehenehe e faaho'i mai ia Lizochka iti. Pauroa te mahana, ua maitai rii mai oia. Ua mau oia i te fare ma'i hoê faahou ava'e, e i teie nei, tei te fare oia ia matou nei.

E Atua semeio te Atua. Te faaroo nei Oia i ta tatou mau pure, e ia tae i te mau taime fifi, Na'na e amo ia tatou. Na te mau tamataraa e haapuai i to tatou faaroo ma te haapii ia tatou ia ti'aturi, ia tia'i e ia here. ■

*Te ora nei te taata papa'i i te fenua Belegika.*



**Na Elder David A. Bednar**

No te Pūpū no te Tino  
Ahuru ma Piti Aposetolo

# Te ohipa



I roto i te hoê amuiraa mo'a tei faatupuhia i te hiero no Kirtland i te 6 no eperera, ua parau te peropheta Iosepha Semita, « I muri a'e i te mau mea ato'a tei parauhia, te ohipa rahi roa'e e tei hau atu i te faufaa o te pororaa ia i te Evanelia ».<sup>1</sup>

Fatata e hitu matahiti i muri iho, i te 7 no eperera 1844, ua faa'ite oia : « Te hopoi'a rahi roa'e i roto i teie ao ta te Atua i tuu mai i ni'a iho ia tatou o te ma'imiraa ia i to tatou feia tei pohe. Te parau nei te aposetolo, 'e ore e noaa te maitai rahi ia ratou ra ia ore tatou nei' [a hi'o Hebera 11:40]; no te mea e mea titauhia e ia vai mai te mana taatiraa i roto i to tatou mau rima no te taati i ta tatou mau tamarii e to tatou mau taata tei pohe no te îraa o te tau tuuraa o te mau tau—te hoê tau tuuraa no te ite i te mau fafauraa tei ravehia e Iesu Mesia hou te haamani-  
raa o te ao no te faaoraraa i te taata ».<sup>2</sup>

Te uiui ra te tahi mau taata e, nahea pai te pororaa i te evanelia e te imiraa i to tatou feia pohe, raua toopiti, e nehenehe ai e riro ei hopoi'a e ei tiaauraa rahi roa a'e ta te Atua i tuu i ni'a i Ta'na mau tamarii. Ta'u opuaraa, o te tuuraa ia i te mana'o e, te turama nei teie nau haapiiraa



# misionare, te aamu utuafare e te ohipa hiero

*Te pororaa i te evanelia  
e te imiraa i to tatou feia  
pohe, e mau tuhaa autu-  
ruturu ia no te hoê ohipa  
rahi—te hoê ohipa here tei  
opuahia no te tau, no te  
fariu e no te tamâ i te aau  
o te feia imi i te parau mau  
ma te haavare ore.*



i te tahoêraa e te hoêraa o te ohipa no te faaoraraa i te mau mahana hopea nei. Te ohipa misionare e te aamu utuafare e te ohipa hiero, e mau ohipa auturuturu e te tu'ati'ati no te hoê â ohipa rahi, « E ia tae i te tuuraa parau i te hoperaa mau o te mau tau ra, e amui ai oia i te mau mea'toa i te Mesia ra, to te ra'i, e to te ao nei, ei ia'na » (Ephesia 1:10).

Te pure nei au i te mana o te Varua Maitai ia tauturu mai ia outou e ia'u nei i roto i te feruri-amui-raa i teie ohipa maere no te faa-oraraa i te mau mahana hopea nei.

## **Te aau e te mau oro'a o te autahu'araa**

Te pororaa i te evanelia e te imiraa i to tatou feia pohe, e mau tiaauraa hanahana ia o te tu'ati i to tatou aau na reira atoa i te mau oro'a o te autahu'araa. Te tumu mau o te ohipa a te Fatu, o te tauraa ia, te faafariuraa

e te tamâraa i te aau na roto i te mau fafauraa e te mau oro'a tei ravehia i raro a'e i te haamanaraa ti'a o te autahu'araa.

Te ta'o ra *aau*, ua tauatini taima ia to te reira faa'ohiparaahia i roto i te mau buka tumu a te Ekalesia e e taibe te reira no te mana'o roto o te hoê taata. E no reira, na to tatou aau—te taatoaraa o to tatou mau hiaai, to tatou mau taamura, to tatou mau opuaraa, to tatou mau anaanataeraa e to tatou huru—e faataa mai o vai tatou e o vai ta tatou e riro mai araua'e.

Te fâ no te ohipa misionare, o te animanihini-raa ia i te taatoaraa ia haere mai i te Mesia, ia farii i te mau haamaitairaa o te evanelia tei faaho'i-faahou-hia mai e ia faaoroma'i e tae noa'tu i te hopea na roto i te faaroo ia Iesu Mesia.<sup>3</sup> Aita tatou e faa'ite nei i te evanelia no te haamaraa-noa-raa i te mau numera e te rahi o te Ekalesia i te mau



*Peneia'e eita te rave-  
noa-raa e te tapa'o-  
tamau-noa-raa i  
te mau mea atoa i  
ni'a i te tapura no  
te « ohipa evanelia  
e rave » e faati'a ia  
tatou ia farii i To'na  
hoho'a i to tatou  
mata nei e aore râ e  
faahuru ê rahi i to  
tatou nei aau.*

mahana hopea nei. Te imi maoti nei râ tatou ia rave faaoti i te tiaauraa hanahana tei tuuhia mai ia poro i te parau mau no te faanahoraa oaoa a te Metua, no te natura Atua o Ta'na Tamaiti Fanau Tahī, oia ho'i, Iesu Mesia, e no te faufaa o te tusia taraehara a te Faaora. Te ani-manihini-raa i te taatoaraa ia « haere mai i te Mesia ra » (hi'o Moroni 10:30-33), te iteraa i te faahuru-ê-raa rahi o te aau (hi'o Alama 5:12-14) e te pûpûraa i te mau oro'a no te faaoraraa i te mau taata i te tahuti nei, te taata tei ore â i rave i teie mau fafauraa, o te mau fâ tumu mau ia te reira no te pororaa i te evanelia.

Te faati'araa i te faateiteiraa i te feia ora e te feia pohe, o te tumu ia te Fatu i patu ai i te mau hiero e o te tumu atoa ho'i te ravehia nei te mau oro'a mono no te feia pohe. Aita tatou e haamori nei i roto i te mau hiero no te faatupu noa mai i te tahi ohipa faahia-hia no tatou iho nei e no to tatou utuafare. Te imi maoti nei râ tatou ia rave faaoti i te tiaauraa hanahana tei tuuhia mai ia pûpû i te mau oro'a no te faaoraraa e no te faateiteiraa i te taatoaraa o te utuafare taata nei. Te tanuraa i roto i te aau o te mau tamarii te mau parau i faafuhia mai i te mau metua ra, mai ia Aberahama, Isaaka e Iakoba ; te fariuraraa te aau i ni'a i to ratou iho mau metua ; e te raveraa i te ma'imiraa aamu utuafare e te mau oro'a monoraa i roto i te hiero, e mau ohipa ia e haamaitai mai i te mau taata i roto i te ao varua tei ore â i rave i te mau fafauraa.

O te mau oro'a no te autahu'araa te e'a e tae atu ai i te mana no te huru Atua :

« E o teie autahu'araa rahi a'e ia o te haa-pao i te evanelia e o te mau hoi i te taviri no te mau parau aro no te basileia, oia ia te taviri no te ite i te Atua.

« No reira, i roto i te mau oro'a no te reira, te mana no te huru Atua e faaitēhia mai ai.

« E ia ore te mau oro'a no te reira, e te mana no te autahu'araa, e ore te mana no

te huru Atua e faaitēhia mai i te taata i te tino tahuti nei ». (PH&PF 84:19-21).

A feruri maite na i te auraa o teie mau irava. *Eti'a* i te hoê taata ia haere na mua na te uputa o te bapetizoraa e ia farii i te horo'araa i te Varua Maitai—ei reira, e haere atu â i mua i ni'a i te e'a no te mau fafauraa e te mau oro'a o te arata'i ti'a'tu i te Faaora e i te mau haamaitairaa no To'na Taraehara (2 Nephi 31). E mea faufaa rahi te mau oro'a o te autahu'araa no te « haere [papû roa] mai i te Mesia ia maitai roa... ia'na » (hi'o Moroni 10:30-33). Ahani aita te mau oro'a, eita te taata e nehenehe e farii i te mau haamaitairaa atoa tei haamatarahia na roto i te tusia taraehara, te tusia hope ore e te mure ore o te Fatu (hi'o Alama 34:10-14)—oia te mana no te huru Atua.

Te ohipa a te Fatu, o te hoê ohipa faahia-hia ia o te faatumu nei i ni'a i te aau, te mau fafauraa e te mau oro'a no te autahu'araa.

### **Te mau mana'o pee**

E piti mana'o e pee nei i teie haapiiraa tumu hanahana no ta tatou ohipa i roto i te Ekalesia.

A tahi, peneia'e te tura'i pinepine nei tatou i te faataa-ê-raa i te mau tuhaa o te ohipa no te faaoraraa, na reira atoa to te reira mau ture e mau huru raveraa. Te ri'ari'a nei au e, e rave rahi o tatou te faatumu rahi roa nei e te faatumu puai roa nei ho'i i ni'a i te mau tuhaa taa ê no te ohipa a te Fatu, e inaha, te titau iti nei tatou i te mana hope o teie ohipa rahi no te faaoraraa.

I te hoê pae te imi ra te Fatu ia faatahoê i te mau mea atoa i roto i te Mesia, e i te tahi pae, te faataa nei tatou e te faatuhāa nei tatou, e ua iti roa mai to tatou maramaramaraa e ta tatou hi'oraa i teie ohipa. E i to'na faito hope roa ino, e tuuhia te mana'o matamua i ni'a i te arata'iraa i te mau faanahoraa e te haamaraaraa i te mau numera e ua mo'e rii te ani-manihini-raa i te taata ia tomo i roto i

te faauraa e ia farii i te mau oro'a ma te ti'amâ. Na te reira huru reni arata'i e opani i te tamâraa, te popou, te faafariuraa tamau e te mana pae varua e te parururaa e tae mai no te « riroraa to [tatou] aau i te Atua » (Helamana 3:35). Peneia'e eita te rave-noa-raa e te tapa'o-tamau-noa-raa i te mau mea atoa i ni'a i te tapura no te « ohipa evanelia e rave » e faati'a ia tatou ia farii i To'na hoho'a i to tatou mata nei e aore râ e faahuru ê rahi i to tatou nei aau (hi'o Alama 5:14).

A piti, ua riro te varua o Elia te tumu mau e te tumu puai no te ohipa pororaa evanelia. Peneia'e te haapapû ra te Fatu i teie parau mau i roto i te mau ohipa i tupu a faaho'i-faahou-hia mai ai te îraa o te evanelia i ni'a i te fenua nei i teie mau mahana hopea nei.

I roto i te Uru Raau Mo'a, ua ite e ua paraparau o Iosepha Semita i te Metua i te Ao ra e ia Iesu Mesia. Ua iriti teie orama i te « tuuraa parau i te hoperaa mau o te mau tau ra » (Ephesia 1:10) e na te reira i faati'a ia Iosepha ia haapii i te natura mau no te Atuaraa e no te heheuraa tamau.

Mai te huru ra e, e toru matahiti i muri iho, ei pahonora e te pure tuutuu ore i te pô o te 21 no setepa 1823, ua î a'era te piha taotoraa o Iosepha i te maramarama e tae roa'tu e « e mea maramarama atu ia i to te mahana i te avatea » (Iosepha Semita—Aamu 1:30). Ua fâ maira te hoê taata i piha'iho i to'na ro'i, ua pii maira i taua tamaiti ra i to'na i'oa e na ô maira e « e ve'a oia no ô mai i te Atua ra... e o Moroni to'na i'oa » (Joseph Smith—History 1:33). Ua haapii maira oia ia Iosepha no ni'a i te taeraa mai o te Buka a Moromona. Ei reira, ua faahiti Moroni i te buka no Malaki i roto i te Faufaa Tahito, e faahitiraa taa ê iti râ i tei papa'ihia i roto i te nene'iraa a te arii Iakopo.



*Aita tatou e haamori nei i roto i te mau hiero no te faatupu noa mai i te tahi ohipa faahiahia no tatou iho nei e no to tatou utua-fare. Te imi maoti nei râ tatou ia rave faaoti i te tiaauraa hana-hana tei tuuhia mai ia pûpû i te mau oro'a no te faaoraraa e no te faateiteiraa i te taatoaraa o te utua-fare taata nei.*

« Inaha, e faaite atu vau ia outou te autahu'araa, na roto i te rima o Eliaha te peropheta, hou te taeraa mai o te mahana rahi e te mea ri'ari'a o te Fatu ra ... E na'na e tanu i roto i te mau aau o te mau tamarii te mau fafauraa i fafauhia i te mau metua, e e riro te mau aau o te mau tamarii i te fariu i to ratou ra mau metua. Ahiri aita ra, e hope roa te fenua i te faainohia i to'na taeraa mai » (Iosepha Semita—Aamu 1:38-39).

I roto i te mau arata'iraa ta Moroni i horo'a mai i te peropheta apî ra, te vai ra na tumu parau rahi e piti : (1) te Buka a Moromona e (2) te mau parau a Malaki i te tohuraa i te ohipa a Elia i te tau no te faaho'i-faahou-raa mai « o te mau mea atoa, ta te Atua i parau mai na roto i te vaha o Ta'na mau peropheta taatoa mai te omuaraa mai o te fenua nei » (Te Ohipa 3:21). No reira, na te mau ohipa omua i te Faaho'i-faahou-raa mai i heheu mai i te haroaroaraa ti'a no te Atuaraa, i haapapû mai i te parau mau no ni'a i te heheuraa tamau, i tura'i i

te faufaa o te Buka a Moromona, e i omua i te ohipa no te faaoraraa e te faateiteiraa no te feia ora mai te feia pohe.

E feruri na tatou i teie nei i te hopoi'a a te Buka a Moromona no te tau i te mau aau—e a te varua o Elia no te faafariu i te mau aau.

Te Buka a Moromona, apitihia i te Varua o te Fatu, « o te mauihaa hoê rahi roa ia ta te Atua i horo'a mai no te faafariu i teie nei ao ». <sup>4</sup> Ua riro teie mau papa'iraa mo'a no te Faaho'i-faahou-raa mai ei ofa'i tua no ta tatou faaroo e te mea faufaa tumu no te faaho'i mai i te mau varua i te Faaora ra. Te Buka a Moromona, o te tahi faahou ite no Iesu Mesia—e ite faufaa rahi no te haamau i te ti'araa hanahana o te Taraehara i roto i te hoê ao paieti ore e te feaa noa'tu â. E tau i te aau ia tai'o e ia tuatapapa te mau



*Te pororaa i te evanelia e te imiraa i to tatou feia pohe, e mau tiaauraa hanahana ia o te tu'ati i to tatou aau na reira atoa i te mau oro'a o te autahu'araa.*

taata i te Buka a Moromona e ia pure ratou ma te mana'o papû no te apo mai i te parau mau no ni'a i teie buka.

Te varua o Elia, e « faa'iteraa ia o te Varua Maitai te faa'ite mai nei i te natura hanahana o te utuafare ». <sup>5</sup> Na teie faaûruraa taa ê a te Varua Maitai e faa'ite mana nei i te faanahoraa oaoa a te Metua e e ume mai nei i te taata i roto i te ma'imiraa e te poihereraa i to ratou mau tupuna e te mau melo o to ratou utuafare—i tahito ra e i teie nei mahana. Ua roohia te mau taata, i roto e i rapae i te Ekalesia, i te varua o Elia e te faafariu nei ho'i i te aau i ni'a i te metua.



*E ono hoho'a video i roto i teie parau. A pata i teie parau taviri (QR) e aore ra, a haere i ni'a i te [lds.org/go/bednar1014](https://lds.org/go/bednar1014) no te hi'o i te hoho'a video matamua no te hoê aamu faaiteraa i teie parau tumu.*

Ua tae te taima no tatou no te faaairo-maite-raa ei faufaa tumu i te apitiraa e nehe-nehe e rave i ni'a i te faahuru-ê-raa rahi i to tatou nei aau, tei noaa na mua roa na roto i te mana varua o te Buka a Moromona, e te fariuraa te aau i ni'a i te mau metua, tei ravehia na roto i te varua o Elia. E nehenehe i to tatou hiaairaa ia tu'ati i to tatou tuuai, e faaineine ia tatou tata'itahi ia farii i te maitai o te parau a te Atua e ia haapuai i to tatou faaroo. E tauturu taa ê to te aau fariu i te mau metua e horo'a i te taata no te pato'i i te umeraa a te enemi e no te haapuai i to tatou faafariuraa.

*A mataitai i te hoho'a video piti no te hi'o i te hoê aamu faaiteraa i teie parau tumu.*

### **Te mau parau tumu**

E maha parau tumu ta'u e hinaaro ia faataa mai no ni'a i te mana varua e tae mai na roto i te faahuru-ê-raa e te fariuraa i te aau.

- 1. Te aau e te faafariuraa.** Na te fariuraa i te mau metua e faaara e e faaineine

i te aau no te faahuru-ê-raa rahi. E no reira, te tauturu nei te varua o Elia i te faafariuraa.

*A mataitai i te hoho'a video toru no te hi'o i te hoê aamu faaiteraa i teie parau tumu.*

- 2. Te aau e te tape'araa i te taata faafariu.** Na te fariuraa i te mau metua e paturu e e haapuai i te aau tei roaa te faahuru-ê-raa rahi. E no reira, te tauturu nei te varua o Elia ia tape'a i te feia faafariu apî.

*A mataitai i te hoho'a video maha no te hi'o i te hoê aamu faaiteraa i teie parau tumu.*


- 3. Te aau e te faaitoitoraa i te feia paruparu.** Na te fariuraa i te mau metua e tamârû i te aau tei etaeta roa i muri mai i te hoê faahuru-ê-raa rahi. E no reira, ua riro te varua o Elia ei taviri no te faaitoitoraa i te feia paruparu.

*A mataitai i te hoho'a video pae no te hi'o i te hoê aamu faaiteraa i teie parau tumu.*

- 4. Te aau e te mau misionare itoito.** Te misionare tei roaa te faahuru-ê-raa e te fariuraa o te aau, ua riro ia oia ei tavini faafariu rahi a'e e te pûpû rahi a'e ia'na e te itoito atoa ho'i.

*A mataitai i te hoho'a video ono no te hi'o i te hoê aamu faaiteraa i teie parau tumu.*

No te parareraa rahi o te nuu misionare e to ratou faaineineraa rahi, eita roa'tu ia ta tatou e nehenehe e turu'i noa i ni'a i te mau manuiaraa tahito i roto i te ohipa pororaa no te feruri i to tatou tere e ta tatou mau rave'a no ananahi. Ua faaûru mai te Fatu i te mau rave'a e te mau mauihaa apî o te faati'a nei ia tatou ia fana'o i te hoêraa o te ohipa misionare e te ohipa hiero e te aamu utuafare, hau atu i te mau tau tuuraa na mua'tu. Eiaha tatou ia maere i te tupu-apiti-raa teie puhararaa ohipa apî e te taima a faanuuhia



*Te varua o Elia, e « faa-  
'iteraa ia o te Varua  
Maitai te faa'ite mai  
nei i te natura hana-  
hana o te utuafare ».*

ai te ohipa misionare i mua na te ao atoa nei. Te ohipa a te Fatu, o te hoê ohipa faahiahia ia o te faatumu nei i ni'a i te aau faahuru ê e te aau fariu, i ni'a i te mau fafauraa mo'a e i ni'a i te mana no te huru Atua e itehia nei i roto i te mau oro'a no te autahu'araa.

### **Puohuraa e iteraa papû**

Ua parau te Fatu, « E ti'a ia'u ia rave i ta'u ihora ohipa » (2 Nephi 27:21), e oia atoa, « E [haapeepee] au i ta'u ohipa i roto i te tau mau no te reira » (PH&PF 88:73). E mau ite tatou no To'na haapeepeeraa i Ta'na ohipa.

Te ora nei e te tavini nei ho'i tatou i roto i te tau tuuraa no te îraa o te mau tau. Na te araraa tatou i te faufaa mure ore o te tau tuuraa tata'itahi tei roto tatou i te oraraa e arata'i i te mau mea atoa ta tatou e rave nei na reira atoa te mea ta tatou e tutava nei ia riro. Te ohipa no te faaoraraa e ti'a ia ravehia i teie mau mahana hopea nei, e ohipa rahi ia e te aano e te faufaa tumu e te rû ho'i. Auê ho'i, e ti'a ia tatou ia mauruuru no te mau haamaitairaa e te mau tiaauraa i ni'a ia tatou o te ora ra i teie anotau taa ê no te tau tuuraa hopea. Auê ho'i, e ti'a ia tatou ia vai haehaa no te iteraa e, « o tei tuuhia'tu te mea rahi ra, e mea rahi atoa ia te titauhia'tu ia'na ra » (PH&PF 82:3).

Te pororaa i te evanelia e te imiraa i to tatou feia pohe, e mau tuhaa auturuturu ia no te hoê ohipa rahi—te hoê ohipa here tei opuahia no te tau, no te fariu e no te tamâ i te aau o te feia imi i te parau mau ma te haavare ore. Te tumâhia ra te reni ta tatou iho i tuu pinepine i rotopu i te ohipa misionare e te ohipa hiero e te aamu utuafare ; o te hoê noa iho ho'i ohipa rahi no te faaoraraa.<sup>6</sup>

E ti'a anei ia tatou ia maramarama i te ti'araa o te ohipa hiero e te aamu utuafare i roto i te tautururaa i te hoê taata imi e aore râ te hoê melo paruparu no te farii i te hoê maramaramaraa rahi a'e i te faanahoraa no te faaoraraa ? Te haro'aro'a nei anei tatou e, te hoê o te mau faaûruraa rahi roa a'e no te tape'araa i te taata faafariu, o te varua ia o Elia ? E ti'a anei ia tatou ia taa hope roa i te faufaa no te fariuraa te aau, fariuraa o te tupu nei na roto i te faa'iteraa i te mau aamu utuafare ei rave'a ho'i no te imiraa i te taata no te haapii na te mau melo e te mau misionare ? E ti'a anei ia tatou ia tauturu i te feia ta tatou e tavini nei, ia fana'o pinepine a'e ratou i te mau mana no te huru Atua na roto i te rave-ti'amâ-raa i te mau oro'a mai te oro'a mo'a e te mau bapetizoraa e te mau haamau-raa no te feia pohe ?

Ia ite maramarama maitai outou, ia faaroo papû maitai outou e ia haamana'o noa'tu ho'i outou i te faufaa no ta outou taviniraa i roto i te ohipa a te Fatu no te tauraa, no te fariuraa e no te tamâraa i te aau. ■

*No roto mai i te hoê a'oraa tei horo'ahia i te mau peresideni misioni api i te 25 no tiunu 2013.*

### **TE MAU NOTA**

1. *Te mau Haapiiraa a te mau Peresideni o te Ekalesia : Iosepha Semita* (2007), 373.
2. *Te mau Haapiiraa : Josepha Semita*, 540.
3. *Hi'o Ia Poro Haere i Ta'u nei Evanelia : Te hoê Arata'i no te Ohipa Misionare* (2004), 1.
4. Ezra Taft Benson, « A New Witness for Christ », *Ensign*, Novema 1984, 7.
5. Russell M. Nelson, « A New Harvest Time », *Ensign*, Me 1998, 34.
6. Hi'o Spencer W. Kimball, « The Things of Eternity—Stand We in Jeopardy? » *Ensign*, Tenuare 1977, 3.



# UTUAFARE

## Te mafatu o te haapiiraa

Ia paturu ana'e te haapiiraa i te fare pure i te haapiiraa i te utuafare, te patu ra ia outou i te hoê niu paari o te oraraa i te evanelia.


« **E**iaha e haamo'e i te tai'o i te mau tai'oraa no te haapiiraa o te hepetoma i muri nei ». Te haamana'o ra anei outou i tera mau parau ? Pinepine teie mau parau taparu i te faaroohia na roto mai i te hoê orometua i te pae hopea o te haapiiraa i te piha fare pure.

E no te mea hoi e, e mea faufaa rahi ia faaineine ia outou no ta outou mau haapiiraa no te Sabati, e feruri anei outou i te tahi taime e, ta outou opuaraa hoê roa i roto te tuatapaparaa e te feruriraa o te ineine-roa-raa outou no te sabati ?

Te ti'araa mau, ia ravehia na te tahi atu pae.

Te mau « ohipa haapiiraa, te mau faanahonahoraa, e te mau faaoaoaraa atoa a te Ekalesia, ua faatumuhia ia i ni'a i te utuafare ma te paturuhia e te Ekalesia ».<sup>1</sup> Te auraa ra, ia riro mau ta tatou mau pureraa ei patururaa i te ohipa haapiiraa a te taata hoê e a te utuafare. Mai ta te episekopo faatere o Gary E. Stevenson i haapii mai, « te vahi matamua no te haapii e no te haapii mai, o te fare ia ».<sup>2</sup> Ia faatumu-ana'e-hia te haapiiraa mai e te haapiiraa atu i roto i te utuafare, e tupu mai te hoê mana o te arata'i atu i te faafariuraa.

O tera te parau poro'i o te haapiiiraa matahiti a te pūpū tauturu no te matahiti 2014, « *Learning and Teaching in the Home and the Church (Haapiiraa mai e te haapiiraa'tu i roto i te utuafare e i te Ekalesia)* » o te vai ra i ni'a i te itenati annualtraining.lds.org. « Aore hoê o tatou e haafaufaa ore nei i te haapiiraa i te fare pureraa », te parau ia a Elder Jeffrey R. Holland no te Pūpū no te Tino Ahuru Ma Piti Aposetolo. « Ua na reira tatou i roto i to tatou oraraa taatoa, tera râ, te hinaaro nei tatou ia ravehia te reira e 24/7 i roto i to tatou oraraa ».<sup>3</sup> Ia tuu ana'e outou i te reira haapiiraa 24/7 i roto i te mau mahana atoa o to outou oraraa utuafare, e ti'a ia ia outou ia haamau i te hoê niu paari no te hoê « fare no te haapiiraa » (PH&PF 88:119) o te horo'a mai ia outou e i to outou utuafare i te hoê faeearaa e te hoê parururaa pae varua.





## HAAPIIRAA MAI I TE UTUAFARE

Eita paha outou e ite tamau oioi noa i te hopearaa, tera râ, mai te mea e, e faaohipa outou i te mau taimē rii ha'ihā'i atoa no te haapīi mai e te haapīi atu i roto i ta outou ohipa i te mau mahana atoa, e nehenehe te reira e riro mai ei ohipa puai. Teie te huru no e rave rahi mau utuafare iteraa i taua ohipa ra i roto i to ratou oraraa.

### Te mau taimē rii ha'ihā'i

« Te vai ra te tahi mau taimē e ere i te mea au roa ia tau'aparau i te tahi mau tumu parau no ni'a i te evanelia. Ua riro te mau taimē haapīiraa opua-ore-hia ei haamaitairaa rahi no maua no te haapīi i te mau haapīiraa faufaa i ta maua mau

tamarii. Ua hau a'e te taimē haapīiraa opua-ore-hia i roto i te hoē mahana, i te mau taimē haapīiraa opuahia, no reira, e rave papū maua i taua mau taimē ra no te haapīi i te mau parau tumu faufaa i ta maua mau tamarii. Ei hi'oraa, e haapīi

au i te parau no te haavare ore ia haere ana'e au e hooohoo i te fare toa. E mea haapīi ohie a'e te mau tamarii i te mau parau tumu mai te mea e, e ite ratou e nahea ia faaohipa i te reira ».

*Mona Villanueva, Philippines*







## Aparaparauraa i te taima tamarāa

« Ua tauturu te mau taima ha'iha'i opua-ore-hia ia'u ia faatupu i te auraa maitai a'e i rotopu i ta'u mau tamarii. Ia parahirahi ana'e matou i ni'a i te amuraa maa i te fare tūtu no te amuamu rii i muri a'e i te haapiiraa, e paraparau matou no ni'a i te mau mea i tupu i te fare haapiiraa. Pinepine te hoê o ratou i te faahiti mai i te hoê mea ta te hoê hoa i parau e aore ra, to'na mana'o no ni'a i te hoê mea ta te hoê taata i parau e aore ra, i rave. Ei reira vau e faaite ai i to'u iho iteraa, e a paraparau ai i ni'a i te mana'o o ta'u tamarii no ni'a i te ohipa tei tupu. Te mana'o nei au e, na roto i te paraparauraa i te mau tamarii i te taima haape'ape'a ore, e rahi atu to ratou hinaaro ia paraparau i ni'a i te mau tumu parau faufaa i te taima a tupu mai ai te hinaaro, i te mea e, ua tae'ahia ia ratou te hoê faito ti'aturiraa, ma te ite e, e faaroo i to ratou na metua ».

*Alyson Frost, Heleni*

## Te mau ratereraa e te mau aparauraa

« E faahoro vau i ta'u mau tamahine i te fare haapiiraa na ni'a i te pereoo utaraa taata i te mau po'ipo'i atoa, no reira, e rave rahi taima no matou ia paraparau. I te hoê taima i ma'iri a'e nei, ua ite matou i te hoê tane e te vahine faaipoipo te tatama'i ra. Ua fariu oioi mai ra ta'u mau tamahine i ni'a ia'u e ua tia'i ratou ia parau vau i te hoê parau. Tera râ, ua ui atura vau ia ratou eaha to ratou mana'o no ni'a i te ohipa tei tupu. Ua parau mai ra ratou ia'u e, te mana'o nei ratou e, eita roa'tu e ti'a i te hoê tane ia parau mai te reira te huru i ni'a i ta'na vahine. I muri iho i te reira, ua tau'aparau matou i ni'a i te parau no te faaipoiporaa e te autaatiraa. Ua hope to matou tere pereoo e 30 minuti i roto i te hoê huru maitai e te putapû roa ».

*Mario Lorenz, Guatemala*





## Hoê taatiraa aupuru

« Ua ite maua ta'u vahine e, tei ia maua te hopoi'a matamua no te haapii i ta maua mau tamarii e ere râ te hopoi'a na te feia faatere, tera râ, te maururu nei maua no te ohipa ta ratou e rave nei e te tauturu nei maua i te taima e nehenehe ta maua. E mea faahiahia roa te feia faatere i roto i ta maua paroisa o te haapa'o maitai nei i te feia apî e i te mau tamarii, e te rave nei i te mau mea atoa e ti'a ia ratou no te tauturu ia ratou ia ite i to ratou puai ia au i te ohipa i ravehia e te mau metua. Ua farerei au i te episekopo i te tahi mau taima, e e mea maitai roa ta'u aparauraa e te feia faatere no te feia apî, e te ani pinepine mai nei ratou i te huru o ta'u mau tamarii e to ratou haereraa i mua. Na roto i to matou aparau-pinepine-raa i ni'a i te haereraa i mua o ta maua mau tamarii, ua tauturu te reira ia matou paatoa ia haroaroa nahea ia tauturu ia ratou tata'itahi ».

*Jesse N. Arumugam, Afirita Apatoa*





**UA HAAPII  
TE MESIA I  
NI'A I TE AIVI  
E I ROTO I TE  
UTUAFARE**

« Te Faora te orometua rahi ... E ite tatou e, te rahiraa o Ta'na ohipa o te haapiiraa ia. Area râ, fatata aita hoê o taua ohipa haapiiraa ra i ravehia i roto i te hoê fare pureraa. I rapae oia i te haapiiraa, i te vahi tei reira te taata. Tei ni'a i te mau purumu rarahi, e te mau purumu rii na'i-na'i e i ni'a i te mau aivi, i te pae tahatai e i roto i te mau fare ».

Elder Jeffrey R. Holland no te Pūpū no te Tino Ahuru Ma Piti Aposetolo, i roto i te « Learning and Teaching in the Home and the Church—the Home (Haapiiraa mai e te haapiiraa'tu i roto i te utuafare e i te Ekalesia—te Utuafare) » (hoho'a video no te haapiiiraa matahiti 2014 a te pūpū tauturu), [annualtraining.lds.org](http://annualtraining.lds.org).

## Te puai i roto i te mau papa'iraa mo'a

« Ua tauturu te tai'oraa papa'iraa mo'a ia'u ia haapii mai no ni'a i te Mesia e To'na huru, ia ti'a ia'u ia riro mai Ia'na ra te huru. Ua horo'a atoa mai te reira i te Varua puai ia'u, o te arata'i nei e o te haapii nei ia'u nahea ia faaohipa i te reira mau mea ta'u i apo mai, ia ti'a ia'u ia ineine no te aro i te mau titauroa o te oraraa e i te mau faahemaraa ta Satane e huri mai nei i ni'a ia'u. Ia ore teie haamaitairaa i roto i to'u oraraa, ua ite au e, eita e tae'ahia ia'u to'u puai ei tamaiti na te Atua ».

*Nathan Woodward, Peretane*

## HAAPIIRAA I TE FARE PURERAA :

### 10 Parau tumu e ti'a i te mau orometua atoa ia ite

Taa'e atu te haapuairaa i te mana o te haapiiraa mai e te haapiiraa atu i roto i te utuafare, e nehenehe atoa ta tatou e haapuai i te iteraa i te piha haapiiraa i te fare pureraa. Mai te mea e, e faaohipa te mau orometua i teie nau parau tumu hoê 10, e faatupu ia ratou i te faafariuraa i roto i te oraraa o te feia ta ratou e haapii atu.

1. A aparau e te mau metua, tei ia ratou te ti'araa orometua matamua, no te imi i te mau hinaaro o te mau melo o te piha haapiiraa, e a haapii atu i te reira mau hinaaro.
2. A faaineine e a haapii atu na roto i te Varua. A imi i te mau uiraa e i te mau ohipa haapiiraa o te faatae mai i te arata'iraa a te Varua i roto i te mau aparauraa, e a faaamu i te huru varua o te mau melo o te piha haapiiraa.
3. A haapii i te taata, eiaha te haapiiraa.
4. A faatumu i ni'a i te mau haapiiraa tumu mau o te evanelia.
5. A haapii papû hoê e aore ra, e piti parau tumu faufaa, eiaha râ e tamata i te haapii i te taatoaraa o te materia haapiiraa.
6. A titau i te Varua na roto i te vaiihoraa i te mau taata atoa ia pahono i te haapiiraa (a hi'o PH&PF 88:122).
7. A horo'a i te hoê titauroa puai ia rave—eiaha noa hoê ohipa no te afa'i i te fare e te tai'o, hoê râ ohipa e faaohipa i te fare.
8. A faaite i to outou iteraa papû no ni'a i te haapiiraa tumu—i te pae hopea o te haapiiraa e i te mau taime atoa e faaûru mai te Varua ia outou.
9. A ora i te evanelia, e « a faatitiaifaro » i to outou iho utuafare (a hi'o PH&PF 93:43-44, 50).
10. A imi i te mau rave'a e ti'a i te haapiiraa ia tere noa i te mau taime opua-ore-hia i te mau mahana atoa o te oraraa.

#### TE MAU NOTA

1. *Manuel 2 : Administration de l'Eglise* (2010), 1.4.
2. Gary E. Stevenson, i roto i te « The Ward Council—We're All in This Together (Te apooraa paroisa—tei roto tatou paato'a » (hoho'a video no te haapiiiraa matahiti 2014 a te pūpū tauturu), [annualtraining.lds.org](http://annualtraining.lds.org).
3. Jeffrey R. Holland, i roto i te « Learning and Teaching in the Home and the Church—the Home (Haapiiraa mai e te haapiiraa'tu i roto i te utuafare e i te Ekalesia—te Utuafare) » (hoho'a video no te haapiiiraa matahiti 2014 a te pūpū tauturu), [annualtraining.lds.org](http://annualtraining.lds.org).



# I NI'A I TE miti ra

*I taparu noa na vau i te Metua i te Ao ra ia tâtara i to'u ahoaho e to'u hepohepo, are'a râ ahiri aita teie mau tamataraa, eita paha ia vau e tae atu i te fenua i parauhia ra, i reira Oia i te arata'iraa ia'u.*

Na Jon Warner

**E**ono ava'é i muri mai i te noaaraa ta'u parau tu'ite no te fare haapiiraa tuatoru, ua haamata vau i te faaruru i te tahi mata'u rahi, te tahi taime ahoaho e te tahi are faaturumaraa. Aita vau i ite noa'tu no hea mai teie mau mana'o, e mau mana'o puai râ e te haamae.

Ua aro noa vau ia papû to'u mana'o. I te ohipa, mai te huru ra e, pauroa te ohipa apî e faatupu mai i te ahoaho e aita a'e ta'u e nehenehe e parahi hau noa. Mai te huru ra e, te horo nevaneva ra to'u feruriraa, e puai roa to'u mafatu i te otu'itu'i, e au e, te matara maira na roto mai i to'u ouma. E ua tupu noa mai te reira tau mahana, e ia ho'i au i te fare i te mau mahana atoa, te marua nei au i raro. E ia araara rii a'e au, ua hope a'ena te pô e te haamata ra te tahi faahou mahana ohipa.

Ua tamau noa teie mau mana'o tau ava'e, noa'tu â ua

itehia mai ia'u te tahi toro'a ohipa apî e te tahi tauturu i roto i ta'u ohipa.

Ua pure noa vau i te mau pō'ipo'i atoa ia haere atu vau i te ohipa, ia roaa mai te puai ia hope tera mahana ia'u e ia ho'i au i te fare e ta'u vahine e ta'u tamahine. Aita re'a e hopea ta'u e ite ra no teie aroraa na'u, e ua tae pinepine mai te mana'o faaru'e. Ua rahi roa te mau mahana ta'u i taparu noa i te ra'i ia tauturu mai, e te roimata atoa ho'i. Ua pure au ma te mana'o papû, aita e faaauraa, ua taparu vau i te Metua i te Ao ra ia tauturu mai ia'u ia maramarama i teie tamataraa e ia iriti atu i te reira.

Tei roto roa vau i te pō'iri e te hepohepo a ore ai au i putapu i te Varua. I te faateiteiraa râ te Varua ia'u mai roto mai i to'u tapinevaraa, ua itehia mai ia'u te ti'aturiraa no te haere â i mua—ia tae noa'tu pai i ta'u pure no muri iho.

Ua haapii au ia turu'i i ni'a i to'u Metua i te Ao ra eiaha i te pure noa no te taima tamaaraa e aore râ i te pure faahiti noa i te pô. Ei faahopearaa, ua haafatata rahi a'e au Ia'na.

### Taorahia e te mau are

I roto i to'u ahoaho e to'u hepohepo, ua tai'o e ua tai'o faahou â vau i te aamu o te ati Iareda, to ratou tereraa na ni'a i te « moana rahi » (Etera 2:25). Tei ni'a noa vau i te feruriraa i to ratou mana'o taiâ a tomo ai ratou i roto i te mau pahi. E mea ri'ari'a paha teie tere to ratou, ua ite râ ratou e, te fano ti'a ra ratou i te hoê « fenua e hau i te mau fenua atoa i te maitai » (Etera 2:15).

No ni'a i teie tere to ratou, te tai'o nei tatou e :

« Ua faafarara maira te Fatu te Atua i te hoê mata'i rahi roa i ni'a iho i te miti i te pae i te fenua i parauhia ra ; e ua tere tahurihuri noa atura ratou i ni'a i te mau are i mua i te mata'i.

« E ua paremo pinepine ihora ratou i raro i te mau vahi hohonu o te moana, no te are mou'a tei fati mai i ni'a iho ia ratou, e te vero rahi e te riarua ho'i tei tupu i te puai rahi o taua mata'i ra.

« ... Ia haatihia ratou i te miti rahi, ua tiaoro atura ratou i te Fatu e na'na ratou i arata'i faahou mai i ni'a i te miti ra.

« E te haere ra ratou i ni'a i te moana, aita te mata'i i faaea i te haere i te pae i te fenua i parauhia ra ; e na reira ratou i te puhia i mua i te mata'i ra » (Etera 6:5-8).

Mai te huru ra, no'u iho nei teie mau irava. Mai te huru ra e, tei roto vau i to'u pahi, e te ta'iri maira te mau mata'i ahoaho ia'u e te horomii ra te mau are faaturumaraa ia'u i roto i te hohonu o te hepohepo. E ia « haatihia » vau, e tiaoro atu vau i te Fatu no te ho'i mai i ni'a, ei reira e tomo faahou ai i roto i te hohonu.

Ua tai'o faahou vau i te irava 8 : « E te haere ra ratou i ni'a i te moana, aita te mata'i i faaea i te haere *i te pae i te fenua i parauhia ra* ; e na reira ratou i te puhia i mua i te mata'i ra » (reta tei faahuru-ê-hia). I reira puta mai nei te mana'o. Teie mata'i tei faatupu i te mau are mou'a no te faaparemo i te mau pahi, ua haamaitai atoa ho'i i te mau ati Iareda i ni'a i to ratou tere. I taparu noa na vau i te Metua i te Ao ra ia tâtara i to'u ahoaho e to'u hepohepo, are'a râ ahiri aita teie mau tamataraa, eita paha ia vau e tae atu i te fenua i parauhia ra, i reira Oia i te arata'iraa ia'u.

Ua taua roa teie mau irava i to'u hi'oraa i te oraraa. Ua faarahi to'u ahoaho e to'u faaturumaraa i to'u turu'iraa i ni'a i te Metua i te Ao ra. Ahiri aita te mata'i e te mau are, eita paha ia vau e ite i te Atua mai ta'u i ite Ia'na—e eita atoa paha te mau ati Iareda e tapae i te fenua i parauhia ra.

I teie nei, ua ma'iri tau matahiti, aita faahou to'u mau mata'i ahoaho e ta'iri ra e aita te mau are faaturumaraa e faaparemo ra ia'u. Ia farara noa mai te vero, e tiaoro vau i te Fatu e e haamauruuru atu vau, no te mea ua ite au e, eita ta te moana mania e nehenehe e tura'i i te mau pahi i te fenua i parauhia ra—o te miti puai râ. ■

*Te ora nei te taata papa'i i Utaha, te mau Hau Amui no Marite.*



### EIAHA TE FAAROO IA MO'E

« Nahea outou ia pahono maitai a'e ia tupu ana'e mai te fifi i te pae o te feruriraa e aore râ i te pae o te manava, i ni'a i te feia ta outou i here ? Na mua roa, eiaha te faaroo ia mo'e, te faaroo i to outou Metua

i te Ao ra o te here nei ia outou, hau atu i ta outou e haro'aro'a...

« A tamau noa i te imi ma te haapa'o maitai i te mau raveraa e hopoi mai i te Varua o te Fatu i roto i to outou oraraa. A ani i te a'o o te feia tei mau i te mau taviri no to outou maitai pae varua. A ani e a poihere i te mau haamaitairaa o te autahu'araa. A rave i te oro'a i te mau hepetoma atoa, e a vai mau maite i ni'a i te mau parau fafau haamaitai o te Taraehara o Iesu Mesia...

« ... E roaa ia faaora i te feruriraa i parari mai te mau ivi i parari e te mau aau i parari e faaorahia ra. A haa noa ai te Atua i teie mau tâtâiraa, tatou e toe ra, ua nehenehe ta tatou e tauturu atu na roto i te aroha-raa'atu, te haavâ-ore-raa e te hamani-maitai-raa ».

**Elder Jeffrey R. Holland no te Pūpū no te Tino Ahuru Ma Piti Aposetolo, « Mai te au'a i parari ra », *Liahona*, Novema 2013, 40, 41.**



TE FAAFARIURAA  
E TE TAUIRAA I TE  
**fenua Tireni**

*Ua tupu te mau bapetizoraa matamua  
i te matahiti 1956. I teie mahana, te  
vai ra ta te Ekalesia 1 hiero, 9 misioni,  
74 tītī e fatata 600 000 ti'ahapa melo  
i te fenua Tireni.*

**Na Néstor Curbelo**

Taata faaa'o no te aamu o te Ekalesia, Area no te pae apato'a o Amerika Apato'a

I te roaraa o teie na matahiti 58 o to ratou tuaai, ua faa'ite mai te mau melo o te Ekalesia i te fenua Tireni i to ratou aravihi no te tau i te avei'a, ma te faatano i to ratou oraraa i ni'a i te avei'a tei faa'itehia e te mau peropheta. Na te reira varua i tauturu i te tupuraa taa ê o te Ekalesia i reira i roto i te afa tenetere i ma'iri a'enei. I teie mahana, ua piri te fenua Tireni i te 600 000 melo, oia ho'i, 1 i ni'a i te 30 o te taata Tireni, e melo no te Ekalesia ia.<sup>1</sup>

**Ua tere te hoê aposetolo i te fenua Tireni**

I te matahiti 1851, ua tapae Elder Parley P. Pratt (1807-1857) no te Pūpū no te Tino Ahuru Ma Piti Aposetolo i Valparaíso ma te opuaraa e faati'a i te Ekalesia. Teie râ, aita raua to'na hoa misionare i ite i te parau paniora, e ua iti roa ta raua moni, e aita ho'i e ti'amâraa i reira no te pee i ta'na iho haapa'oraa faaroo, e no reira, aita raua i manu'a i te faati'a i te Ekalesia i reira.



*Te mau orometua haapii e ta ratou mau piahi no te piha CM1 i te fare haapiiraa a te Ekalesia, te Colegio A. D. Palmer, i te mau matahiti 1966.*

Ua parau Elder Pratt i te peresideni Brigham Young (1801-77): « E ti'a ia iritihia te Buka a Moromona e te tahi mau ve'a moni māmā i roto i te reo paniora e ia nene'ihia te reira, i reira te taviri e tavirihia ai no teie nunaa ia haere atu te tahi Autahu'araa ora ia ratou ra ma te tahi mea no ratou ia tai'o—teie ho'i mau papa'iraa tei roto te mau parau fafau a te Atua, te mau pure e te faaroo o to tahito ra, e te mana e te Varua o te Atua no te ohipa e ratou ra no te faaho'i-faahou-raa mai i te utuafare no Iseraela ».<sup>2</sup>

### **Ua faati'ahia te Ekalesia**

Atira noa'tu te tamataraa matamua a Elder Pratt, hau i te 100 matahiti i muri iho to te Ekalesia faati'araahia i te fenua Tireni. I te matahiti 1956, ua tonohia mai Elder Joseph Bentley e Elder Verle Allred mai te misioni no Râparâta (Argentine) mai, no te poro i te evanelia i te fenua Tireni, no te maru rii mai te haavîraa pae faaroo i reira. E i te oire no Santiago, ua fana'o teie nau misionare i te tauturu o te utuafare Fotheringham, e mau melo tei haere mai mai te fenua Panama mai ma te ti'aturi noa e, e tae mai te mau misionare i te hoê mahana.

Ua ravehia te mau bapetizoraa matamua i te fenua Tireni

i te 25 no novema 1956, i roto i te hoê apoo pape hopu i te hoê fare faaanaanataeraa i Santiago. Te haamana'o nei Elder Allred e, « Ua haere matou i te fare faaanaanataeraa i te aahiata roa e ua faatupu matou i te hoê pureraa na roto i te hoê pure e te tahi mau a'oraa poto. Ua pou vau i roto i te pape e te taeae'e Garcî ; o ona ta'u i bapetizo matamua, e e va'u taata i muri iho ia'na. E ohipa taa ê mau tei tupu. Eita matou e haamo'e i te mana'o i tae mai i roto i to matou nei aau ... Ua riro teie nau melo ei mau pionie o te Ekalesia i te fenua Tireni, e i to'u mana'o, ua vai haapa'o maitai noa ratou pauroa e tae noa'tu i to ratou poheraa : o Garcîas ma, o Saldaños ma e te tuahine Lanzarotti ».<sup>3</sup>

### **Te piiraa i te feia faatere**

I te ava'e no feppure 1959, ua tere mai o Spencer W. Kimball (1895-1985) no te Pûpû no te Tino Ahuru Ma Piti Aposetolo i te fenua Tireni e ua tura'i oia i te parau no te faaineineraa i te taata tumu ei feia faatere. Te taata Tireni matamua tei riro mai ei taata faatere, o Carlos Cifuentes ia, tei riro mai ei tauturu no te peresideni misioni, o Robert Burton. Te faati'a mai nei Elder Julio Jaramillo, o oia tei riro mai ei Hitu Ahuru Area e ei peresideni hiero i muri



iho : « To'u mana'o matamua no ni'a i te taea'e Cifuentes, ua farii ia vau i te reira i te haereraa'tu vau i te hoê pureraa na te autahu'araa i muri iho i to'u baptizoraa. I te haamataraa te pureraa, ua ti'a mai oia i te terono e te mea noa ta to'u mata i haru mai, o to'na ia maiuu ereere i te repo. Ua mana'o vau, 'Nahea teie taata e nehenehe ai e arata'i i te hoê pureraa e te peresideni misioni mai te mea e, e rima reporepo tona ?' E tae roa mai te taime ua paraparau mai oia, mo'e atura teie mau mea atoa i te putapuraa vau i to'na varua. Na roto i te mau parau ohie, ua vauvau mai oia i te mana'o hohonu ia matou. E tamuta rarahi pereoo matini oia, e e ahiahi roa oia ia ohipa i te mahana maa, ei reira e horoi i to'na na rima, aita râ ho'i ta'na e rave'a rahi roa no

i te fenua Tireni, no ni'a i te faanahoraa no te haapiiraa, « Ua riro te mau fare haapiiraa i te fenua Tireni ei faaûruraa rahi no te feia apî e rave rahi tauatini, i te pae no te hiva tahu'a e i te pae varua, e ua tauturu te reira i te faaineine-  
raa i te feia faatere e te mau misionare no te mau matahiti i muri iho ».<sup>5</sup>

Ua haamata te faanahoraa no te « Séminaire » e no te « Institut » i te fenua Tireni i te matahiti 1972. Na mua ra, e tuatapapa te mau piahi i te haapiiraa evanelia i te fare, e hoê piha haapiiraa i te hepetoma hoê. I muri iho i faatupu-rahi-hia ai te mau piha haapiiraa i te mau mahana atoa. Ua haamaitai teie mau faanahoraa i te feia apî i tera fenua e ua tauturu atoa te reira ia ratou ia faaineine no te taviniraa

1851: Ua tere Elder Parley P. Pratt i Valparaíso aita râ i roa ia'na i te faati'a i te Ekalesia i te fenua Tireni

► 1926: Ua tohu Elder Melvin J. Ballard, i roto i te hoê pureraa haapaeraa maa, no ni'a i te tupuraa e te puai o te Ekalesia i Amerika Apato'a i te mau tau no muri mai



► 1956: Ua tapae te mau misionare matamua i Santiago, o Joseph C. Bentley e o Verle M. Allred ; ua tupu te mau baptizoraa matamua



te tamâ pauroa te hinu i ni'a i to'na rima. I reira e mai te reira taime atu to'u haapiiraa eiaha ia haavâ i te taata i ni'a i to ratou hoho'a, ia hi'o râ i to ratou faufaa ia au i to ratou faito mau ».<sup>4</sup>

### Haapuai i te u'i apî

I te roaraa o te mau matahiti 1960 e 1970, ua haapuaihia te Ekalesia i te fenua Tireni na roto i te maraaraa te feia faatere aravihi maitai no te fenua iho e na roto atoa i te mau faanahoraa no te paturaa e no te haapiiraa. Tei roto atoa ia te paturaa i te mau fare pureraa e te faati'araa i te mau fare haapiiraa a te Ekalesia, te haapiiraa evanelia mai te « Séminaire » e te « Institut ».

I te ava'e mati 1964, ua niuhia na fare haapiiraa e piti a te Ekalesia i te fenua Tireni. I te pae hopea, ua matara e rave rahi fare haapiiraa, e ua ra'e-roa-hia te numera i te 2 600 piahi. I te hopearaa te mau matahiti 1970 e i te omuaraa o te mau matahiti 1980, ua nava'i roa te mau fare haapiiraa a te hau, e ua faaara atura te Ekalesia e tapirihia ta'na mau fare haapiiraa i te fenua Tireni.

Teie te mana'o o Elder Eduardo A. Lamartine, e Hitu Ahuru Area tahito e e tauturu no te aamu o te Ekalesia

Te haapiiraa evanelia na te feia paari i Temuco, hoê o na haapiiraa evanelia na te feia paari e 50 i te fenua Tireni.





*Te paraparau ra te peresideni Gordon B. Hinckley i mua e 48 000 taata Tireni, e Feia Mo'a i te Mau Mahana Hopea Nei, i te matahiti 1996 i roto i te hoê amuiraa i Santiago/*

ei misionare rave tamau. Ua riro Elder Eduardo Ayala, tei tavini ei Hitu Ahuru, ei hoê o te mau orometua matamua no te « Séminaire » e i muri iho, ua rave oia i te ohipa i roto i te faanahoraa haapiiraa a te Ekalesia i te fenua Tireni. Ua parau oia, « Ua ma'iti te Fatu i te reira feia apî, i te reira tau, e e rave rahi o ratou tei ho'i mai na te misioni e tei riro mai ei feia faatere rahi, e te utuafare maitai atoa ... No'u nei, ua riro te « Séminaire » e te « Institut » ei rave'a no te faaoraraa i roto i te hoê tau ua rahi te mârôraa i roto i to matou nei fenua e ua maururu roa vau no te piiraahia vau ia ohipa i roto i te faanahoraa haapiiraa ».<sup>6</sup>

### **Te tîti matamua**

I te 19 no novema 1972, ua faanaho Elder Gordon B. Hinckley (1910-2008), no te Pûpû no te Tino Ahuru Ma Piti Aposetolo i tera ra tau, i te tîti no Santiago i te fenua Tireni, e o Carlos Cifuentes te peresideni.

Ua faa'ite mai teie faaineineraa no te tîti i te huru o te Feia Mo'a i te fenua Tireni e to ratou hinaaro ia pee i te mau peropheta. Ua tapae mai Elder Hinckley i te fenua Tireni e rave rahi ava'e hou te faanahoraa o te tîti. I muri iho râ i ta'na mau uiuiraa, ua faataimehia te reira. I tera ra

tau, te faaruru ra te taata e rave rahi i te fifi pae moni, e ua fifi atoa te tahi o te mau melo i te haapa'oraa i te ture no te tuhaa ahuru.

Te faataa nei Elder Hinckley, « Ua ho'i au i ô e ono ava'e i muri iho, e i to'u faatereraa i te uiuiraa, ua ite au i te u'aa-raa o te faaroo ; tei ni'a faahou to ratou avae i te e'a parauti'a a te Fatu, e ua faanahohia te tîti, e mai te reira taima atu ua tupu noa ratou e ua u'aa noa ho'i »<sup>7</sup>

### **Te mau pionie i te oti'a fenua**

I teie mahana e piti tîti i Arica, te oire apato'erau roa o te fenua Tireni. Na te aamu o Gladys e Juan Benavidez, na taata faafariu matamua i Arica, e faahi'o nei i te varua pionie e te faaûruraa hanahana i roto i te faati'araa i te Ekalesia i te fenua Tireni.

Ua ite matamua te taea'e Benavidez i te parau no te Ekalesia i te matahiti 1961, a puhi mai ai te mata'i i te tahi mau api parau i mua ia'na : « E mau api parau te reira no te ve'a papa'i ra te *Reader's Digest Selections* tei roto te hoê vauvauraa no ni'a i « Te mau momoni », te faa'ite'ite ra i te parau no to ratou oraraa e to ratou mau ti'aturiraa », te parau ra oia.

E aita i maoro roa, ua roohia oia i te hoê ma'i rahi e ua titau-roa-hia oia ia haere i Santiago no te rapaau ia'na. « I te tapaeraa vau i ô, ua haere au i te fare o to'u tuahine e ua haapii ihora vau e, e melo oia no te Ekalesia i teie nei », te parau ra oia. « Ua ani mai oia ia'u ia haere i te hoê amuiraa taa ê. E a faaroo ai au i te pure matamua e a feruri maite ai au i teie mau parau, ua î a'era to'u tino atoa i te oaoa e ua ite a'era vau i te faaûruraa o te Varua Maitai. I te otiraa te amuiraa, ua rave te mau misionare ia'u na muri ia ratou no te haere e aroha rima i te hui mana faatere tei

melo o te Ekalesia no te varavararaa te maa e te raau ma'i, e no te haape'ape'araa e vai ra i ni'a i te mau misionare e te mana'o hape o te mau ve'a.

I te matahiti 1973, no te tau fifi i te pae no te haapa'oraa faufaa e i te pae sotiare, ua tupu te hoê faatahuriraa, e faatahuriraa na te faehau e ua mau atura te hoê hau haavî e tae roa'tu i te matahiti 1990. Noa'tu â pai e hau manahune unauna te fenua Tireni i teie mahana, ua riro râ taua na matahiti e piti ahuru ra ei tau fifi no te mau melo. Te vai ra te tahi mau pûpû pato'i i teie hau haavî, e ua

1957: *Ua haamanahia te Ekalesia i mua i te hau o te fenua Tireni*

1960: *Ua tupu te hoê aueueraa fenua puai i Concepción ; ua tono te Ekalesia i te tauturu*

► 1961: *Ua faanahohia te misioni no te fenua Tireni e o Asael Delbert Palmer te peresideni*



1962: *Te iritiraa repo fenua no te fare pure matamua a te Ekalesia i Santiago*

haere mai, o Elder Ezra Taft Benson (1899-1994) no te Pûpû no te Tino Ahuru Ma Piti Aposetolo i tera ra tau ».

Ua ho'i te taea'e Benavidez i Arica e ua faa'ite a'era i te ohipa i tupu i to'na hoa, o Gladys Aguilar, tei riro roa mai ei vahine na'na. Te tahi mahana i muri mai, ua ite Gladys e piti misionare te haere maira na to raua fare. « Oioi roa maua i te tapaparaa ia raua », te parau ra te taea'e Benavidez. « I te 1 no tiurai 1961, ua bapetizohia maua, na reira atoa te utuafare o ta'u vahine. I teie mahana, e tamarii ta maua e e mootua ta maua i roto i te Ekalesia. Ua mauruuru roa ho'i au i te Fatu no teie mata'i tei puhi mai i teie parau no ni'a i te Ekalesia i roto i to'u nei rima ».<sup>8</sup>

### Te hoê tau tamataraa

I roto i te ma'itiraa o te matahiti 1970, ua riro mai te taote ra Salvador Allende ei peresideni, e ua faati'a oia i te hoê faatereraa hau mai to Rusia te huru (Marxiste). Ua fifi te mau

rave ino ratou i te mau fare pure e te mau melo no te mea ua hi'o ratou i te Ekalesia ei ti'a no te faatereraa hau a te mau Hau Amui no Marite. Te parau nei Elder Ayala, e peresideni tîti i tera ra tau, « Ia farerei matou i te mau hui mana faatere, e parau mai ratou ia matou, 'Ia vai te paari, ia pure pinepine outou, ia rave outou i te mau mea tano, ia nahonaho maitai ho'i te mau melo e te mau amuiraa' ».<sup>9</sup>

Noa'tu â te mau fifi pae moni tei ta'iri i te fenua, na reira atoa te mârôraa poritita e faa-amahamaha ra i te sotaiete Tireni i te omuaraa o te mau matahiti 1980, ua tupu rahi roa te Ekalesia. Mai te matahiti 1970 e tae atu i te matahiti 1985, ua maraa roa te numera o te mau melo i te fenua Tireni mai te 15 728 i te 169 361 ti'ahapa.

### Te hiero no Santiago

I te matahiti 1980, ua haamaitaihia te Feia Mo'a na roto i te faaararaa tei tae mai,



« Ei taure'a 12 matahiti, ua faaroo vau, e ua oioi roa to'u iteraa e e parau mau te poro'i o te evanelia. A maha ahuru ma ono matathi i teie nei, e ua haa-maitaihia vau i te roaraa o tera mau matahiti, mauruuru i te ohipa pûpû o te mau feia faatere e rave rahi tei rave i te maitai a'e tei roaa ia ratou. I teie taime no te haamâtauraa e te faa'iteraa i te parau i te u'i apî, te oaoa nei te mana'o e te ti'aturi nei ho'i au e, e tamau â te Fatu i te haamaitai i teie fenua a aano noa ai te hi'oraa ia au i te hi'oraa a te mau peropheta no ni'a i te fenua Tireni ».<sup>12</sup>

Elder Jorge F. Zeballos, e melo no te Hitu Ahuru, e taata tumu no te fenua Tireni.



e patuhia te hoê hiero i Santiago i te fenua Tirení.

I te haamo'araahia te mahora no te hiero e te peresideni Spencer W. Kimball, ua paruru roa to'na tino ; ua riro râ to'na taeraa i rotopu ia ratou ei tapa'o no to'na here i te Feia Mo'a no Amerika Apato'a, o ta'na ho'i i ohipa noa na mai te matahiti 1959 mai â. Te parau ra te tuahine Adriana Guerra no Sepúlveda, na'na i auvaha i te tuahine Kimball i tera amuiraa ra, « I te iteraa'tu vau i te peropheta, teie taata iti na'ina'i e to'na mata marû, ua haamata vau i te ta'i e aita te mau parau i

te faatereraa ia au i te haerea o te Fatu. Ua tauturu oia i te ohipa haapiiiraara i te feia faatere apî e ua haapa'o atoa oia i te faanaho-apî-raa, te faaoreraa e te tahoêraa e hanere mau paroisa e e ahuru ma piti mau tîti. Ua titauhia teie faanaho-apî-raa e teie haapiiiraara no te tupu-vitiviti-raa o te Ekalesia i roto i te reira fenua. Ua tauturu ta'na faatereraa i te haapuai i te mau amuiraa e i te faaineine i te Ekalesia i te fenua Tirení no to'na ananahi.

Hau atu, ua faatupu Elder Holland i te tahi mau tu'atiraa faufaa rahi i te fenua Tirení. Te faataa nei Elder Carl B. Pratt no te hitu

1972: Ua faanahohia te tîti matamua i te fenua Tirení, i te oire no Santiago

1977: Ua tupu te amuiraa area matamua i Santiago, o te peresideni Spencer W. Kimball e te tahi mau hui mana faatere tei tae atu



◀ 1981: Ua faati'ahia te hoê pû haapiiiraara misionare i Santiago



◀ 1983: Ua haamo'a te peresideni Gordon B. Hinckley i te hiero no Santiago i te fenua Tirení



matara mai mai to'u nei vaha. A tahi ra vau a ti'a ai i te hiti o te hoê peropheta ora. Ua riro te iteraa i te auvaha a te Fatu i ni'a i te fenua e i roto i to'u iho nei fenua ei ohipa faahiahia mau ».<sup>10</sup>

Ua haamo'ahia te hiero i te matahiti 1983, o te reira ia te piti o te hiero i Amerika Apato'a e te hiero matamua i roto i te hoê fenua parau paniora.

### Elder Jeffrey R. Holland i te fenua Tirení

I te ava'e atete 2002, ua tonono te Peresideniraa Matamua e piti melo no te Püpü no te Tino Ahuru Ma Piti Aposetolo no te peresideni e piti area o te Ekalesia. Ua tonohia Elder Dallin H. Oaks i te fenua Philipino, e Elder Jeffrey R. Holland i te fenua Tirení. Ua riro te taviniraa a Elder Holland i te fenua Tirení ei ohipa faito ore, e e vai noa'tu te maitai o te reira na roto i te mau u'i.

Te ohipa matamua ta Elder Holland i tura'i, o te horo'araa ia i te hoê hi'oraa no



No te tauturu i muri mai i te aueueraa fenua tei tupu i te matahiti 2010, te faaineine ra te tahi mau taata paari e te feia apî, te mau rima tauturu momoni, i te tahi mau pouhu tauihaa no te vai-mâ-raa.

## TUPURAA O TE EKALĒSIA I TE FENUA TIRENI



### TE EKALĒSIA I TE FENUA TIRENI

Te mau paroisa e te mau amaa : 622

Te mau tītī : 74

Te mau misioni : 9

Te mau hiero : 1 (e 1 faahou â tei faarahia)

Te mau pû aamu utuafare : 99



◀ 1990: Ua pīhia Elder Eduardo Ayala, e taata tumu no te fenua Tireni, i roto i te pūpū piti no te Hitu Ahuru



◀ 2002: Ua pīhia Elder Jeffrey R. Holland no te Pūpū no te Tino Ahuru Ma Piti Aposetolo ei peresideni no te Area no te fenua Tireni



▶ 2008: Ua pīhia Elder Jorge F. Zeballos, e taata tumu no te fenua Tireni, i roto i te pūpū matamua no te Hitu Ahuru

2009: Faaararaa no te hiero no Concepción i te fenua Tireni


ahuru, tei riro ei tauturu i roto i te reira peresideniraa area, i teie mau auraa faufaa rahi : « Ua haamau Elder Holland i te hoê auraa puai e o Ricardo Lagos [te peresideni o te fenua Tireni] e ta'na vahine ; e ua rave ratou e rave rahi mau opuaraa no te tautururaa i te ao nei. Ua haamâtau atoa Elder Holland i te ti'a no te Apostolic Nuncio [te hoê taata ti'araa teitei i roto i te haapa'oraa katorika] e te tahi atoa mau ti'a rahi no te fenua Tireni ».<sup>11</sup>

### Ti'aturi i te ananahi

Na te mau tautooraa a Elder Parley P. Pratt e a Elder Jeffrey R. Holland, na te tusia a te mau misionare matamua tei tapae mai i Santiago, na te pūpūraa a te feia faatere mai ia Carlos Cifuentes e te tahi atoa mau pionie no te fenua Tireni e na te faaroo ho'i e te pūpūraa a te mau taata e rave rahi hanere tauasini tei tomo i roto i te Ekalesia i roto i te afaraa tenetere tei ma'iri, i patu i teie niu pautuutu o te Ekalesia i te fenua Tireni. I teie mahana, ua fana'o te fenua i te hoê hiero (e te tahi tei faarahia), te hoê pû haapiipii- raa misionare, e 9 misioni e e 74 tītī. Aita e otī'a i te ananahi o te ohipa pae varua no te ani-manihini-raa i te taatooraa ia haere mai i te Mesia. ■

### TE MAU NOTA

1. Hi'o *Deseret News 2013 Church Almanac*, 454.
2. *Autobiography of Parley P. Pratt*, ed. Scot Facer Proctor and Maurine Jensen Proctor (2000), 504.
3. Verle Allred, i roto Néstor Curbelo, *LDS in South America: Chile Sur*, vol. 1 (2008), 6.
4. Julio Jaramillo, i roto Néstor Curbelo, *LDS in South America : Chile*, vol. 1 (2006), 4-5.
5. Eduardo Adrian Lamartine Aguila, papaaraa tei horo'ahia i te taata papa'i, Novema 2013.
6. Eduardo Ayala, i roto Néstor Curbelo, *LDS in South America : Chile*, vol. 1 (2006), 44, 45.
7. Gordon B. Hinckley, i roto Rodolfo Acevedo A., *Alturas Sagradas : Templo de Santiago de Chile*, 100.
8. Néstor Curbelo, « Blossoming in the Desert », *Church News*, 9 no novema 1996, 8-9.
9. Eduardo Ayala, i roto Néstor Curbelo, *LDS in South America : Chile*, vol. 1 (2006), 33.
10. Adriana Guerra de Sepúlveda, i roto Néstor Curbelo, *LDS in South America : Chile* (2006), 16.
11. Carl B. Pratt, i roto Néstor Curbelo, *Colombia : investigación histórica*, vol. 1 (2010), 16.
12. Jorge F. Zeballos, i roto i te hoê rata i te taata papa'i, Tenuare 2014.



**Na Carol F. McConkie**  
Tauturu piti i roto  
i te peresideniraa rahi  
o te Feia Apî Tamahine

# TE ITOITO NO TE **MA'ITI I** **TE PEU MÂ**



*E aha ta tatou e nehenehe e haapii i ta tatou mau tamaiti e ta tatou mau tamahine no te tauturu ia ratou ia roaa te itoito no te ma'iti i te peu mâ i roto i te hoê ao o te faaoo ia ratou no ta ratou mau ma'itiraa paieti ?*



**N**o te aha e mea faufaa rahi te peu mâ ? No te aha te Fatu e haapa'o ai i te hoê 'opiraa, te hoê fatafata e aore râ te hoê piriario ? E pae ta'u tamahine e e piti tamaroa, e mai ta outou e nehenehe e feruri, ua hiti atoa mai te parau no te peu mâ i roto i to matou fare. Na roto râ i te mau matahiti, ua haapii mai au e, te rave'a maitai roa a'e, o te haapiiraa ia i te haapiiraa tumu mau e te tuuraa i te hoê hi'oraa papû i mua i te mata. Na te haapiiraa tumu e tauturu i ta tatou mau tamarii ia maramarama no te aha e mea faufaa te peu mâ, e na to tatou hi'oraa e faa'ite au roa'tu i te mau haamaitairaa no te peu mâ.

### **E aha te peu mâ ?**

Te peu mâ, e parau tumu ia na te Atua, o te nehenehe e tauturu ia tatou ia haapii ia faa'ohipa tano i to tatou tino i te tahuti nei. I roto i te buka *Mau Maite i te Faaroo*, teie te tatararaa, « o te hoê ia huru haehaa e te au maitai i roto i te ahu, te faaunaunaraa, te reo e te peu ».<sup>1</sup> E ere te peu mâ i te ohipa faufaa ore e aore râ te faate'ote'oraa. Eita te taata peu mâ e faa'ohipa i to'na tino e aore râ ta'na mau peu no te imi i te mana'o farii o to te ao e aore râ no te ume mai i te mata i ni'a i ta'na mau faaotiraa mau anei e aore râ tera tei faati'a-parau-hia mai, e aore râ i ni'a i te tahi huru tei hiaaihia ra.

E haamana'o na tatou e, teie mau parau tumu no te peu mâ, ua tano ia no te tane e no te vahine, no te tamaroa e no te tamahine, e e haamana'o atoa e, noa'tu â te haapii nei e te faahi'o nei tatou i te peu mâ, eita roa tatou e faahapa i te feia e ma'iti nei i te piritoti poto e aore râ « te rouru peni û rau e te mau tape'a tari'a anaana ».<sup>2</sup> I te mau taima atoa, e faahi'o tatou i te aroha e te here Mesia i te taata ma te vai taamu noa i te mau faatureraa ta te Fatu i tuu mai.

Te faa'ite papû nei au e, te mau ma'itiraa atoa ta tatou e rave nei no te faa'ite e no te vai noa te peu mâ, te faatae nei ia te reira i te poro'i puai e, te maramarama nei tatou i

to tatou hiro'a ei tamaiti e ei tamahine na te Atua e ua ma'iti tatou ia ti'a i te mau vahi mo'a.

E mea au na'u te irava o te parau nei e : « Aita outou i ite, e o te hiero outou o te Atua, e te parahi ra te Varua o te Atua i roto ia outou na ? « E mo'a ho'i to te hiero o te Atua, e taua hiero ra o outou ia » (1 Korinetia 3:16-17) O to tatou nei tino te hiero no to tatou varua. I roto i teie tino hiero tatou e ani manihini ai i te hoaraa o te Varua Maitai. Te ti'aturi nei au e, ia ma'iti tatou ia oomo i te ahu tano e ia faa'ite i te peu mâ, *te oomo nei tatou e te ora nei ho'i i to tatou iteraa papû* no te Atua te Metua Mure Ore e no Ta'na Tamaiti, o Iesu Mesia. Te faa'ite nei tatou na ni'a i to tatou hoho'a e, e mau pîpî tatou na te Mesia e te ora nei tatou i Ta'na evanelia.

### **No te aha e mea faufaa te peu mâ ?**

Tei roto tatou i te hoê ao no te maitai e te ino, e e ti'a i te tino tahuti nei ia faaohipahia no te mau ohipa maitai anei, e aore ra, no te mau ohipa ino anei. Ua ite râ tatou e, ua riro to tatou nei tino ei tao'a horo'a no ô mai i te Atua ra. E mea mo'a te reira. Ua haapii Elder David A. Bednar no te Pûpû no te Tino Ahuru Ma Piti Aposetolo, « No ratou o tei ite e o tei maramarama i te faanahoraa o te faaoraraa, ua riro te haaviiviraa i te tino ei ohipa orurehau [hi'o Mosiah 2:36-37] e te hunaraa i to tatou hiro'a mau ei tamaiti e ei tamahine na te Atua ».<sup>3</sup> Te ma'iti nei tatou ia aupuru e ia paruru i to tatou nei tino ia riro tatou ei mauihaa i roto i te rima o te Atua no te faatupu i Ta'na opuaraa hanahana (hi'o Alama 26:3). Mai te peu ua hinaaro tatou ia ti'a no te Faaora e ia rave i Ta'na ohipa, e ti'a roa ia tatou ia ui ia tatou iho e, ahiri tei piha'i iho te Faaora ia tatou i te ti'araa, e mana'o au anei te tae mai no te ahu ta tatou i oomo.

Te peu mâ i te pae anei no te ahu, te hoho'a, te mana'o e te huru, ua riro ia te reira ei tapa'o papû no to tatou

maramaramaraa i te mau fafauraa ta tatou i rave, te mau fafauraa o te haamaitai nei ia tatou, o te paruru nei ia tatou e o te horo'a nei ho'i ia tatou i te mana no te faaineine ia tatou no te ho'i i mua i To'na aro. I te taima a bapetizohia ai tatou, ua haere mai tatou i rapae i te ao no te tuu i to tatou avae i roto i te basileia o te Atua. E ti'a roa ia ia tau i te mau mea atoa no tatou. Ua haapii Elder Robert D. Hales no te Pūpū no te Tino Ahuru Ma Piti Aposetolo : « Na roto i te ma'itiraa ia tomo i roto i To'na basileia, te faataa ê nei tatou—e ere i te faanuura noa—ia tatou i to te ao. E vai tura to tatou ahu, e vai viivii ore to tatou mau mana'o, e vai mâ ta tatou mau parau ». <sup>4</sup>

Ua riro te peu mâ ei parau tumu o te riro i te tauturu ia tatou ia arai i te ino i ni'a i to tatou e'a no te fafauraa a haere noa ai tatou i mua e tae noa'tu i mua i te aro o te Atua. Te peu mâ i te pae no te ahu e te hoho'a e te mana'o e te huru, e riro ia te reira i te tauturu ia tatou ia faaineine no te rave e no te haapa'o i te mau fafauraa mo'a o te hiero. No te haamaitai e no te paruru ia Adamu raua Eva, ua horo'a te Atua ia raua i te ahu iri animara no te tapo'i ia raua hou raua a ti'avaruhia ai i te ô. E no reira, ua horo'a mai te Atua ia tatou i te hoê ahu tapo'i ma te fafauraa i roto i te tahuti nei, oia ho'i to tatou ahu hiero.

### E aha te mau haamaitairaa no te peu mâ ?

E aha ta tatou e nehenehe e haapii i ta tatou mau tamaiti e ta tatou mau tamahine no te tauturu ia ratou ia roaa te itoito no te ma'iti i te peu mâ i roto i te hoê ao o te faaoo ia ratou no ta ratou mau ma'itiraa paieti ? Te ite nei anei ratou ia tatou i te faa'ohiparaa i to tatou nei tino no te ume mai i te mata i ni'a ia tatou e aore râ no te faahanahana i te Atua ?

Te peu mâ i te pae no te mana'o, te parau, te hoho'a e te huru, te tauturu nei ia te reira ia tatou ia farii e toru haamaitairaa, o te riro i te horo'a mai ia tatou i te mana e te hanahana.

**1.** E titau manihini mai te peu mâ i te hoaraa tamau o te Varua Maitai. Ua haapii Elder Hales, « E titauraa tumu te peu mâ no te faati'amâ ia tatou no te farii i te Varua ». <sup>5</sup>

E tauturu na tatou i ta tatou mau tamarii ia maramarama e, eita roa'tu ratou e hinaaro ia rave i te hoê noa'tu ohipa o te pato'i i te « horo'a-parau-ore-hia na te Varua Maitai » (PH&PF 121:26). A tauturu ia ratou ia ite e, e mau tao'a varua faufaa mau e te mana rahi te pee i To'na hoaraa mo'a. Ua parau fafau te Atua, « E tuu atu vau i ta to'u nei



Varua ia oe na, o te haamaramarama mai i to oe feruriraa, o te faa'ho'i i to oe aau i te oaoa ... Na roto i teie nei mea e ite ai oe, i te mau mea atoa ra ta oe e hinaaro ia'u nei, e tei riro ei mau tufaa no te mau mea parau ti'a ra, na roto i te faaroo ia'u nei e roaa te reira ia oe na » (PH&PF 11:13-14). Te ite, te paari e te iteraa papû ; te popou, te hau e te oaoa—o teie te tahi o te mau haamaitairaa rahi roa a'e o ta tatou e nehenehe e parau fafau atu i ta tatou mau tamarii ia ani atu tatou ia ratou ia ora ma te peu mâ e ia vai ti'amâ no te Varua Maitai.

Hoê o te tafifiraa e vai ra no ni'a i te ahu tano, o te peu au ia e te huru tauiu ho'i o te sotaiete. Eita roa'tu te mau faatureraa a te Fatu e tau. A haapii i te feia apî tamaroa e te feia apî tamahine ia vai araara noa i te Varua a rave noa ai ratou i ta ratou mau ma'itiraa no te mea e oomo, no te mea e parau e no te mea e rave. Mai te mea e, e ora fatata noa ratou i te Varua, aita e titauhia ia ratou ia riro mai to teie nei ao.

Ua farii ta tatou mau tamarii i te horo'araa i te Varua Maitai, e te ratere nei ratou i ni'a i te e'a no te fafauraa o te arata'i ia ratou i te hiero e o te faaho'i ia ratou i mua i te aro o te Atua. Te titau nei ratou ia tatou no te haapapû e no te faahi'o ia ratou i te reira, ia arata'ihia ratou, ia paruruhia ratou, ia tamahanahanahia ratou e ia tamâhia ratou a ora ti'amâ noa ai ratou no te Varua Maitai.

**2.** E nehenehe ta tatou e haapii i ta tatou mau tamaroa e mau tamahine e, e tauturu te hoho'a e te huru peu mâ ia tatou i mua i te mau umeumeraa iino o te ao nei. Hoê o te mau mauihaa haavare puai roa ino te faa'ohipahia nei i ni'a ia tatou paatoa, o te mana'o au ia i roto i te sotaiete e, e peu no te tau tahito te morare. Ua riro te peu mâ ei





*A haapii i te feia apî tamaroa e te feia apî tamahine ia vai araara noa i te Varua a rave noa ai ratou i ta ratou mau ma'itiraa no te mea e oomo, no te mea e parau e no te mea e rave. Mai te mea e, e ora fatata noa ratou i te Varua, eita ratou e hinaaro ia riro mai to teie nei ao nei.*

paruru i mua i teie mau umeumeraa iino e ei paruru no te viivii-ore e te viretu. A faaroo na i teie mau parau i roto i te buka *No te Puai o te Feia Apî*: « Hou te faaipoiporaa... Eiaha e rave i te hoê mea o te faaara i te mau mana'o no te apeni ». <sup>6</sup> E riro te hoho'a havahava e te huru havahava i te faatupu i te hiaai no te herehereraa e e riro atoa te reira i te faaore i te mau paruru e i te titau rahi atu â i te faahemaraa ia ofati i te ture no te viivii-ore.

Ua haapii Elder Hales : « O te peu mâ te tumu no te riroraa ei taata mâ e te viivii-ore, i roto i te mana'o e te ohipa. E no reira, no te mea te arata'i e te faaûru nei te reira i to tatou mau mana'o, to tatou huru e ta tatou mau faaotiraa, tei te pû mau te peu mâ i to tatou hiro'a ». <sup>7</sup> A haapii e a faahi'o atu i te peu mâ no te tauturu i ta tatou feia apî tamaroa e ta tatou feia apî tamahine ia faaineine ia ratou no te pato'i e no te paruru i te mau mana hamani ora e vai ra i roto ia tatou. A tauturu ia ratou ia faairi ei ohipa mo'a e ia faaherehere ho'i i te faa'iteraa i te here i rotopu i te tane e te vahine no te faaipoiporaa.

**3.** E faati'a te peu mâ ia tatou ia « ti'a ei ite na te Atua i te mau mahana atoa » (Mosia 18:9). Ua haapii te Faaora : « E faateitei i to outou maramarama, ia anaana'tu i to te ao nei. Inaha, o vau ia te maramarama ta outou e faateitei i ni'a » (3 Nephi 18:24). E tonoraa hanahana ta tatou no te riroraa ei mori i to te ao nei, no te faa'ite i te popou no te oraraa i te evanelia, no te haapii i te parau-ti'a e no te patu i te basileia o te Atua i ni'a i te fenua nei. Te faaanaana nei tatou i te Maramarama o te Mesia ia vai tatou i roto i te peu mâ e ia vai mâ tatou e ia haapa'o tatou i te mau faauerua. E faa'iteraa papû te peu mâ no to tatou iteraa papû no te Faaora e no te evanelia a Iesu Mesia.

Auê te nehenehe e auê te haamaitairaa e vai ra i ni'a i te taata tei arata'ihia e te Varua Maitai, o te paruru nei ia ratou i te mau peu o teie nei ao e o te ti'a nei ei ite no te Atua i mua i to te ao nei. E auê te haamaitairaa tei ni'a i te taata te faahi'o e te haapii i te haapiiraa tumu no te peu mâ i te mau tamaiti atoa e te mau tamahine atoa no Ziona.

Ia fafau ana'e tatou i te pee i te Faaora e ia hiaai tatou i te farii i te îraa o te mau haamaitairaa no To'na Tarachara i roto i to tatou nei oraraa, hoê ana'e ia huru ahu e tano. Te papa'i nei Moroni e, « A ara, a ti'a i ni'a i te repo ra... a ahu na i to *ahu nehenehe*, e te tamahine o Ziona... ia tupu te mau faufaa ta te Metua Mure Ore i fafau ia outou » (Moroni 10:31; reta tei faahuru-ê-hia).

Teie mau ahu nehenehe, o te mau ahu roa ia no te parau-ti'a, tei oomohia e ratou tei haapa'o i ta ratou mau fafauaraa. Te faaineine ra anei tatou i ta tatou mau tamarii ia oomo i teie ahu nehenehe ?

Te faa'ite papû nei au e, tei roto i te Mesia te faaoraraa e o ratou te haapa'o i ta ratou mau fafauaraa, e riro ratou i te « ite mau ho'i... i to ratou oaoa, e ta ratou parau ti'a, i te ahuraa'ia i te viivii ore, oia ho'i te ahu o te parau ti'a ra » (2 Nephi 9:14). ■

*Mai roto mai i te hoê a'oraa tei horo'ahia i te 2 no me 2013 i te amuiraa na te mau vahine no te fare haapiiraa Brigham Young University*

#### TE MAU NOTA

1. *Mau Maiti i te Faaroo : Hoê faahororaa no te Evanelia*, (2004), 106.
2. Jeffrey R. Holland, « Israel, Israel, God Is Calling » Church Educational System devotional, 9 no setepa 2012, cesdevotionals.lds.org.
3. Elder David A. Bednar, « Te ti'aturi nei matou e, e mea ti'a i te taata ia ora ma te viivii-ore », *Liahona*, Me 2013, 43.
4. Robert D. Hales, « The Covenant of Baptism: To Be in the Kingdom and of the Kingdom », *Liahona*, Tenuare 2001,8.
5. Robert D. Hales, « La pudeur : Du respect envers le Seigneur », *Liahona*, Atete 2008, 18.
6. *No te Puai o te Feia Apî* (2011), 35-36.
7. Robert D. Hales, *Liahona*, Atete 2008, 19.

## TA'U PURE I NI'A I TE MOANA APATO'ERAU

I te 17raa o to'u matahiti, ua ora matou i ni'a i te hoê motu i te pae apato'a no Norevetia, tei parauhia Andabeløy. Ua faafariuhia to'u metua tane i te Ekalesia i Andabeløy, e ua bapetizohia vau i roto i te moana i reira.

E taata ravaai au i tera ra tau, e ua mâtau maitai au i te faahoro i te poti. Ua horo'a mai to'u metua tane ia'u i te hoê poti ia faahoro, e poti faauta taata to matou.

I te hoê mahana, i te matahiti 1941, ua taniuniu mai te taote no Flekkefjord, i te mau pae apato'erau. Te vai ra te hoê vahine e titau nei i te rapaauraa, e piti hora te atea na ni'a i te poti. Ua ani mai te taote Hoffman

ia'u ia faauta ia'na i te vahi o teie vahine, ua pe'ape'a rii râ to'u na metua no te vero rahi i tera mau mahana, i ni'a i te Moana Apato'erau. Ua faaoti matou ia pure, no te ani i te Metua i te Ao ra i te mea e rave. Ua farii matou i te pahonora e, e tere atu.

I te haapouraa vau ia *Tryg*, to'u poti 31 avae, i ni'a i te miti, te farara maira te mata'i, e ua teitei roa te are miti. Ua tii atu vau i te taote, e fano atura maua, ua faaru'e maua i te ooa e tei tua maua. Te fano ra maua haere ti'a'tu i te pae apato'erau no Lista, tei reira teie pūpū taata, tei ni'a i te tahatai ofa'ifa'i, i te pae apato'a no Norevetia —e ua tui te roo o teie vahi no te mau vero e te mau pahii i parari.

Ua faahoro noa vau i to maua poti i roto i te vero e tapae atura maua i mua i te hoê ava, 12 m te aano, tei ô atu to maua tapaeraa. Ua mataare te miti, e ua teitei roa te miti no te faatere i te poti na roto i te ava, ua tupa'i atoa te miti i ni'a i te ava.

« E aha te rave ? » ua ani mai te taote a paaina noa ai te mata'i.

« E pure taua », ua pahono atu vau.


Ua tape'a vau i te poti no te pure, ma te ani i te Metua i te Ao ra i te arata'iraa. I te otiraa ihoa te amene, ua tae papū mai te pahonora. Ua puta mai i roto i to'u mana'o te aamu ta te hoê taata ravaai, e taata paari, i



faati'a mai. Te tai'a ra oia i teie mau vahi e ua paaina a'era te vero, e aita i ti'a ia'na ia ho'i i tatahi. E te tia'i noa ra oia ia maru mai te vero, ua ite a'era oia i tereraa o te mau are. E toru are teitei te fati mai, e ia oti, no te tahi taime poto, e maru rii mai te miti—ua nava'i ra teie area taime no te tomo atu na te ava.

Ua maoro vau i te tai'araa na teie mau vahi, aita ra vau i haapa'o a'enei i teie huru o te are miti. Atira noa'tu, ua faatano vau i te poti i mua i te ava, e ua tia'i maua i na are miti teitei e toru ia fati mai. E te reira ihoa, ua maru rii mai te miti i muri iho. Faahee a'era vau i te poti na ni'a i teie miti maru no te tomo i roto i te

Ua teitei roa ho'i te mau are miti e aita i mau maitai te poti no te tomo na te ava.



ooa e ua tapae a'era te taote Hoffman i tatahi. Ua horo oia i te fare o teie vahine tei ma'ihia, a tia'i noa ai au i roto i te poti, ma te mauruuru rahi i te Metua i te Ao ra no To'na pahonora mai i ta'u pure.

I te ho'iraa mai te taote ho'e hora i muri iho, ua tu'o mai oia, « Ua ora teie vahine ia taua ! »

Hau mai nei te aau i teie parau ap'e te maitai atoa ra ho'i te reva, e ua hau noa to maua tere ho'iraa.

Te faaite papu atu nei au e, ia hinaaro noa'tu tatou i te tauturu, e ti'a ia tatou ia pure. Ua ite au e, e pahono mai ihoa te Metua i te Ao ra. ■

Olaf Thorlief Jensen, Utah, te mau Hau Amui no Marite

## UA HERE OIA IA OE

Te parahirahi noa ra vau i roto i te ho'e poro o te piha tiretiera, i piha'i iho i te hamonia i te taime no te haamo'araa o te hiero no Memphis Tennessee. O te peresideni James E. Faust (1920-2007), no te Peresidenira Matamua, mai te matahiti 1995 i te matahiti 2007, tei haere mai i te pureraa haamo'araa o te hiero. Tei muri oia e te tahi atoa mau pu'eraa feia faatere i te terono. Ua tomo mai te pupu himene e ua parahi i muri mai ia ratou.

Tei roto atoa i teie pupu te ho'e tamahine ta'u i hahaere noa na. I te roaraa o te pureraa, ua pure noa vau ia farii mai oia i te mea i haere mai ai oia. I parau mai ho'i oia ia'u e, e haere mai oia i teie haamo'araa hiero no te farii i te pahonora no ni'a i to'na ti'araa i mua i te Fatu. E mau hara teimaha

ta'na i rave i te matamua ra, e noa'tu pai ua tatarahapa oia, te taurihuri noa nei a to'na mana'o no ni'a ia'na e ua tae roa i te mana'o e, eita e ti'a ia'na ia himene i roto i te pupu himene.

Ua mau noa to'u na mata i ni'a i te peresideni Faust, ma te mana'o e, ei ti'a no te Fatu i roto i te Peresidenira Matamua, e ti'a ia'na ia faatupu i te tahi ohipa. Nahea ra pai te parau atu ia'na, e e aha pai ta'na e nehenehe e rave ? I muri mai i te pureraa, e faaru'e oia i te piha mai ta'na i tomo mai, e aita ia e farereira, aita ia e aroharaa rima e aita e paraparauraa. Ua taa ihoa ia'u e, ua rahi ta'na tapura ohipa e ua nahonaho a'ena to'na tere, ua tamau ra vau i te pure.

Tei roto te peresideni Faust i te mana'ona'ora rahi, e ua fariu ihora to'na mata i ni'a ia'u—ua faateimaha to'na tu'e mata. I te otiraa te pureraa, ua diluvihia to'na mata i te oaoa e ua maramarama roa to'na hoho'a.

Ua hi'o faahou mai to'na mata ia'u ei reira, ua ti'a a'era oia i ni'a, e ua huri i muri ia'na, ua faatoro atea a'era oia i to'na rima. Ua toro afaro to'na rima i ni'a i to'u hoa. Ei reira, ua parau papu e ua parau puai oia, « Ua here te Fatu ia oe ! »

E ohipa iti na'ina'i noa e te ohie ta te peresideni Faust i rave, e mana rahi ra tei itehia i reira, e no reira, na te Varua Maitai ana'e i faa'ite ia'na i te mea eita ta'u e nehenehe. Ua haamaitai roa ino te reira mau parau i to'u hoa e ua tamau atoa te reira i te turu i to'u iho nei faaroo e, e mea mana'ona'o te Fatu i te mau tuhaa iti o to tatou oraraa e « na roto i te mau mea iti e te papu ra e faatupuhia'i te mau mea rarahi » (Alama 37:6). ■

Alice Victoria Weston-Sherwood, Arkansas, te mau Hau Amui no Marite

## UA FAAROO VAU I TE MAU TAMARII

Ua riro te faaturumaraa tino ma'i (dépression clinique) i te hoê mea ta'u i ore i hinaaro ia faaruru faahou. Are'a râ, i muri mai e 12 matahiti aita teie ma'i, ua ho'i faahou mai te reira.

Ua ri'ari'a roa vau e ua faahuehue te aau. Ua ani au i te Metua i te Ao ra e ua pure au ia roaa mai te puai no te faaruru i ta'u mau tamataraa. Ua taparu atoa vau Ia'na e, ia ore ta'u faaturumaraa ia haere roa i te pae matahiti, mai tei matamua ra.

E toru ta maua tamarii, e piti tamaroa e hoê tamahine, e ua haamaitai mai ratou ia maua na roto e 13 mootua. Ua ite ta'u tamahine i te hepohepo ta'u e faaruru ra, e no reira ua faanaho oia i te hoê mahana haapaeraa maa e mahana pure no te utuafare. Ua hinaaro pauroa te mau mootua, mai te faito matahiti 1 haere roa i te 10, ia pure no mama'u, e tera na mootua e toru tei bapetizohia, ua hinaaro atoa ia ia haapae i te maa. E tamahanahanaraa rahi ia ite e, e pure e e haapae ta'u tane, ta'u mau tamarii e ta'u mau mootua i te maa no'u.

I te mahana no muri iho, ua ta'otooto rii au e i te araraa vau, aita

Ua hinaaro pauroa te mau mootua, mai te faito matahiti 1 haere roa i te 10, ia pure no mama'u, e tera na mootua e toru tei bapetizohia, ua hinaaro atoa ia ia haapae i te maa.

te mana'o faaturuma i puai roa. Te mahana no muri iho atu, ua māmā faahou atu. I te paeraa o te mahana, ua mo'e roa to'u faaturumaraa. I tera ra pô, te faahiahia ra vau i te huru o teie semeio, tae mai nei te hoê reo i roto i to'u varua te na ô ra, « Ua faaroo vau i te mau tamarii ». Ua faaroo te Metua i te Ao ra ia ratou i roto i to ratou vairaa hara ore e ua pahono mai i ta ratou mau pure haehaa, mau pure faaroo e mau pure no te here.

Ua haapii te Faora :

« Ia ore outou e faahuru-ê-hia, e ia riro mai te tamarii-rii ra, e ore roa outou e ô i te basileia ra o te ao.

« E teie nei, o tei faahaehaa ia'na iho e mai teie nei tamaiti iti, oia te rahi i te basileia o te ao ra » (Mataio 18:3-4).

Ua papa'i au i te rata i ta'u mau mootua no te haamauruuru ia ratou

i te haapaeraa i te maa e i te pureraa no'u. Ua parau vau i to'u here rahi ia ratou. Ua parau vau ia ratou e, ua faaroo te Metua i te Ao ra ia ratou e ua pahono mai Oia i ta ratou mau pure.

A tupu noa ai ta'u mau mootua i roto i te evanelia, e mea maitai ia haamana'o ratou i te taime ua parau mai te Metua i te Ao ra i to ratou tupuna vahine, « Ua faaroo vau i te mau tamarii ». E maitai atoa e, e haapuai teie ohipa i to ratou iteraa papû ma te tauturu ia ratou ia vai puai noa i roto i te evanelia. ■

Joy Cromar, California, te mau Hau Amui no Marite



# E RAAU TA'ERO AU ROA INO

I te haereraa vau i rapae i te fare no te tii i te ve'a papa'i, ua au ore au i te mea ta'u i ite. Ua ofaa te ro uira inapo ra, e te teretere ra ratou na te hiti o teie vahi haereraa taata, na roto i te aihere.

Noa'tu â pai aita maua i ora maoro na i Texas nei, i te mau Hau Amui no Marite, ua ite râ vau e, no te mau iui o te hohonu, eita e û, i piihia ai ratou mai te reira. Ua tere atu vau i te vai-raa pereoo, tei reira atoa te mau raau ta'ero. E ua tai'o atura vau i te mau arata'iraa i ni'a i te parau.

« E mea au roa ino teie [raau ta'ero] na te ro uira », te reira tei papa'ihia. « E riro ratou i te ta'ita'i i te reira i roto i te ofaaraa, e faaamu atu ai i te ariivahine, e ua oti, ua pohe te ofaaraa ». I roto i te mau arata'iraa, te parauhia nei ia tûtû rii i te tahi raau na ni'a e na te hiti o te ofaaraa. E na te ro e faaoti i te ohipa.

Aita vau i ti'aturi roa. I roto i to'u feruriraa, e mea nava'i te maramarama o te ro uira, inaha ua oti ia ratou i te hamani i to ratou ofaaraa i roto i te hoê noa pô. Ua feaa rii au e topa mai ratou i roto i te herepata o teie raau ta'ero, ua tûtû noa râ vau i te reira.

Aita i maoro roa, te arepurepu ra te ofaaraa. Ua faaatea mai au e ua faaea no te hi'o i te arepurepura. Ua horo haere noa ratou mai te huru ra e maa mana tei topa mai na te ra'i mai. E te ta'ita'i ra ratou i teie raau uouo i roto i to ratou paati iti ma te tôtêtê haere te tahi i ni'a i te tahi i roto i ta ratou

hororaa no te afa'i i teie raau ta'ero i roto i te ofaaraa.

Ua hi'o noa vau ma te maere rahi. Na ratou iho e hopoi i teie raau ta'ero i roto i to ratou fare. E au e, aita te mau parau « au roa ino » i hape. Na roto i te tahi rave'a, ua manuia te taiete raau ta'ero i te faariro i te hoê mea ino—te hoê mea haapohe—ei mea huru maitai roa ino.

Aita vau i ite a'enei i te hoê hi'oraa papû no te faariroraa i te ino ei hi'oraa maitai. E ua mana'o roa vau i teie huru ohipa ta Satane e rave atoa nei. E mana'o tamârû tei tae mai a feruri ai au e, noa'tu â e tûtû mai oia i te tahi raau ta'ero na te hiti o to'u fare, eita ta'na e nehenehe e afa'i roa mai te reira i roto—maoti râ, na'u iho e faati'a ia'na. E no reira, nahea ta'u e nehenehe e vaiho i te reira i rapae ?

Ua puta mai te hoê o ta'u mau irava au roa a'e : « Inaha ho'i, ua horo'a-noa-hia mai te Varua o te Mesia i te mau taata atoa ra ia ite ratou i te maitai e te ino ». E maoti teie Varua, te faataa mai nei Moromona e, « e ti'a ia [tatou] ia ite papû roa e », no ô mai anei i te Atua e aore râ ia Satane (Moroni 7:16).

Ua riro teie ohipa no te mata'ita'iraa i teie mau ro pohe i te faa'i ia'u i te mauruuru, i te mea e, ua nehenehe ta maua ta'u tane ia hi'opo'a e ia ite papû i te mea e hopoi i roto i to maua nei fare. Te haapiiraa i ta maua nei mau

tamarii ia pee i te Varua o te Mesia, o ta maua ia ohipa, ia nehenehe atoa ia ratou ia ite e raau ta'ero tera, ia farerei noa'tu ratou i te reira.

A faaea noa ai au i reira, no te hi'o i teie mau ro i te ta'ita'iraa i te toe'a o te raau ta'ero i roto i te ofaaraa, ua euhe au ia rave i te mea atoa e roaa ia'u no te pato'i i te raau ta'ero i rapae i to'u fare. ■

Alison L. Randall, Utah, te mau Hau Amui no Marite

I roto i te mau arata'iraa, te parauhia nei ia tûtû rii i te tahi raau na ni'a e na te hiti o te ofaaraa. E na te ro e faaoti i te ohipa.



# Ti'a NO TE MEA ta tatou e ti'aturi nei

**Te ora nei tatou i roto i te hoê ao e hi'o nei te taata e rave rahi i te ino ei mea maitai e te maitai ei mea ino, e no reira, e ti'a ia tatou ia ti'a no te maitai. Teie i muri nei te tahi mau iteraa papû no te tahi feia apî paari tei ti'a no te mea ta ratou e ti'aturi nei. Aita ratou i mârô e aita ratou i riri e aita ratou i hamani ino i te taata. Ua faa'ite ratou i te « itoito e te peu maitai »<sup>1</sup> e ei faa-hopearaa, ua haapuai ratou ia vetahi ê (hi'o 3 Nephi 12:44-45).**





## UA PATO'I TO'U TAE'É I TE INU I TE « CHAMPAGNE »

I te fenua Farani, e mea faahepohia te tomoraa i roto i te aua faehau. Ua faaoti to'u teina Loïc, 20 matahiti, ia haere i te haapiiraa a te mau ofitie no te riro mai ei tapa'o piti. I te hoperaa ta'na tau haapiiraa, ua faatupuhia te hoê oro'a horeo na te mau ofitie apî. E ua faahiti ratou tata'itahi i te poro'i o teie pŭpŭ fa'ehau. Ei reira e inu ratou i te hoê hapaina champagne tei roto te hoê tiare roti—mea horomii pauroa. Na Napoléon Bonaparte i haamata teie peu, e aita hoê a'e ofitie i mā'iri i te rave i te reira.

Ua parau Loïc i te tapa'o pae e, eita ta'na mau parau tumu faaroo e faati'a ia'na ia inu i te ava. Ua mŭ ta'ue roa te pŭpŭ i teie aniraa ta Loïc ia haapae ia'na i teie ohipa. Ua ti'a mai te tapa'o pae. Aita oia i faahepo ia Loïc ia inu i te champagne, ua faahiahia râ oia ia'na no te haap'oraa i ta'na mau parau tumu noa'tu te umeraa, e ua parau oia ia'na e, e faate'ote'oraa no'na ia farii i teie huru tane parau-ti'a i roto i to'na pŭpŭ fa'ehau. Ua tau ratou i te champagne e ua ti'a atura ia Loïc ia amui i roto i teie oro'a horeo.

Pierre Anthian, fenua Farani

## UA ANIHIA VAU IA HAERE I TE HOÊ AREAREARAA TAA ORE

I te hoperaa ta mau tau haapiiraa tuatoru, ua rave maua to'u tuahine o Grace i te ohipa no te hoê taiete, e e rave rahi atu Feia Mo'a i te Mau Mahana Hopea Nei. E ere to matou paoti i te melo no te Ekalesia. I te tihepuraahia to'u tuahine, ua faanaho to matou paoti i te hoê oro'a vahine faaipoipo taa ê no'na. Ua ti'aturi noa vau e, e faatura teie paoti i ta matou mau faatureraa, aita râ, ua poro'i oia i te ava, te tahi tane ori e te tahi video hoho'a au ore.

Na mua a'e teie oro'a vahine faaipoipo, ua tae mai te muhumu o te Varua Maitai i roto ia'u no te faaitoito ia'u ia faahaamana'o i to matou paoti i ta tatou mau faatureraa. Ua rave mai au i ta'u feti'a no te Feia Apî Tamahine, e ua feruri au i te tautooraa e te mau faatusiaraa ta'u i rave i te tau tei roto vau i te Feia Apî Tamahine e ua faaoti au i ta'u faahaereraa ia'u iho i mua. Ua pure au, ia arata'ihia vau e ia ti'a papŭ rii a'e au i tera taime. Ua hapono vau i te hoê parau niuniu i to'u paoti, ma te mana'o e, e riri mai paha oia. Teie râ, to'u hiaai rahi roa a'e, o te au mai te Metua i te Ao ra ia'u.

I te haamataraa te oro'a faaoaoaraa, aita to matou paoti i paraparau mai, aita re'a i ata mai. Atira noa'tu, ua faaore oia i te tane ori e te video.

I te mau mahana no muri iho, aita atoa to'u paoti i paraparau mai ia'u e aita maua i ataata mai te matamua ra, na mua a'e i te oro'a faaoaoaraa. Noa'tu râ, ua vai hau noa vau inaha ua ite au e, ua mauruuru te Atua i te mea ta'u i rave. Hoê hepetoma i muri iho, ua afaro faahou mai maua te paoti. Ua ite au e, na te Atua i te tamārŭ i to'na aau e i tauturu ia'na ia ite e, te ora nei au i ta'u e ti'aturi nei.

Lemy Labitag, Cagayan Valley, Fenua Philipino



## UA FAAROO VAU I TE PARAU INO I ROTO I TE PIHA HAAPIIRAA

I te 18raa o to'u matahiti, ua haere au i te haapiiraa no te niraraa ahu. I te hoê mahana, ua haamata e toru tamahine i raro rii mai ia'u i te parau ino. Aita vau i ite e aha te rave, e haavare ite anei ia ratou eiaha matou ia fifi e aore râ e ti'a atu no te faa'ite i ta'u mau faatureraa ma te ani ia ratou ia faaea. I te hopea, ua parau marû'tu vau ia ratou, « E e, e nehenehe anei ta outou ia haapa'o rii i ta outou paraparau ? »

Ua hi'o mai te tamahine rahi roa a'e o ratou ma te parau e, « aita ta oe e parau ia matou ».

Ua pahono atu vau, « Titau-mau-hia anei ia oe ia parau ino ? Aita to'u tari'a e au ra ».

Parau mai nei oia, « Tapiri to oe tari'a ».

Te haamata ra vau i te riri e ua parau atura vau, « Eita e nehenehe e ore e faaroo no te mea te paraparau puai ra outou ».

Ua parau maira oia, « A faaatea'tu ».

Ua vaiiho a'era vau. Ua inoino rii au i teie mau tamahine, are'a râ ua inoino roa'tu vau ia'u iho nei. Aita ihoa i roaa ia'u eiaha e parau atu ma te reo riri. Te tamau noa ra na tamahine i te parau ino, i teie nei râ ua riri paato'a matou.

I muri a'e i te maruraa vau, ite atura vau i na tamahine, te fifi ra ta ratou matini nira ahu. Ua ite au e aha te fifi, inaha ua tupu a'enei te reira i ni'a ia'u. E no reira, ua faa'ite au ia ratou nahea i te tâtâi i te reira. Ua ite atura vau i te hoho'a mata o teie tamahine, te tau ra. « Hey », ta'na i parau mai, « faaore mai i ta matou hara ia oe ». Ua maere roa vau—te tatarahapa ra oia i mua ia'u. « faaore atoa mai i ta'u hapa », ua parau atu vau. « Aita i tano to'u ririraa ia outou ».

Ho'i a'era vau i ta'u matini nira ahu e aita atura hoê parau ino i faaroo-faahou-hia. Ua haapii mai teie ohipa ia'u e, eita paha ta tatou mau parau e tau i te huru o te taata, to tatou râ maïtai e ta tatou tavini-raa, pinepine te reira i te tau.

Katie Pike, Utah, te mau Hau Amui no Marite





## UA ARO VAU NO TE HAERE E TAVINI I TE MISIONI

Ua tomo vau i roto i te Ekalesia i te 19raa o to'u matahiti, o vau te piti o na tamaroa e toru, e o vau ana'e te melo i roto i to'u utuafare. Aita i maoro roa i muri mai i to'u bapetizoraa, ua tae mai te hinaaro ia haere e tavini i te hoê misioni. I te hoperaa te matahiti matamua, ua parau mai te Varua ia'u ia haere. Ua paraparau vau i to'u metua vahine, aita râ oia i mana'o e, e ti'a ia'u ia haere. Ua faataime au hoê matahiti, aita râ teie hinaaro no te tavini i te hoê misioni i mo'e. I te roaraa o te reira matahiti, ua tuatapapa vau i te mau papa'iraa mo'a, ua haaputu vau i te moni, ua faaineine au i ta'u mau papie, e ua haere au i te taote—e i te otiraa te mau mea atoa—ua tia'i au i te Fatu. Aita i maoro roa, ua farii au i te piiraa ia tavini i roto i te misioni no Brazil Campinas.

Te pato'i noa ra to'u na metua i teie ohipa. Ua haapae au i te maa e ua pure u'ana vau, ma te faa'ite i te Metua i te Ao ra i to'u mau mana'o taiâ atoa. Ua ani au la'na ia haaputapu i te aau o to'u metua tane. E ua na reira Oia. Ua maere roa vau i te haereraa mai to'u metua tane i te oro'a faatau aroha ta to'u mau hoa i faaineine no'u, i te mahana maa na mua i to'u mahana revaraa. E i tera monire, na to'u metua tane i afa'i ia'u i te tauraa manureva.

I te roaraa o ta'u misioni, ua ite noa vau i te here o te Atua a poro noa ai au i te evanelia. Aita to'u mama i faaea i te riro ei metua vahine no'u, e i te ho'iraa'tu vau i te fare, o oia te taata matamua tei tauahi mai ia'u.

Ua haapii ihora vau e, ua hau atu â te misioni i te hoê noa hopo'a ; e faufaa taa ê to te reira e e tau faahiahia ho'i no te tupuraa e te haapiiraa.

Cleison Wellington Amorim Brito,  
Paraiba, Beresiria



## UA HORO'A VAU I TO'U ITERAA PAPŪ NO NI'A I TE ATUA

Tei roto vau i te matahiti matamua o te haapiiraa tuatoru, i te fare haapiiraa maitai roa a'e o te fenua, e tei ni'a ia'u te hopoi'a ia rave ma te maitai roa. Ua haamata te hamani-ino-raa, e ua haamata atoa te uiui-haere-raa no ni'a i to'u ti'aturiraa i te evanelia a tatarā noa ai to'u mau orometua i te parau o ta ratou e faa'ite nei ei « parau papû ». Ua tupu atoa te arepurepuraa i roto i to'u mau hoa o te piha haapiiraa. Ua faataupupu teie huru ohipa i te parau no te riroraa ei keresetiano. Ua mana'o a'era vau e faaru'e, ua faaoti râ vau e, e mea maitai a'e ia faaea noa. Ua feruri au e, e mea varavara te taata te fariihia nei i roto i teie fare haapiiraa tuatoru, e i rotopu i teie mau pu'eraa, e mea varavara te Feia Mo'a i te Mau Mahana Hopea Nei, e no reira, ua faaoti au e faaea no te ti'a no te parau mau.

To'u orometua ihiora, e taata atua ore, o ta'na iho e parau nei, ua haapii ia matou i te ihi ma te ti'aturi ore i te hoê Hamani Rahi. Tera râ, rahi noa'tu to'u faarooraa ia'na, rahi noa'toa'tu to'u papûraa e, te vai ra te tahi Taata Rahi—te Atua to tatou Metua i te Ao ra—te hamani i te mau mea atoa. Te parau nei te tahi pu'eraa e, aita e auraa to teie parau. E ua umeume noa ta matou paraparauraa. Ua taiâ rii au i te afa'iraa i te rima i ni'a no te faataa'tu e, te ti'aturi nei au i te Atua ei Hamani.

Ua tae atura i te taime no te horo'araa i te mana'o. I tera haapiiraa ta matou, e peu mâtauhia i te taata ia popo, ia tuô e aore râ ia maniania i te taata e horo'a mai i to'na mau mana'o. Ua ti'a u'ana atura vau ma te parau pato'i i ta ratou parau : « Aita paha e auraa no outou te ti'aturiraa i te Atua i teie taime, e tae mai râ te mahana e itehia mai ai te auraa o teie mau mea atoa e e papû maitai ai teie mau mea ia outou mai ia'u nei i teie nei ».

Mai te reira taime atu, ia ti'a vau no to'u mau ti'aturiraa, aita roa'tu te taata e maniania ia'u. Mai te reira taime atu, ua haere au i mua i te pae o te haapiiraa, te oraraa sotaiete e te pae varua. Ua riro mai nei au ei piahi faufaa rahi i roto i te mau ohiparaa a te mau piahi, e e rave rahi taime to'u ma'itiraahia i ni'a i te ti'araa i roto i te fare haapiiraa.

Ua haapii au e, ia ti'a vau no te parau mau, noa'tu e hoê noa taime, e mea faufaa roa te reira no ta tatou mau faaotiraa no ananahi.

Vince A. Molejan Jr., Mindanao, te fenua Philipino

### NOTA

1. Hi'o Jeffrey R. Holland, « Te hoo—e te mau haamaitairaa—no te ti'araa pipi », *Liahona*, Me 2014, 6.

# Tou ITERAA PAPÛ firi

## Na Ivy Noche

Ua haapii te mau misionare i to'u utuafare i te evanelia i to'u fare i Singapour. Aita to'u metua tane i tomo mai i roto i te Ekalesia, ua tomo mai râ to'u metua vahine. Ua haapii mai oia ia matou no ni'a ia Iesu Mesia e Ta'na evanelia. I to'u na'ina'iraa, e te'ote'oraa no'u ia parau i to'u mau hoa e, e Feia Mo'a vau i te Mau Mahana Hopea Nei.

Ua ti'aturi noa vau i te mau haapiiraa a to'u metua vahine. I te tomoraa'tu râ vau i roto i te feia apî paari, ua ani mai te hoê misionare ia'u e hia taime to'u tai'oraa i te Buka a Moromona. Ua ani-a'ena-hia vau i teie uiraa, i tera ihoa râ taime, ua taa a'era ia'u e, no te mea aita vau i tai'o i te Buka a Moromona, aita atoa ia vau i ite e, e parau mau anei.

## Hoê ohipa eita e nehenehe e huna

Aita faahou ta'u e nehenehe e ape, hoê ohipa eita e nehenehe e huna

**No'u nei, e parau mau firi te parau mau o te evanelia a Iesu Mesia e te parau mau no te Buka a Moromona. Mai te mea e parau mau te evanelia, e parau mau atoa ia te Buka a Moromona.**

e parau mau firi te parau mau o te evanelia a Iesu Mesia e te parau mau no te Buka a Moromona. Mai te mea e parau mau te evanelia, e parau mau atoa ia te Buka a Moromona. No te mea ho'i aita vau i ite e, e parau mau anei te Buka a Moromona, ua feaa atoa ia vau i teie nei i te mau mea ta'u i ti'aturi a paari noa ai au. Ua reru roa to'u feruriraa, e ua tae mai

te uiraa— « E parau mau anei te Buka a Moromona ? »—tei roto noa ia i to'u aau.

E no te papû-atoa-raa o to'u auraa e te Faaora, o Iesu Mesia, ua tae atoa mai te hoê hiaai no te parau mau. Te mahana a ite ai au e, eita ta'u e nehenehe e haapii nava'i no ni'a ia Iesu Mesia maori râ ia tai'o papû vau i te Buka a Moromona, te reira atoa ia te mahana ua tupu rahi roa ino to'u hiaai ia ite e, e parau mau anei.

## Piihia ei orometua

Ua pure au no te ani i te arata'i-raa. I tera atoa taime, ua pii mai to'u peresideni amaa ia'u ei orometua i roto i te piha no te parau haapiiraa no te evanelia, no ni'a i te Buka a Moromona. Ua farii au i te piiraa no te mea ua mana'o vau e, o te reira paha te pahonoraa a te Fatu no te tauturu ia'u ia ite i te parau mau no ni'a i te Buka a Moromona e ia haafatata a'e i te Faaora.

Ua fifi au i te haapiiraa. Ua ma'iri te tahi mau sabati, e ua ite a'era vau e, eita vau e manuia maitai maori ra ia ti'aturi au i te Buka a Moromona.

### Ua hohora noa mai te mau aamu, te hoê pene i muri mai i te tahi

Ua haamata vau i te tuatapapa i te Buka a Moromona i te mau hepetoma atoa e oioi roa to'u iteraa i te popou i roto i ta'u tai'oraa. Ua hohora noa mai te mau aamu o te Buka a Moromona, te hoê pene i muri mai i te tahi, e ua haafatata te reira ia'u ia Iesu Mesia.

Ua tai'o vau i te parau no te fanau-raa o te Mesia, ta Nephi i ite i roto i te hoê orama :

« E hi'o atura vau, e ite atura i te oire rahi ra ia Ierusalem, e te tahi mau oire ho'i. E ite atura ho'i au i te oire ra o Nazareta ; e i roto i te oire ra i Nazareta, i ite au i te hoê paretenia, e e mea nehenehe roa e te uouo ho'i oia...

« E ua parau maira oia ia'u e, Inaha, te paretenia ta oe e hi'o nei, o te metua vahine ia o te Tamaiti a te Atua i te tino ». (1 Nephi 11:13, 18).

Ua tai'o au i te parau no te faanahoraa oaoa e ua haapii mai au e, e mea titauhia te faaroo ia Iesu Mesia no to tatou faaoraraa. Ua haapii Amuleka :

« Ua ite au e, e tae mai te Mesia i rotopu i te tamarii a te taata, ia rave i ni'a ia'na iho i te mau hara a to'na ra taata, e ia riro oia ei tarachara no to te ao nei ; ua parau mai ho'i te Fatu te Atua i te reira...

« Mai te au ho'i i te rave'a rahi a te Atua mure ore ra, ia faati'ahia te hoê tarachara e ti'a'i, e ora ia, ia pohe mau te taata atoa e ti'a'i » (Alama 34:8-9).

...Ua tai'o vau i te parau no te taviniraa a Iesu Mesia i rotopu i teie mau mamoe ê To'na i Amerika Tahito, e ua ite roa vau e, o Oia te Atua o te mau nunaa atoa. Ua parau Oia i te mau ati Nephi : « E oia mau ta'u e parau atu ia outou, no outou ta'u parau ra, a na ô atu ai au e, E mamoe ê atu â ta'u, e ere i to teie nei aua, e arata'i atoa mai au ia ratou e ti'a'i, e faaroo mai ho'i ratou i to'u reo, ia hoê a'e nana, e hoê ho'i tia'i » (3 Nephi 15:21).

### Ua tae marû mai to'u iteraa papû

A tai'o noa ai au i te Buka a Moromona, ua teatea to'u faaroo ia Iesu Mesia e ua aano to'u haro'aro'araa i Ta'na faanahoraa (hi'o Alama 32:28).

Te faa'ite papû nei au e, o te Buka a Moromona te ofa'i tape'a fana o ta-tou haapa'oraa. Ua heheu mai te Varua Maitai ia'u e, e peropheta mau Iosepha Semita e na'na i faaho'i-faahou-mai i te Ekalesia a te Atua i ni'a i te tino o te fenua e na'na i iriti i te Buka a Moromona mai roto mai i te mau papaa auro. Te faa'ite papû nei te Buka a Moromona no Iesu Mesia e ma te ohipa apipiti e te Bibilia. Toopiti raua e faa'ite papû nei e, o Iesu Mesia te Tamaiti mau a te Atua e o Oia te Atua o *te mau* nunaa atoa, eiaha hoê noa. ■

*Te ora nei te taata papa'i i te fenua Singapour.*



### TE OFA'I FANA NO TA TATOU HAAPA'ORAA

« Mai te âpou o te marua mai mai te mea e tatarahia te ofa'i tape'a fana, e

vai ti'a e aore ra e marua mai te taatoaraa o te Ekalesia ia au i te parau mau o te Buka a Moromona ... Mai te mea ra e, e parau mau te Buka a Moromona—e ua faa'ite e milioni i teie nei e, e iteraa to ratou no ô mai i te Varua ra e, e parau mau ihoa—no reira, e ti'a ia i te taata ia farii i te mau parau no te Faaho'i-faahou-raa mai e te mau mea atoa e apiti nei i te reira.

Peresideni Ezra Taft Benson (1899-1994), i roto la Poro Haere i Ta'u nei EVELIA : Te hoê arata'i no te ohipa misionare (2004), 118.

# TI'AMĀRAA O TE TAATA E AORE RĀ TI'AMĀRAA MORARE ?

Na te faa'ohiparaa i te ti'amāraa ma te paari e haamatara noa i ta tatou mau ma'itiraa e e haamaitai hōi i to tatou aravihi ia ma'iti maitai.

Na Michael R. Morris

Te mau ve'a a te Ekalesia


Te haamana'o noa nei ā vau i to'u taiā a faaineine ai au no te farerei i to'u episekopo no te haereraa i te misioni. Ua uiui noa vau ia'u iho nei e, ua nava'i anei to'u maitai. Mai te peropheta Iosepha Semita te huru, aita vau i rave « i te mau hara rahi e te ino » (Iosepha Semita—Aamu 1:28), ua taiā rii rā vau.

Ua taiā vau no te mea eita e nehenehe ta'u e haamo'e i to'u hoa Danny (ua tauihia te i'oa). Tau ava'e to Danny parauraa i to'na anaanatae rahi ia faaineine no te haere i te misioni. Ua tau i rā te reira i te farereiraa oia i te episekopo.

No te mea ua rave Danny i te tahi mau ohipa parau-ti'a ore e te tahi feia apī tamahine, ua parau mai oia ia'u e, ua faa'ere ona ia'na iho i te taviniraa ei misionare rave tamau. Aita ihora i ti'a ia'na ia ma'iti i te hoē misioni.

Ua faatupu Danny i te mau parau a te peresideni Boyd K. Packer, te peresideni no te Pūpū no te Tino Ahuru Ma Piti Aposetolo, ua topa oia i raro a'e i te faahemaraa a Satane ia « faaohipa hape atu [oia] i [to'na] ti'amāraa morare ».<sup>1</sup>

Te ti'amāraa mau, mai tei haa-piihia i roto i te *No te Puai o*



te *Feia Api*, e tae mai ia ia faa'ohipa ana'e tatou i to tatou ti'amâraa no te ma'iti ia haapa'o. Te mo'eraa te ti'amâraa, mai ta Danny i haapii, e tae mai ia na roto i te ma'itiraa i te haapa'o-ore-raa.

« E ti'amâraa to outou no te ma'iti i te ohipa o ta outou e rave, aita râ to outou e ti'amâraa no te ma'iti i te mau utua. E tae mai te mau utua i muri a'e i te mau ma'itiraa atoa ta outou e rave, te mea maitai anei e aore râ te mea ino ».<sup>2</sup>

### Ti'a mana no tatou iho

No te mea te haapii nei te mau papa'iraa mo'a e, « ua horo'ahia mai te mau mea atoa », « e mea ti'amâ [tatou] » e ua ti'a ia tatou ia rave i te mau mea « na roto i to [tatou] iho hinaaro » (2 Nephi 2:27; 10:23; PH&PF 58:27; Helamana 14:30), te faa'ohipa pinepine nei tatou i te parau « ti'amâraa ».

Ua ite anei râ outou e, aita teie parau « ti'amâraa ia ma'iti » i roto i te mau papa'iraa mo'a? Are'a, te haapii nei te mau papa'iraa mo'a e, « Ia ti'a i te mau taata atoa ia haapa'o i te mau haapiiraa e te mau parau tumu... mai te au i te *ti'amâraa* ta'u i horo'a'tu ia'na ra, ia ti'a i te taata atoa ia faautu'ahia no ta'na iho mau hara » (PH&PF 101:78; reta tei faahuru-ê-hia).

Ua haapii Elder D. Todd Christofferson no te Pūpū no te Tino Ahuru Ma Piti Aposetolo e : « Te itehia nei te ta'o *ti'amâraa* [i roto i te mau papa'iraa mo'a], o ona ana'e iho e aore râ na mua i te ta'o ra *morare [na roto i te reo peretane]* ... Ia faa'ohipa ana'e tatou i te parau *ti'amâraa morare*, te haapapū roa ra tatou i ta tatou tiaauraa ei tuhaa faufaa rahi no teie horo'a hanahana o te ti'amâraa. E mau taata morare tatou e mau ti'a mana no

tatou iho nei, na tatou iho e ma'iti tera râ na tatou atoa te hopoi'a o ta tatou mau ma'itiraa ».<sup>3</sup>

Te parau faahou nei te peresideni Packer e, « Ua haapapūhia te ti'amâraa i roto i te mau papa'iraa mo'a ei « ti'amâraa morare », te auraa ra, e ma'iti tatou i rotopu i te maitai e te ino ».<sup>4</sup> Te auraa no teie horo'a no ô mai i te Atua, oia ho'i ia, « e mea ti'a ia [tatou] ia rave i te ti'amâ e te ora mure ore, na roto i te Arai rahi o te taata atoa, e ia imi i te tîtiraa e te pohe, mai te au i te tîtiraa e te mana o te diabololo » (2 Nephi 2:27).

### Te aroraa a Satane i te ti'amâraa

No te mea ho'i e tuhaa faufaa rahi te ti'amâraa morare i roto i te faanahoraa no te faaoraraa, ua imi Satane e haamou i te reira i roto i te ao hou i te tahuti nei. Ua ti'avarūhia oia no to'na orure hau e te imi nei oia i teie nei ia « haavare e ia haamatapo i te taata, e ia arata'i ia ratou ei tîti ia au i to'na ra hinaaro » (Mose 4:3-4).

Te hinaaro nei Satane ia rave tatou i te mau ma'itiraa o te riro i te taoti'a i to tatou ti'amâraa, o te riro i te arata'i ia tatou i te mau peu ino e te faatîtiraa e o te riro i te vaiihoa ia tatou ma te mana ore no te pato'i i te mau faahemaraa. Teie te nehenehe o te evanelia, na te reira e faaara ia tatou no ni'a i ta tatou mau ma'itiraa e te faahopearaa o te reira. Na te faa'ohiparaa i te ti'amâraa ma te paari e haamatara noa i ta tatou mau ma'itiraa e e haamaitai ho'i i to tatou aravihi ia ma'iti maitai.



### Te hi'oraa o te Faaora

I te hohoraraahia te faanahoraa no te faaoraraa i roto i te apooraa rahi i te Ra'i ra, ua faa'ite mai te Faaora ia tatou nahea i te faa'ohipa-tano-raa i to tatou ti'amâraa morare. Ua parau o Iesu e, « E te Metua, ia haapa'ohia to oe hinaaro, e no oe te hanahana e a muri noa'tu » (Mose 4:2). No teie hinaaro To'na ia rave i te hinaaro o te Metua, i tera iho taime e i muri mai, i roto i te ô no Getesemane e i ni'a atoa ho'i i te satauro (hi'o Mataio 26:39; Luke 22:42), ua aufau Iesu i te hoo no ta tatou mau ma'itiraa hape ma te horo'a mai i te hoê rave'a no tatou ia faaorehia teie hape na roto i te tatarahaparaa.

Ia pee tatou i te hi'oraa o te Faaora, eita tatou e parau e, « e rave au mai ta'u i hinaaro », e parau râ tatou, « e rave au mai ta te Metua i hinaaro ».<sup>5</sup> Na te faa'ohiparaa tatou i to tatou ti'amâraa morare mai teie te huru e faatae mai ia tatou i te ti'amâraa e te oaoa.

I to'u haereraa e farerei i to'u episekopo no ta'u uiuiraa matamua no ta'u misioni, ua mauruuru roa vau i te mea e, ua rave au i te mau ma'itiraa maitai. Te tahi noa ava'e i muri iho, te tavini ra vau i te Fatu i Guatemala—ma te haapii i te tahi mau pu'eraa i te faanahoraa no te faaoraraa e te ti'araa matamua o te ti'amâraa morare i roto i teie faanahoraa. ■

#### TE MAU NOTA

1. Boyd K. Packer, « Teie mau mea ta'u i ite », *Liahona*, Me 2013, 8.
2. *No te Puai o te Feia Api* (2011), 2.
3. D. Todd Christofferson, « Moral Agency », *Ensign*, Tiunu 2009, 47.
4. Boyd K. Packer, « Teie mau mea ta'u i ite », 8.
5. Hi'o Wolfgang H. Paul, « Te horo'a o te ti'amâraa », *Liahona*, Me 2006, 35.

« Te tamata nei au ia haavî i to’u mau feruriraa, tera râ, ua rahi roa te mau faahemaraa. Nahea e roaa ai ia’u te mau feruriraa mâ a’e ? »

**E** mea fifi ia haavî i to tatou mau mana’o, are’a râ e nehenehe te reira ia ravehia e e hopoi mai ho’i i te mau haamaitairaa : « A haapii noa ai outou ia haavî i to outou mau mana’o, e upooti’a outou i ni’a i te tahi mau peu, e tae noa’tu i te mau peu ha’iriiri. E roaa mai ia outou te itoito, e upooti’a outou i ni’a i te ri’ari’a e e roaa ia outou te hoê oraraa oaoa ».<sup>1</sup>

A feruri atoa i teie mau haamaitairaa i muri nei :

- E tauturu te mau mana’o mâ i « to outou ti’aturiraa ia puai roa i mua i te aro o te Atua », e « e riro te Varua Maitai ei apiti no outou i te mau taima atoa » (PH&PF 121:45-46).
- E tauturu te mau mana’o mâ ia outou ia ite i te faaûruraa, no te mea e parau mai te Varua Maitai i to outou aau e i to outou feruriraa (hi’o PH&PF 8:2-3).
- E tauturu te mau mana’o mâ ia outou ia haapa’o i te faaueraa rahi matamua : hinaaro oe i to Atua ma to aau atoa, e ma to varua’toa, e ma to *mana’o atoa* (hi’o Mataio 22:37).

Ua rahi te mau mea ta outou e nehenehe e rave ia roaa mai te mau mana’o mâ a’e, mai ta outou e ite atu i te mau mana’o i ni’a i teie api parau. Tera râ, te hoê o te mau mea matamua roa a’e ta outou e nehenehe e rave—e e haere noa te reira i te rahi—o te upooti’araa ia i ni’a i te « taata tino nei ». E mea au na te taata tino nei te mau mana’o havahava. O teie te rave’a no te upooti’a i te reira : « No te mea te taata tino nei, o te enemi ia o te Atua... e e enemi ho’i a muri e a muri noa’tu ; are’a ia auraro oia i te parau a te Varua Maitai, e ia faaru’e i te mau peu a te taata tino nei, e ia riro ei taata mo’a na roto i te taraehara a te Mesia ra te Fatu, e ia riro ho’i mai te tamarii ra i te marû, e i te mamahu, e i te haehaa, e i te faaoromai, e i te î i te aroha, e ma te hinaaro ia auraro i te mau mea atoa ta te Fatu e hinaaro ia tuu i ni’a ia’na, mai te tamarii e auraro ho’i i to’na metua » (Mosia 3:19).

E aha te hoê mea ta outou e nehenehe e rave i teie mahana no te titau i te Taraehara o te Faaora no te faatae mai i te tauriraa i roto i to outou oraraa ?

#### NOTA

1. Boyd K. Packer, « Worthy Music, Worthy Thoughts », *Liahona*, Eperera 2008, 31.



#### Te rave’a haaparareraa e te mau hoa

Te hoê vahi e ti’a ia haamata, o te ma’itiraa ia i te mau hoho’a mata’ita’i maitai, te pehe maitai e

te buka maitai. A ma’iti i te mau hoa e aparau atu outou i te parau mâ e e ha’uti atu outou i te ha’uti ti’a. A rahi noa ai ta outou mau ohipa maitai e feruri atu, e ite rahi atoa mai outou e, e mea ohie ia faaore i te mau mana’o iino, e e varavara atoa’tu te reira.

Amber S., 18 matahiti, British Columbia, Canada

#### Pure

Te haafatata nei te pure ia’u i to tatou Metua i te Ao ra ma te tauturu ia’u ia tutonu i ni’a i te mau mana’o maitai. Te haapuui nei te tuatapaparaa i te papa’iraa mo’a i te mau mahana atoa i to’u ti’aturi i roto i te upooti’araa i te mau faahemaraa ; tei roto i te mau papa’iraa e ite ai au i te mau hi’oraa o te mau pipi haapa’o a te Mesia. Ia horo’a vau i to’u iteraa papû, e tauturu atoa te reira ia’u ia tape’a i te mau mana’o mâ.

Dasha M., 17 matahiti, Kiev, Ukraine



#### Maitai e aore râ tano ?

Eita ta outou e nehenehe e arai noa i te mau mana’o e tae mai, e nehenehe râ ta outou e hi’o atu eiaha te reira

ia vai noa mai. E nehenehe ta outou e ui : E roaa anei te maitai i teie mana’o ? E tauturu anei te reira ia’u ia haere i ni’a i te avei’a tano ? Ia hiti noa mai te tahi mana’o faahema, a hi-mene i te hoê himene maitai, a feruri i te hoê ohipa au tei tupu e aore râ a pure. Ia monohia te mau mana’o iino i te hoê mea maitai, tirara’tu ai.

Lisa P., 17 matahiti, Dânemâta



### Papa'iraa mo'a

Te tuatapaparaa i te mau papa'iraa mo'a i te mau po'ipo'i atoa na mua i te haapiiraa, e tauturu te reira. Ia hiti noa mai te hoê mana'o ino, oi oi roa vau i te mono i te reira e te hoê mea maitai a'e. Eiaha e parau noa, « Aita, eiaha tera mana'o » (e ohipa maitai ihoa ia), e mono ra te reira i te hoê mana'o maitai. A haamana'o, no outou iho to outou feruriraa, e ere na Satane. E mau tamaiti itoito e e mau tamahine itoito tatou na te Metua i te Ao ra, e tei roto tatou i te hoê misioni no te haamaitairaa ia tatou.

*Nick C., 16 matahiti, Arkansas, te mau Hau Amui no Marite*



### Te hi'oraa o Lehi

I roto i te 1 Nephi 15:27, te parau nei Nephi i to'na nau taea'e e, i roto i ta'na orama no te tumu raau no te ora, ua faaatihia Lehi i te viivii. Aita râ Lehi i haapa'o i te reira viivii no te mea ua tamau « to'na mana'o i ni'a i te mau mea eê ». Ua tano atoa te reira no tatou i teie mahana. Mai te peu e hinaaro tatou ia i tatou i te parau-ti'a, e pure ana'e no te reira ma te tutonu i ni'a i te mau mea parau-ti'a, ei reira to tatou feruriraa e i roa ai i te parau-ti'a e te viretu, e aita atura to te mau mana'o havahava e mana no te vai noa mai.

*Hattie W., 16 matahiti, Arizona, te mau Hau Amui no Marite*

### Te mau himene

E ti'a i te mau himene ia tauturu ia tatou ia roa te mau mana'o mâ a'e. E faateitei te pehe maitai i te varua. Ia ti'a ana'e ia'u ia faaroo i te mau himene, e faateitei noa te reira ia'u i te hoê ao hau e te tiretiera. Te tauturu

nei te reira ia'u ia haamana'o i te here o te Metua i te Ao ra no tatou paatoa, e e mea ohie atura ia ape i te mau faahemaraa.

*Amanda A., 18 matahiti, Amazonas, Beresiria*

### Te tuatapaparaa papa'iraa mo'a a te utuafare

Ia tae noa mai te mau mana'o havahava i roto i te feruriraa, e tamata vau i te haamana'o i te mau papa'iraa mo'a ta matou to'u utuafare i tai'o i te po'ipo'i. I te mau po'ipo'i atoa, i te hora 6:00, e tai'o amui to'u utuafare i te mau papa'iraa mo'a. I te po'ipo'i roa, tera râ, e haamaitairaa te reira e te haapuai nei te reira ia'u i te roaraa o te mahana.

*Elena W., 16 matahiti, Helevetia*



### Oro'a mo'a

Te parau nei te pure no te oro'a mo'a e, ia rave tatou i ni'a ia tatou i te i'oa o te Mesia, ma te haapa'o i Ta'na mau faaueraa e ma te haamana'o noa Ia'na, e vai noa To'na Varua i roto ia tatou. Na roto i te haamana'oraa Ia'na, te tautoo nei tatou no te tura'i i rapae i te mau mana'o o te tino ma te tutonu



### E HAAMANA'O I TAU MAU MEA RA

« I roto i teie tere papû-ore o te oraraa i roto i te tahuti nei, e pee atoa tatou i teie nei a'o a te aposetolo Paulo o te nehenehe e tauturu ia tatou i ni'a i to tatou nei e'a: 'Te mau mea haavare ore ra, te mau mea au maitai ra, te mau mea ti'a ra, te mau mea viivii ore ra, te mau mea popouhia ra, te mau mea roo maitata'i ra; te vai na te tahi maitai e te tahi mea haamaitai ra, e haamana'o i taua mau mea ra' [Philipi 4:8]' ».

*Peresideni Thomas S. Monson, « Hi'oraa i muri e te nuuraa i mua », Liahona, Me 2008, 90.*

i ni'a i te mau mana'o mure ore. Mai te mea e, e haamana'o noa tatou Ia'na, e tau i to tatou mau mana'o, no tatou mau hiaai e ta tatou ho'i mau ohipa ei mea maitai a'e.

*McKay M., 18 matahiti, Utah, te mau Hau Amui no Marite*

## TE UIRAA NO MURI MAI

« I te ma'iraahia to'u mama, ua haapae e ua pure matou no'na, are'a râ ua pohe oia. Nahea te hau e nehenehe ai e tae mai i roto ia'u i muri mai i te reira? »

Na mua i te 15 no novema 2014, a hapono i ta outou pahonora, e mai te mea e hinaaro outou, te hoê hoho'a pata maitai i te vahi ra liahona.lds.org (a pata i te parau « Submit Your Work »), na roto i te rata uira i te liahona@ldschurch.org, e aore râ na roto i te rata papie (hi'o i te vahi haponora i ni'a i te api 3).

Teie te haamaramaramaraa e te parau faati'a e titauhia i roto i ta outou rata uira e aore râ ta outou rata: (1) te taatoaraa o te i'oa, (2) te tai'o mahana fanauaraa, (3) te paroisa e aore râ te amaa, (4) te titi e aore râ te mataeinaa, (5) ta outou parau faati'a papa'ihia, e mai te mea e, tei raro mai to outou matahiti i te 18, te parau faati'a papa'ihia a to outou metua (e faati'ahia te rata uira) no te haaparareraa i ta outou pahonora e te hoho'a pata.

E nehenehe te mau pahonora e tau-rii-hia no te mea ua roa roa te reira e aore râ ia maramaramahia te reira.



## TE MAU HAAPIIRAA NO TE SABATI

Parau tumu no teie ava'e:

la rahi atu te  
riroraa mai te  
Mesia te huru

# Nahea i te ui atu i te mau uiraa faufaa rahi

*E nehenehe i te mau uiraa tano e haamatara i te aau o te taata ia tomo atu te hoê iteraa papû no te parau mau.*

Na David A. Edwards

Te mau ve'a a te Ekalesia

**E**rave'a ta outou no te haapii i te taata atoa na piha'i iho ia outou, i ni'a anei i te hoê tere hoê minuti na ni'a i te pereoo mataeinaa, i roto anei i te hoê haapiiraa i te fare pureraa, na ni'a anei i te reni natirara e aore râ na roto i te hoê aparauraa papû e te hoê hoa.

Teie i muri nei te tahi mana'o no te haamanuïaraa i te hoê haapiiraa noa'tu te huru : a ui i te mau uiraa.

Na te uiraa maitai e arata'i i te haapiiraa maitai, e aua'e maoti, e nehenehe ta outou ia tuatapapa, ia tamatamata e ia apo roa mai nahea i te ui atu i te mau uiraa maitai. Teie te huru.

### A ui atu i te mau uiraa faufaa rahi

Te mau uiraa faufaa rahi, o te mau uiraa ia e faaferuri hohonu ia outou, o te fafa i to outou aau, o te mau uiraa e arata'i ia outou i te parau mau, i te iteraa papû e i te tauraa. Ua pu'e noa te reira noa'tu te tumu parau, are'a râ, te vai nei ihoa te tahi mau mea e faatu'ati ia ratou :

(1) e ere te reira i te parau taora noa e aore râ parau no te hoê noa ohipa (noa'tu pai e nehenehe i te reira ia tauturu atu i te mau uiraa no ni'a i te hoê ohipa), (2) te vai nei te hoê tu'atiraa i ni'a i te tatou oraraa i te mau mahana atoa, e (3) e titau te reira ia tatou ia horo'a i te hoê pahonora hau atu i te hoê pahonora tei faanaho-a'ena-hia.



### A haamana'o no te aha tatou e ui ai i te uiraa

Na te uiraa e faatupu i te hoê apoo i roto i to tatou feruriraa ia faaihia te reira. Teie te tahi ohipa taa ê o te nehenehe e tupu, ia uihia te uiraa e titau i te feruriraa i roto ia'na :

1. E anaanatae mai te taata i te mea ta outou e parau nei.
2. E faa'ohipa ratou i to ratou ti'amâraa no te feruri e no te faahiti i te hoê pahonora.
3. Na teie faa'ohiparaa i te ti'amâraa e faati'a i te Varua Maitai ia faa'ite papû ia ratou i te parau mau.<sup>1</sup>

Ia vai ana'e teie faanahoraa i roto i to outou feruriraa, e ite ihoa outou eaha te mau uiraa e ui atu e eaha te haapae atu.

**Hi'oraa :** Eiaha e ui noa, « No te aha e mea faufaa te tai'oraa i te papa'iraa mo'a ? » e ui maoti râ, « Nahea te tuata papa'iraa mo'a i te faatupu i te hoê taa-ê-raa i roto i to outou oraraa ? »

### A haamana'o, te haapii ra outou i te taata, e ere i te haapiiraa noa

Mai te peu ua mâtau outou i te taata ta outou e haapii ra, e e feruri outou i to ratou mau hinaaro, e ma'iti outou i te mau uiraa e tano no te tauturu ia ratou, eiaha râ no te faahiti noa'tu i te tahi mau mana'o.

**Hi'oraa :** Eiaha e ani noa, « E aha te mau taahiraa no te faanahoraa o te tatarahaparaa ? » e ani maoti râ outou, « Nahea i te rave i te mea maitai ia ite ana'e outou e, ua hape outou ? »

### Tuatapapa e feruri maite

No te faaineine ia outou no te haapii i te evanelia, a tuatapapa i te mau papa'iraa mo'a e te haapiiraa a te mau peropheta e a te mau aposetolo no teie anotau, ei reira a pure ia parahi mai te Varua Maitai i rotopu ia outou e te feia ta outou e haapii ra (hi'o PH&PF 42:14 ; 50:21-22).

Teie atoa te tahi mana'o, ia hinaaro outou ia ui i te taata i te mau uiraa e faaferuri ia ratou, titauhia ia outou iho ia rave i te reira ohipa. A feruri maite i te mea ta outou e tuatapapa nei. E ite outou e, te mea e faaferuri rahi roa a'e ia outou, o te mau uiraa ia tei tae mai i te roaraa o teie ohipa. A vai ara noa i te mau huru uiraa e faaferuri ia outou. Tera mau te mau uiraa e arata'i mai i te hoê hi'oraa e te hoê iteraa papû rahi a'e, te reira atoa te huru uiraa ta outou e nehenehe e ui atu no te tauturu ia vetahi ê ia haapii i te evanelia.

**Hi'oraa :** Eiaha e ani atu, « Nahea te aroha e roaa mai ai ? » e ani maoti râ, « I to outou mana'o, e aha te auraa no te parau i roto i te Moroni 7:48 ia pure no te aroha 'ma te puai hope o te aau' ? »



### Faahie i te haereraa i ni'a i te mau uiraa fifi a'e

I te tahi taime, e mea au roa a'e ia faahie i te haereraa i ni'a i te mau uiraa mana'o hohonu a'e e te faaferuri a'e i te taata iho, e no reira e nehe-nehe e ui i te ho'e uiraa omuaraa i te haapiiraa, e uiraa ohie ia pahono e ei reira e haere atu ai i ni'a i te mau uiraa e titau i te pahonora hohonu a'e. Teie te tahi mau hi'oraa ohie :

Uiraa omuaraa i te haapiiraa	Uiraa hi'opo'a
E hia matahiti to Iosepha Semita i te haereraa ona i roto i te Uru Raau Mo'a ?	E aha te taime outou a pure ai i te Metua i te Ao ra mai teie huru hinaaro aau tae to Iosepha ?
Te ti'aturi ra anei outou i te Atua ? »	E aha te ti'araa o te Atua i roto i to outou oraraa ?
E aha ta outou i rave i teie mau mahana no te tavini ia vetahi e ?	Nahea te iteraa e, e mau tamarii taoutou paatoa na te Atua e faataui ai i to tatou feruriraa i te taviniraa ?

Mai te mea e, e imi outou i te arata'iraa a te Varua Maitai a ui ai outou i te mau uiraa, e riro outou i te ui mai i te uiraa tano i te taime tano. Aita outou i ite. E faataui te reira i te oraraa o te ho'e taata. ■

#### NOTA

- « E ti'a ia outou ia faa'ohipa i to outou ti'amâraa no te faati'a i te Varua ia haapii ia outou » (Richard G. Scott, « Ia farii i te arata'iraa a te Varua », *Liahona*, Novema 2009, 8).

### MANA'O NO TE UI I TE UIRAA

- Tia'i i te pahonora.
- Faa'ohipa i te mau uiraa na muri mai no te faahohonu atu â i te feruriraa.
- Haapae i te mau uiraa e faatupu i te titoraa mana'o e aore râ te mârôraa.
- I te tahi taime, e ui atu i te uiraa e faaitoito i te feruri-mû-noa-raa.

No te tahi atu mana'o, a hi'o *Te haapiiraa*, *Aita e piiraa teitei a'e* : *Buka tauturu no te haapii i te Evanelia* (1999), 71-73.

### A TOMO I ROTO I TE PARAPARAURAA

#### Te mau mea e feruri maite atu no te sabati

- Ua ui a'enei te tahi taata i te ho'e uiraa e ua hinaaro roa outou i te ite rahi atu â no ni'a i te evanelia e aore râ ua hinaaro outou i te tau i rii i to outou oraraa ?
- Nahea te Faaora i te faa'ohiparaa i te mau uiraa a haapii ai Oia ?

#### Te mau mea e ti'a ia outou ia rave

- la tuatapapa outou i te mau papa'iraa mo'a i teie hepetoma, a papa'ipa'i i te tahi mau uiraa ta outou e feruri ra.
- I te purerara, a ui atu i te ho'e uiraa i roto i te aparauraa a te piha haapiiraa.



**Na Elder Jeffrey R. Holland**  
 No te Pūpū no te Tino Ahuru ma Piti Aposetolo

# NAHEA E ROAA AI TE PUA E TE MANUIA

**T**e vai ra vetahi o outou tei ite e aha ta outou e hinaaro e riro mai e i hea outou e haere atu ai i roto i to outou oraraa, te vai nei rā, aita. Te vai ra vetahi o outou, ua rahi roa te mau haamaitairaa e te mau ma'itiraa faahiahia i mua ia outou. Vetahi rā o outou te mana'o nei e, i te hoê taime e no te tahi noa'tu tumu e, e ere outou i te feia fana'o roa e aita ho'i e e'a ananatae i mua noa mai ia outou.

Noa'tu rā e, o vai outou e noa'tu te vahi tei reira outou, te imi ra outou i to outou e'a no te ora, te pūpū atu nei au ia outou i « te e'a, te parau mau e te ora » (Ioane 14:6). Noa'tu te vahi ta outou e mana'o ra e haere, te ani nei au ia outou ia « **haere mai outou la'na ra** » (hi'o Mataio 11:28-30) te reira te taahiraa matamua roa no te tapae i ô, no te ite mai i to outou iho oaoa, to outou puai e to outou manu'araa.

I te taime matamua a faaroo ai Anederea raua Philipi i te Mesia, ua putapu roa raua, ua maere roa e inaha **ua pee raua la'na** a faaru'e ai Oia i te nahoa rahi. No To'na iteraa e, te peehia ra Oia, fariu mai nei te Mesia ma te ani i teie na taata e piti, « E aha ta orua e imi ra ? » (Ioane 14:19). Te vai ra te tahi iritiraa ohie, « E aha ta outou e hinaaro ? »

Pahono a'era raua, « E ti'a oe i hea ? » e aore rā « Tei hea to oe vahi nohoraa ? »

E ua parau maira te Mesia, « **A haere mai, a hi'o** ». Aita i maoro roa, te pii mana ra Oia ia Petero e te vai atura i roto i te mau aposetolo na roto i taua varua nei no te ani-manihini-raa, « **A pee mai ia'u** » (hi'o Mataio 4:19).

No'u nei, e au e, te tumu mau no to tatou oraraa, ua topatahia ia i roto i teie na mea rii tumu e piti o te ohipa matamua i roto i te taviniraa tahuti a te Faaora. Te hoê o na mea rii tumu, o te uiraa ia, ia tatou paatoa nei, « E aha ta [outou] e imi ra ? » « Eaha ta outou e hinaaro ? » Te piti, o Ta'na ia pahono-raa no te noaa mai te reira. Noa'tu â o vai tatou, e noa'tu â to tatou mau fifi, teie noa â Ta'na pahonora, e a muri noa'tu : « **E haere mai outou la'u nei** ». E haere mai outou ia ite outou i te mea ta'u e rave ra i te roaraa o te mahana. **E haapii mai roto mai ia'u**, e pee mai ia'u e na roto i te reira, e horo'a'tu vau ia outou i te pahonora i ta outou mau pure e te hau i to outou varua.

E au mau hoa here apî e, aita vau i ite i te tahi atu rave'a ia manu'ia outou e aore rā ia oaoa outou e aore rā ia paruruhia outou. Aita vau i ite i te tahi atu rave'a ia amo outou i ta outou mau hopoi'a e aore rā ia ite outou i ta Iakoba i parau « te oaoa i haapa'ohia no te feia mo'a ra » (2 Nephi 9:43).

Teie te tumu tatou e **tapu ai i te mau fafauaraa** tei niuhia i ni'a i te tusia taraehara a te Mesia, e te reira atoa te tumu tatou e **rave ai i To'na i'oa i ni'a ia tatou**.

O Iesu te Mesia, te Tamaiti a te Atua ora. O teie Ta'na Ekalesia mau e te ora. Ta'na e tia'i nei, o te haereraa tatou Ia'na ra, ia pee tatou Ia'na, ia **tamahanahanahia tatou e Ana**. I muri iho, Ta'na e tia'i ra, o te **tamahanahanaraa tatou ia vetahi ê**. Ia nava'i to tatou faaroo no te **farii i te maitai o te Atua** e te aroha o Ta'na Tamaiti Fanau Tahī. Ia haere ana'e mai tatou Ia'na ra e i Ta'na evanelia e ia faaorahia to tatou mauui. ■

*Mai roto mai i te hoê a'oraa ta'na i horo'a i te hoê pureraa pae auahi a te fare haapiiraa Brigham Young University i te 2 no mati 1997.*

## NAHEA OUTOU I TE FAAOHIPARAA I TE REIRA ?

« Ua hinaaro lesu Mesia ia pee tatou la'na. Titauhia ia tatou ia tauturu ia vetahi ê ma te ore roa e haamo'e e, eita e eita roa'tu Oia e haamo'e ia tatou. »

**Cecilia E., Philippines**

« No te haere i te Faaora, titau-roahia ia tatou ia ora i te faito ti'a, i te maitai a'e e roaa ia tatou, i te faito o To'na hi'oraa ma te vaiiho la'na ia vai tamau noa i rotopu ia tatou i te mau taime atoa o te mahana. »

**Allyson L., Arizona, te mau Hau Amui no Marite**



—TE AAMU UTUAFARE—

# TE RAVE NEI AU I TE REIRA

*No te haamata i teie ohipa, e mea ohie e te arearea. Te rave nei te feia apî na te ao atoa nei i te aamu utuafare e te vai ra te taa-ê-raa tei itehia.*

hea e haamata ai? Te mana'o ra paha outou e, ua oti a'ena te mau mea atoa i te ravehia e te fetii. E aore râ te mana'o ra paha outou e, e mea ma'ua outou i roto i te aamu utuafare e mea teimaha te reira. Noa'tu e, e haamata outou na roto i te papa'iraa i te hoê buka aamu, te faaineineraa i te i'oa no te hiero, e aore râ te faaoraraa i te mau fetii e ora ra, e nehenehe ta *outou* e amui i roto i te aamu utuafare na roto i te rave'a anaanatae e te papû.

## **Te papa'iraa i te hoê buka aamu no tatou iho : Te haamana'oraa i to tatou mau haamaitairaa**

**E** ere i te mea ohie ia papa'i i te hoê buka aamu. E parau noa tatou ia tatou iho e, ua rahi roa te ohipa e aore râ ua rohirohi roa e aore râ aita e ohipa anaanatae i roto i to tatou oraraa e papa'i atu. Tau matahiti i ma'iri, ua itehia ia'u e, e ere te tape'araa i te buka aamu i te hoê mea fifi roa, e e nehenehe atoa ta'u e au i te reira.

Ua haamata vau i te papa'i i te hoê mea i te mahana hoê. Aita vau i haapa'o e, e mea roa anei e aore râ e mea anaanatae anei ; ua papa'i noa râ vau i te mea tei tae mai i to'u feruriraa e aore râ te mea i tupu i tera ra mahana. Te reira noa, ua haamaitahia to'u oraraa.

I te hoê mahana, te pe'ape'a ra te tahi taata o to'u utuafare, e aita i papû roa ia'u e aha te parau atu, teie râ, ua faaûruhia vau e tai'o ia'na i te hoê tuhaa i roto i ta'u buka aamu. Ua faa'ite atu vau i te hoê tuhaa no'u iho nei ta'u i tapa'opa'o i roto i teie buka iti ereere, e ua ite au i te huru te reira i te turamaraa i to'na aau.

Te haapapû atu nei au e, mai te mea e, e haamata outou i te papa'i i te hoê noa mea i te mahana hoê, e haamaitai te reira i to outou oraraa. Noa'tu â te iti e aore râ te rahi, ia papa'i outou i te mau haamaitairaa i roto i to outou oraraa, e tauturu te reira ia outou ia haamana'o i te reira.

*Gentry W., Utah, te mau Hau Amui no Marite*

## Te popou i roto i te aamu utufare : Te imiraa i te hui tupuna

I to'u bapetizoraahia, ua faaroo rahi au no ni'a i te aamu utufare, aita râ vau i ite nahea i te rave i te reira e aore râ e ti'a anei ia'u. Ua faaoti au e pure no te reira, e ua tae mai te mana'o e, e haamata i te rave i te reira i tera iho taime. Ua tae mai te mana'o e, te rû ra to'u hui tupuna ia'u ia haamata e na ratou e tauturu mai ia'u ia imi i te mau haamaramaramaraa tei titauhia no te mau oro'a.

Ua haamata vau na roto i te haereraa i te haapiiiraara no ni'a i te aamu utufare, e aita i maoro roa, ua pihia vau ei tauturu no te aamu utufare. Ua taiâ rii au no te mea aita re'a vau i mâtau maitai i teie mea, ua farii noa râ vau i te piiraa.

I te hoê mahana, ua haere au i te fare o te tuahine o to'u tupuna vahine, e tei ia'na ra te tahi mau parau no ni'a i te metua vahine o to'u tupuna vahine. Aita oia i hinaaro roa ia faa'ite mai i te reira mau parau, e peu ho'i te reira na ratou eiaha e paraparau no te fetii i pohe. Ua parau mai oia e, e riro te mahana i muri mai i taua mahana nei ei mahana no te poheraa teie metua tupuna vahine, e ua opua oia i te tutu'i i teie mau parau. Ua ani au ia'na e ti'a anei ia'u ia tapa'opa'o na mua i te tahi mau parau, e ua farii oia. I tera taime, ua ite roa vau e, e tauturu mai te Metua i te Ao ra ia'u ia tamau â i ta'u mau ma'imiraa.

E a tavini ai au i roto i te pû aamu utufare fatata i te hiero, ua tamau noa vau i te ite rahi mai no ni'a i to'u utufare. Ua ite ihora vau e, e piti tupuna metua o to'u tupuna metua, e taata Italia raua tei haere mai i te São Paulo, i te fenua Beresiria, e e faaapu ta raua. Ua mo'e pauroa teie mau fetii to matou no tera fare faaapuraa, ua itehia râ ia'u te tahi fetii o te papa'i ra i te tuatapaparaa tupuna o to matou utufare. Ua horo'a mai oia i teie buka, e iva matahiti te roa to'na papa'iraa i teie buka. Ua parau mai oia e, aita ona i ite no te aha râ oia i papa'i ai i te reira, e mana'o noa râ tei vai i roto ia'na e, e riro te reira i te tauturu i te tahi taata ananahi. Ua ite au e, o te varua no Elia tei faaûru ia'na.

Ua haapii mai teie ohipa ia'u e, te rave nei tatou i te hoê ohipa mo'a. Te tia'i noa ra to tatou mau tupuna, ia tauturu tatou, e tei piha'i iho ratou ia tatou.

*Gabriel D., Beresiria*



## Rave i te ohipa hiero : Te mau oro'a mo'a

E taata faafariuhia vau e o vau ana'e te melo no te Ekalesia i roto i to'u utufare. Ua haapii au e, hoê o te mau oro'a mo'a, o te bapetizoraâ ia no te feia pohe. Ua haere au i te hoê tere mata'ita'iraa i te hiero, e a faaroo noa ai au i to matou arata'i i te paraparau-raa no ni'a i te mau oro'a, ua tae mai i roto ia'u te hoê reo iti ha'ihahi o tei parau mai ia'u e, ia haere i te pû aamu utufare no te poro'i i te hoê titauroa no te oro'a hiero no to'u metua vahine, tei faaru'e mai. Ua oaoa roa vau i muri iho i te faa'iteraahia mai i ni'a i ta'u tomoraa FamilySearch e, ua oti to'na mau oro'a hiero i te ravehia. Ua haapuai te reira i to'u iteraa papû, e ua ite atura vau e, hoê tumu tei ô nei au i ni'a i te fenua nei, no te tauturu-raa ia i to'u mau tupuna ia farii i te evanelia mau a Iesu Mesia.

*Marvin S., Philippines*

## Pee i te faaûruraa : Apo mai i te haapiiraa na roto i te mau fetii o te ora ra

I muri mai i ta'u parau tu'ite no te haapiiraa tuarua, ua puta mai te mana'o e haere e farerei i to'u na metua tupuna e maha. Ua vata vau i tera ra mau taime, e ua tae mai te mana'o e, eita paha vau e fana'o faahou mai te tahi taime mai te reira, e no reira ua haere au hoê hepetoma i te hoê fare e hoê hepetoma i te tahi.

Ta'u ohipa i ô, o te hi'oraa ia i roto i te tahi mau afata tahito, no te tai'oraa i te tahi mau rata tahito e no te imiraa





### AMUI I ROTO I TE HOÊ OHIPA MURE ORE

« Ua pure anei outou no ni'a i te ohipa o to outou iho mau tupuna? A tuu na i te hiti taua mau mea faufaa ore ra i roto i to outou oraraa. A faaoti i te rave i te tahi mea o te faatupu mai i te mau hopearaa mure ore...

« I te mau vahi atoa tei reira outou i roto i te ao nei, na roto i te pure, te faaroo, te mana'o tae, te itoito e te tahi faatusiaraa, e nehenehe ta outou e horo'a i te hoê tauturu puai. A haamata i teie nei. Te fafau atu nei au ia outou e, e tauturu mai te Fatu ia outou ia ite i te hoê e'a. E na te reira ia e faaoaoa ia outou ».

Elder Richard G. Scott no te Pūpū no te Tino Ahuru Ma Piti Aposetolo, « Te oaoa no te faaoraraa i tei pohe », *Liahona*, Novema 2012, 95.

i te tahi mau hoho'a tahito. Ua tapa'opa'o vau i te aamu o na metua tupuna e maha, ua haere au na roto i te mau vahi hunaraa e na te mau vahi i ora na e i ohipa na to'u na metua tupuna e to'u mau fetii. Ua anaanatae roa vau i te reira ! Ua rahi roa te mau mea ta'u i apo mai no ni'a i to'u mau tupuna, to'u mau metua tupuna, to'u mau metua e o vau iho nei. Ua ite ihora vau e, ahani aita to'u mau tupuna, aita atoa ia to'u oraraa mai ta'u i ratere mai na.

I muri mai i teie tere to'u, ua ho'i mai au e 1 000 ti'ahapa i'oa no to'u mau tupuna, e ua rave au i te mau oro'a hiero no ratou. Ua riro te peeraa i te mau muhumuhu o te Varua Maitai e te haereraa e farerei i to'u mau metua tupuna ei hoê o te mau faaotiraa maitai roa a'e ta'u i rave.

*Shenley P., California, te mau Hau Amui no Marite*

### Mai te huru ra tei te fare au : Afa'i i te mau i'oa i te hiero

I te aniraa vau i to'u metua tane i te tahi mau mana'o no ni'a i te aamu utuafare, no te raveraa i ta'u ohipa Te faahaereraa ia'u iho i mua (Progrès Personnel), ua faataa mai oia e, ua itehia mai ia'na te tahi mau i'oa e rave rahi, aita râ oia i manuia i te afa'iraa i te reira i te hiero no te rahi o ta'na ohipa. E riro ta'u tautururaa i te faati'a i teie mau fetii utuafare ia farii i te mau haamaitairaa no te hiero.

I roto i te mau ava'e i muri mai, i te mahana sabati, e avatea taatoa e te pô atoa ho'i to'u patapataraa i te mau i'oa i ni'a i ta'u matini roro uira ma te haapii atoa mai i te mau aamu utuafare mai roto mai i to'u metua tane. Ua poro'i roa'toa matou i te mau « microfilm » no te tahi atu â mau haamaramaramaraa. I te tahi taima, ia fifi matou no te tai'oraa i teie mau « microfilm », e pure au i roto ia'u ei reira e rave au i te hoê api parau no te tamata i te papa'i i te tuhaa e itehia ra. Mai roto mai i te pô, ua fâ mai te mau i'oa.

E ua roaa atura ia'u te hoê haapu'eraa rahi no te mau i'oa o te utuafare, e na te feia apî i roto i ta'u paroisa i tauturu mai ia'u ia rave faaoti i te mau bapetizoraa. E na to'u na metua e te tahi atoa mau melo o te paroisa i rave i te mau i'oa no te tahi atu mau oro'a hiero.

Mai te huru ra e, ua poto roa'tura te taima no to'u faaineineraa ia haere i te hiero no to'u iho oro'a hiero. Ua anaanatae roa vau ma te taiâ rii atoa.

E te haere ra matou i te hiero, ua faa'ite mai ra to'u metua tane e, ua itehia mai ia'na te tahi o te mau tareta i'oa no te utuafare ta'u i faaineine i roto i ta'u opuaraa no teie faanahoraa Faahaereraa ia'u iho i mua. Ua mo'ehia te tahi, e no reira, ua afa'i mai oia i te reira mau tareta i'oa na to'u metua vahine, na te taure'are'a ta'u e faaipoipo atu e na'na iho, no te faaoti-roa-raa i teie ohipa. Ua faa'ite mai oia ia'u i te mau i'oa, e ua haamana'o atoa'tura vau e, tei roto ihoa ratou i ta'u opuaraa.

I te raveraa vau i te mau fafauraa mo'a i roto i te hiero, mai te huru ra e, ua faaatihia vau e te feia herehia, i na pae e piti o te paruru. E hau rahi tei parahi mai i roto ia'u no to'u iteraa e, ua ti'a ia'u i te amui i to'u utuafare e a muri noa'tu. ■

*Holly P., Idaho, te mau Hau Amui no Marite*



### A FAAITE I TO OUTOU ITERAA

A faa'ite mai i ta outou iho mau aamu utuafare i ni'a ia [lds.org/youth/family-history/experiences](https://lds.org/youth/family-history/experiences).

# ITE MAI IA RATOU, ITE MAI IA OE IHO

No roto mai to oe oraraa i te mau u'i e te mau u'i na mua'tu.  
A imi i te vahi i reira to oe aamu i te haamataraa.  
A haere i ni'a ia [FamilySearch.org](https://www.familysearch.org).



I muri mai i ta'u uiuiraa no ta'u misioni,  
ua parau mai to'u peresideni titi e, « e tupu mai te  
tahi mau ohipa huru e i roto i to oe oraraa no te tamata  
i te faataui i to oe mana'o ».

# PATO'IRAA NO TA'U MISIONI

Na Alcenir de Souza

Ua tomo vau i roto i te Ekalesia i te 15raa o to'u matahiti, e maha matahiti i muri iho, ua haponu vau i ta'u pu'e parau no te misioni. I roto i ta'u uiuiraa e to'u peresideni titi, ua haapopou mai oia ia'u no to'u faaotiraa ia tavini i te Fatu ei misionare rave tamau. Ei reira, ua parau mai teie faatere faa'uru i te ho'e mea tei vai noa i roto ia'u : « E te taea'e, mai teie taime atu, e tupu mai te tahi mau ohipa huru e i roto i to oe oraraa no te tamata i te faataui i to oe mana'o no ni'a i ta oe faaotiraa ia tavini i te Fatu ».



E te tia'i ra vau i ta'u piiraa misioni, ua tihepuhia vau i roto i te taiete Xerox no te tahi haapiipiiraa. Na teie ohipa i tauturu ia'u ia roaa mai te tahi mau ohipa no ta'u misioni e no te tauturu atoa ho'i i to'u metua vahine i roto i te mau haamau'araa i te fare. Te tere maitai ra te mau ohipa.

Te hape mau, ua haamata taua « mau ohipa huru e » nei i te tupu mai. A tahi, ua rave-ino-hia to'u metua vahine, e ua fatata roa oia i te pohe i to'na mau p'epe, ua faaherehere ra te Metua i te Ao ra i to'na ora, na roto i te tahi semeio.

I tera ra taime, te ora ra matou, to'u metua vahine, to'u na tuahine ap'i e piti, i roto i te ho'e fare tarahu. Teie noa ta matou moni no te ora, ta'u noa moni e te tuhaa moni ha'iha'i a to'u metua vahine, e tuhaa moni tei horo'ahia mai no te poheraa o to'u metua tane a tau matahiti i teie nei.

Ua ani mai te tahi mau taata, mai te tahi atoa mau melo o te Ekalesia, « E tae anei ia oe ia vaiiho i to oe metua vahine no te haere i te misioni ? » Na te faaroo noa vau i teie uiraa na ni'a iho e na ni'a iho faahou a, ua feaa to'u auu.

I te ho'e mahana ua taniuniu mai to'u peresideni titi ma te







## EIAHA E FAARU'E

« E hiti mai te pato'i-  
raa fatata i te mau  
vahi atoa e tupu  
mai te hoê mea

maitai. E tupu te reira ia tamata outou  
i te haere i te haapiiraa. E nehenehe  
atoa e topa mai i te ava'e matamua tei  
roto outou i te aua misioni...

« I roto i te mau faaotiraa rahi atoa,  
te vai ra te hi'o-maitai-raa e te feruri-  
maitai-raa, i te taima râ ua turamahia  
mai outou, a hi'o maitai i te faahema-  
raa ia otohe mai outou mai taua mea  
maitai ra. Mai te peu e mea parau-ti'a  
te reira i te taima a pure ai outou, e  
a ti'aturi ai outou i te reira e a ora ai  
outou i te reira, e mea parau-ti'a atoa  
ia i teie nei. Eiaha e faaru'e ia rahi  
noa'utu te umeumeraa ».

Elder Jeffrey R. Holland no te Pûpû no te Tino  
Ahuru Ma Piti Aposetolo, « Cast Not Away There-  
fore Your Confidence », *Liahona*, Tiunu 2000, 38.

parau mai e, ua tae mai ta'u piiraa  
misioni e ia haere au i ta'na piha  
toro'a i tera iho pô no te tii i teie rata  
no ô mai i te Pû faatereraa o te Ekalesia  
e o ta'u ho'i i tia'i maoro na. E taiâ  
e te oaoa tei tupu i te taeraa mai teie  
parau api.

I tera iho mahana, ua paraparau  
mai to'u paoti no te ohipa na  
mua a'e i te tamaaraa i te ava-  
tea. I te tomoraa'utu vau i roto  
i ta'na piha toro'a, ua farii-  
maitai-hia vau, e ua para-  
parau maua te tahi minuti  
rii no ni'a i ta'u haapiipiiraa  
e no ni'a i te mau mea  
ta'u i apo mai i roto i te  
taiete. Ei reira, ua parau  
mai teie taata ti'amana i  
te hoê mea ta te taata e  
moemoea noa i ô i to'u  
oire : « E ohipa maitai  
ta oe e rave nei i ô nei  
i roto i ta oe haapii-  
piiraa, e ua hinaaro  
matou ia tihepu  
papû roa ia oe e ia  
tape'a mai ia oe ia  
matou nei. E aha to  
oe mana'o ? »

Ua riro teie faaotiraa  
ei faaotiraa fifi roa a'e i  
roto i to'u oraraa. E au te  
mau setoni i te mure ore. Mai  
te huru ra e, te faaroo atoa ra vau i te  
mau taata e ani mai nei ia'u, e vaiiho  
anei au i to'u metua vahine ma te  
moni ore no te haere i roto i te aua  
misioni.

Noa'utu râ, ua haamana'o vau i te  
mau mea ta'u i haapii i roto i te mau  
papa'iraa mo'a e mai roto mai i to'u  
feia faatere o te Ekalesia, e na roto  
i te hoê rave'a mo'a, ua ite au ma te  
aueue ore e, ua hinaaro te Atua ia'u  
ia tavini ei misionare rave tamau no  
Ta'na Ekalesia. Ua ite au e, e haapa'o  
oia i to'u utuafare, e e nehenehe ta'u  
e ti'aturi Ia'na e e tupu maitai te mau  
mea atoa.


Ua faataa'utu vau i to'u paoti i to'u  
ti'araa, e te tavevo noa nei â ta'na  
pahonora i roto i to'u feruriraa : « I  
mana'o noa na vau e, e taure'are'a  
maramarama oe, e te faaru'e nei oe  
i teie ohipa o to oe oraraa taatoa ».

Ua haamauruuru maitai au ia'na no  
teie ohipa, e 28 mahana i muri mai, tei  
roto vau i te pû haapiipiiraa misionare  
i São Paulo, i Beresiria.

I roto i ta'u misioni, ua haapa'o te  
Fatu i te hinaaro o to'u utuafare na  
roto i te mau hoa i roto i te Ekalesia  
e na roto i te tahi mau semeio. Ua  
maitai mai te tino o to'u metua va-  
hine e ua fana'o raua to'u tuahine i  
te ohipa.

E tupu mau iho « te mau ohipa  
huru ê » ia faaoti oe ia tavini i te  
Fatu. Are'a, te amui atu nei au, ma te  
haehaa, i to'u iteraa papû i tera to-  
rou, tauasini e tauasini feia, tei tomo  
atoa i roto i te taviniraa i te Atua,  
oia ho'i, ua tau roa ino te taviniraa  
misionare i to'u oraraa. ■

*Te ora nei te taata  
papa'i i Manaus,  
i Beresiria.*





# HAAPII RAHI ATU Â NO NI'A I TE MEA E VAI RA

*No te feia apî i Oslo, i Norevetia, ua faaineine ratou i te hoê mahana taatoa no te hoê misioni rave tamau.*

Na Cathrine Apelseth-Aanensen

**M**ai te taima mai â ua faaara te peresideni Thomas S. Monson i te tauraa o te faito matahiti no te taviniraa misionare, ua pahono anaanatae mai te feia apî na te ao atoa nei, eiaha no te titauroa noa ia tavini, no te titauroa atoa râ ia *faaineine* no te tavini. E te hoê rave'a no te faaineine, o te haapiiraa ïa no ni'a i te mea e vai ra no te rirora ei misionare rave tamau.

E te reira mau ta te tahi feia no Norevetia i rave i roto i te hoê « ohipa misionare » ta te paroisa no Fredrikstad no te tîti no Oslo Norevetia i faatupu.

## Te tomoraa i roto i te pû haapiiiraa

Ua putuputu te feia apî i te fare pureraa, i roto i te hoê piha tei faa-irohia ei pû haapiiiraa misionare. « Ua horo'ahia mai ia matou te titauroa ia haapii no ni'a i te hoê nunaa fenua », te parau ra Jakob R. no te paroisa no Moss. « Ua horo'a mai te reira ia matou i te huru mana'o e tae mai ia farii oe i te piiraa misionare, oia mau ho'i, e nehenehe oe e piihia i te hoê vahi ta oe i ore i mâtau ».

## Te farereiraa i te « peresideni misioni »

« I muri iho, ua haere matou i roto i te tahi atu piha, tei reira te hoê misionare tei ho'i mai, o ona tei ha'uti i te ti'araa peresideni misioni », te parau ra Simon W. no te paroisa no Oslo. Ua parau mai teie misionare e te tahi atoa mau pu'eraa tei ho'i mai no ni'a i te mau ohipa e itehia i roto i te misioni. « Ua mana'o roa vau e, e ohipa maitai ia haapii mai roto mai i te mau misionare tei ho'i mai no ni'a i te mau mea e itehia i roto i te misioni rave tamau », te parau ra Simon. Ua farii matou i te hoê tareta i'oa, ua haere apipiti matou, e ua faauehia mai ia vai apipiti noa i te mau taima atoa.

## Te haamaitairaa i te aravihi

Ua itehia i roto i te mau piha raveraa ohipa i te haapiiraa no ni'a i te haamaitairaa pae varua, no ni'a atoa ho'i



i te faanahoraa i te mau titauroa pae tino, mai te pu'araa ahu, te haapa'oraa i te hoê tapura haamau'araa, e ia vai noa te ea maitai.

« Ua au taa ê au i te piha raveraa ohipa no ni'a i te haamataraa i te hoê aparauraa no ni'a i te evanelia », te parau nei Inger Sofie J. no te paroisa no Oslo. « E ohipa teie ta'u e nehenehe e rave i teie nei â taime ».

« Ua au vau i te aparauraa no ni'a i te faa'ohiparaa i te *Ia Poro Haere i Ta'u nei Evanelia*, » te parau nei Karl Frederik O. no te paroisa no Fredrikstad. « I mana'o noa na vau e, e mau irava taa ê ta te mau misionare e tamau, e ere, ua taa atura ia'u e, te mea ta'u e rave ra i te Séminaire, e riro te reira i te tauturu mai ia'u ei misionare e na reira atoa te mau mea ta'u e tuatapapa a'ena nei i roto i te buka *Ia Poro Haere i Ta'u nei Evanelia* ».

E rave rahi tamaroa tei parau e, hoê o te mau piha raveraa ohipa eita roa e mo'e, o te tamataraa ia i te auri i te ahu uouo. « Ua faahaamana'o te reira ia'u e, e rave rahi â ohipa i te pae no te aravahiraa ta'u e ti'a ia rave no te faaineine no te hoê misioni rave tamau », te parau ra Jakob.

« Ua haapii au e, e rave rahi mau mea ta'u e nehenehe e rave i teie nei no te amui atu i te mau misionare rave tamau e tavini nei i ô nei, ia riro matou i roto e hoê â pūpū » te parau nei Sarah R. no te paroisa no Sandvika. « E mau misionare atoa ho'i te mau melo ».

No te faahaamana'oraa e, e tavini te mau misionare na te ao atoa nei, ua faaineinehia te tahi mau maa no tera e tera fenua no te mau amuamuraa.

« Ua faahaamana'o te reira ia'u e, e tano ia tamatamata i te tahi mau maa apî, ia haamâtau vau i te tamataraa i te maa aita vau e amu rahi nei. E tauturu te reira ia'u ia haamâtau vitiviti mai te peu noa'tu e piihia vau i te hoê vahi tei reira te maa aita vau i mâtâu », te parau nei Simon.

### Te faaineine-roa-raa

« I te pae hopea o te mahana, ua faaroo matou i na iteraa papû o na feia apî e piti e o na e piti misionare tei ho'i mai, no faaoti noa mai nei i ta raua misioni, e ua himene matou i te himene, 'Ma'itihia e te Atua ra' », te parau nei Liss Andrea O. no te paroisa no Fredrikstad. « Te mana'o i tae mai i roto ia'u, oia ho'i, mai te peu e tamau noa vau i te himene i teie himene pauroa te taime, e haamana'o tamau atoa ia vau e, ia tavini tatou ei misionare, te tavini ra ia tatou i te Metua i te Ao ra, e e haamaitai mai Oia ia tatou ».

I te hoperaa taua mahana ra, ua maramarama te feia apî o te titi e, aita ratou e faaineine noa ra no te riroraa ei misionare rave tamau, e nehenehe atoa râ ia roaa mai ia ratou te tahi ite no ni'a i te ohipa misionare i teie nei, e i roto i to ratou oraraa taatoa. ■

*Te ora nei te taata papa'i i Oslo, Norway.*

### E AHA TE HURU O TE ORARAA MISIONARE ?


A hi'o i te tahi faahou mau mea no ni'a i te faaineineraa no te ohipa misionare, te mau videos, te tahi atu mau taurururaa e te tahi mau pahonora e i te mau uiraa mâtauhia, tei ni'a ia [youth.lds.org](http://youth.lds.org) (pata i ni'a i te parau « Missionary Preparation »).



### TE FAAINEINERAA FAUFAA ROA A'E

« Te mea hau atu i te faufaa rahi o ta outou e nehenehe e rave no te faaineine no te hoê piiraa ia tavini, o te riroraa ia ei misionare hou roa a haere atu ai outou i te misioni »

Elder David A. Bednar no te Pūpū no te Tino Ahuru Ma Piti Aposetolo, « Te riroraa ei misionare », *Liahona*, Novema 2005, 45.



# TAVINI i teie nei no te TAVINI a muri a'e

Na Miche Barbosa

No roto mai i te hoê aamu mau

« E haamori... outou ia Iehova  
ma to outou aau atoa ra »  
(1 Samuela 12:20).

« **E** na mua vau ia oe  
i te fare pure ! » Ta  
Mórmon ïa i parau a  
toro ai to'na rima i ni'a i te oe o te  
fare pure, tei na ni'a mai i te mau  
tumu raau. Ei reira ua taumi oia i

te horo ia hemo mai to'na teina,  
o Morian.

Hoê maile a'ena ratou i te atea  
i to ratou fare, e te horo noa ra  
Mórmon raua Morian, e tapae a'era  
raua i mua i te opani auri o te aua



fare pureraa. Ua faafaaea rii raua  
no te hutu i te aho.

Aita â raua i faaoti atura o vai tei  
upooti'a, te tuô maira te hoê tama-  
roa ia raua, « E ha'uti tatou i te *fute-  
bol* [tu'eraa popo] ? »

E mea au roa na Mórmon te  
*futebol*, teie râ, te haere ra ratou e  
tamâ i te fare pure no te pureraa i  
te mahana no muri iho.

Ua ueue Mórmon i to'na upoo.  
« Eiaha i teie nei—araua'e rii paha ! »  
ta'na i tuô atu.

E teie o Mórmon raua Morian,  
te haa ra. Ua tura'i Mórmon e to'na  
papa i te mau parahiraa e puromu  
atu ai, e ua taahu Morian i te tahua  
e to'na mama.

I muri iho, ua horoi amui na tama-  
roa i te mau hi'o i roto i te vahi haumi-  
tiraa. « Aita vau i mana'o e, e au vau  
i teie ohipa tamâraa fare pure, e mea  
huru anaanatae », ua parau Morian.  
« Eaha to oe mana'o, e Mórmon ? Tera  
anei te tumu oe i haere mai ai, e aita i  
haere e ha'uti i te *futebol* ? »

Ua feruri Mórmon i to'na papa.  
O oia te episekopo o ta ratou pa-  
roisa, noa'tu râ, e faataa ihoa oia i





te tahi taime no te tauturu ia tamâ i te fare pure.

« Tei ô nei au no te mea ua hinaaro vau ia riro mai ia papa », ua parau Mórmon.

Ei reira, ua feruri oia i te mau misionare i roto i ta'na paroisa. Te rave ra raua i te ohipa patotoraa e te faa'iteraa i te Buka a Moromona ia vetahi ê. E titau raua i te mau taata ia haere mai i te pureraa i teie fare pure ta teie na tamaroa e tamâ ra.

« Tei ô nei au no te mea te vai ra te mahana e haere atoa vau e tavini i ta'u misioni », ua feruri Mórmon. « E nehenehe ta'u e tauturu i te mau misionare na roto i te faaineineraa i te fare pure ».

Te feruri ra Mórmon i te mahana no ananahi, ia ti'a mai raua to'na taea'e i te hora 6:00 i te po'ipo'i, e haere atu ai i te pureraa i roto i to raua ahua uouo e te taamu arapo'a, no te faaineine i te mau parahiraa e te mau buka himene i roto i te piha o te Paraimere.

« Tei ô nei au no te mea ua hinaaro vau ia tavini i roto i te hoê piiraa

na te Ekalesia », ua feruri oia.

Ua feruri Mórmon i te taime fatatua roa e riro mai oia ei diakono. E riro oia i te opere i te oro'a ma te rave i te tahi atoa mau mea ei taviniraa.

« Tei ô nei au no te mea, i teie matahiti i muri nei, e farii atu vau i te autahu'araa, e te hinaaro nei au ia rave i te mea atoa e roaa ia'u no te faaineine ».

E ohipa ta Mórmon i rave a'ena no te faaineine no te autahu'araa : ua farii oia i ta'na feti'a no te

faanahoraa Faaroo i te Atua. Ua haapii a'ena ra oia ia ora i te evanelia e ia tavini ia vetahi ê.

E i te hopea, ua hi'o oia i te ho'ho'a o to'na taea'e i roto i te hi'o, e ua ata atura.

« Tei ô nei au no te mea ua here au i te Fatu », ua pahono atu oia, « e no te mea atoa ho'i, e tauturu teie taviniraa ta'u ia faaineine no te tavini a muri a'e ». ■

*Te ora nei te taata papa'i i Utaha, Hau Amui no Marite.*

## FAAINEINE NO TE AUTAHU'ARAA



Te tahi mau mana'o no roto mai ia David L. Beck, peresideni rahi no te Feia Apî Tamaroa :

- A ani i te Varua i roto i to outou oraraa e a ma'iti i te mau hoa e tauturu mai ia outou ia ma'iti i te maitai. A ora i te mau faatureraa i roto i te buka *No te Puai o te Feia Apî*.
- A haapii e aha ta outou mau hopoi'a ei diakono. A tai'o i te mau parau no ni'a i te autahu'araa i roto i te mau buka *Faaotiraa i*

*Ta'u Hopoi'a i te Atua e Mau Maite i te Faaroo.* A haere i te hoê oro'a faaineineraa no te autahu'araa o ta outou paroisa e aore râ amaa.

- A faaineine ia outou no te haere i te hiero no te rave i te mau bapetizoraa no te feia pohe.
- A vai anaanatae noa no te mau faaoaoaraa e te mau pureraa na muri i te tahi atu feia apî.
- Ia ite outou e, te ti'aturi nei te Metua i te Ao ra ia outou e te tia'i nei Oia ia rave outou i Ta'na ohipa. A hi'o mai outou e aha te faito ohipa e roaa ia outou ia rave na roto i Ta'na tautururaa !

# Te faaineine ra **MATHILDE** no te tomo i roto i te Feia Apî Tamahine

Na Jenn Wilks, Utaha, Hau Amui no Marite

**U**a anaanatae roa Mathilde no te mea ua fatata oia i te tomo i roto i te Feia Apî Tamahine, noa'tu â pai aita oia i papû roa e aha te mea ta'na e ite atu. E no reira, ua paraparau oia i to'na tupuna vahine. To'na tupuna vahine, o te tuahine Bonnie Oscarson ia, te peresideni rahi no te Feia Apî Tamahine. E mau mana'o tauturu rahi e vai ra i roto ia'na !

A ani i to outou mama e aore râ to outou tupuna vahine e aore râ te tahi vahine o te paroisa i te mea ta'na e haamana'o ra no ni'a i te Feia Apî Tamahine. E faaroo mai paha outou i te tahi mau mea arearea.



## OHIPA AREAREA

E pii noa Mathilde i to'na mama ruau o « Mo », o te haapotoraa teie no te ta'o *moder*, te ta'o Suede no metua vahine.

## E no reira...




I te haereraa te tuahine Oscarson i te Feia Apî Tamahine, ua roaa ia'na te tahi mau feti'a na roto i te rave-faaoiti-raa i te tahi mau ohipa taa ê. Ua nira roa oia i te reira i ni'a i te hoê tapu ahu taa ê, e ua nira atoa oia i te hoê tiare ei tapa'o no te haapa'o maitai





**TE TAHI MAU MANA'O TATUTURU NO ROTO MAI I TE TUAHINE OSCARSON NO TE FAAINEINE !**

- A faatupu i te hoê auaa e to outou Metua i te Ao ra na roto i te pure e te tai'oraa i te mau papa'iraa mo'a.
- A hi'o e aha ra te faanahoraa Te faahaereraa ia'u iho i mua.
- A tai'o i te mau papa'iraa mo'a, te buka *No te Puai o te Feia Apî* e te *Liahona*.
- A haamata i te haapii i te parau tai'o a te Feia Apî Tamahine. E roto outou i te faahiti tamau i te reira i te mau hepetoma atoa e te tahi atu feia apî tamahine.



E MAU TAMARII TAMAHINE TATOOU na to tatou Metua i te Ao ra, o tei here ia tatou e te here nei tatou ia'na. E TIA MATOU « ei ite no te Atua i te mau mahana atoa, e i te mau mea atoa, e i roto i te mau vahi atoa » a tamata ai matou i te haapa'o i te mau parau tumu faufaa rahi o te Feia Apî Tamahine, oia 'ia :

TE FAAROO · TE HURU ATUA  
TE FAUFAA O TE TAATA IHO · TE ITE  
TE MA'ITIRAA E TE HOPOI'A  
TE MAU OHIPA MAITAI  
TE PARAU TIA · E TE VIIVII ORE


TE TIA'ITURI NEI MATOU E, a farii ai e a faaohipa ai matou i teie nei mau parau tumu faufaa rahi, E INEINE MAITAI IA MATOU no te haapuui i te fare e i te utuafare, i te rave e i te haapa'o i te mau fafauaraa mo'a, ia farii i te mau oro'a o te hiero, e ia popou i te mau haamaitairaa o te faateiteiraa

(A hi'o Mosia 18:9.)



TE MAU HITI APINA AMILOSLAVIA/ISTOCK/THINKSTOCK

**... E teie nei**



Na teie fifi arapo'a e faahaamana'o ia outou ia riro ei mori no vetahi ê e ia ti'a outou no te parau mau e te parau-ti'a. E roaa atoa ia outou te tahi mau ripene na roto i te faotiraa i te mau iteraa e te mau opuaraa o te faanahoraa Te faahaereraa ia'u iho i mua. E i muri iho, e farii outou i te feti'a no te Feia Apî Tamahine.

**ORO'A NO TE HAAMATARAA APÎ**

Ua haere Mathilde i te hoê putu-puturaa taa ê o te parauhia nei te oro'a no te haamataraa apî. E mea arearea roa ta ratou haapiiraa e ua haapii ratou no ni'a i te faanahoraa Te faahaereraa ia'u iho i mua.

Te rave atoa nei Mathilde i te ohipa no ta'na Feti'a no te Faaroo i te Atua ma te tamau aau i te mau hiro'a faaroo.

**TE TIA'I ANAANATAE NEI MATHILDE I...**

- Te mau faaoaoaraa i te mau hepetoma atoa
- Te haamâtauraa i te tahi atu mau tamahine i roto i te Feia Apî Tamahine.
- Te haereraa i te puhaparaa a te Feia Apî Tamahine.

**HAAMANA'ORAA TAA Ê**

Tei roto o Mathilde e to'na mau fetii taea'e i te pû amuiraa rahi i te 6 no eperera 2013. Aita ratou i ite e no te aha râ to ratou mama ruau i titau mai ai ia ratou paatoa ia haere mai i te amuiraa rahi. Ua hitimahuta ratou e ua anaanatae atoa ho'i i te patururaahia oia ei peresideni rahi no te Feia Apî Tamahine !



# Turama tatou

Ma te anaanatae ♩. = 58-68

Te mau parau na Jan Pinborough  
Pehe na Janice Kapp Perry

*Tamahine*

1. Mai ia E - te - ra hoi au, \_\_\_\_\_ au - ra - ro (i)te tu - re, \_\_\_\_\_ Pa -  
2. Mai ia A - bi - sa hoi au, \_\_\_\_\_ faa - 'i - te te parau mau. \_\_\_\_\_ E

*Tamaroa*

ru - ru, ta - vi - ni ma te faa-ro - o (i)te parau a te Me - tu - a. \_\_\_\_\_ Mai  
parau vau te parau ne - he - ne - he ra - hi. E a - ma to'u faa - ro - o. \_\_\_\_\_ Ua

ia Ne - phi ra hoi au, \_\_\_\_\_ he - re au (i)to'u ho - a, \_\_\_\_\_ Fa -  
a - ro o Mo - ro - ni, \_\_\_\_\_ ma te ma - ta'u o - re. \_\_\_\_\_ E

*Chorus*

*Tamahine & tamaroa*

a - tu ra vau ma te ha - na - ha - na ta te Me - tu - a ra parau. \_\_\_\_\_  
ri - ro vau mai ia - 'na te parau - ti - 'a. Faa - tei - tei au (i)te re - va. \_\_\_\_\_ Tu - ra -

ma ta - tou, i te ma - ra - ma. Na te A - tu - a ta ta - tou mau parau.

© 2013 na Jan Pinborough e Janice Kapp Perry. Faturaa paruruhia.

E nehenehe e nene'i i teie himene no te faaohipa i te fare e i te fare pureraa, eiaha ra no te hooraa.

Ua tapa'ohia te faturaa na te ao atoa nei.



ITE TAA É



Na Elder Quentin L. Cook

No te Pūpū no te Tino Ahuru ma Piti Aposetolo

E mau ite taa é no Iesu Mesia te mau melo no te Pūpū no te Tino Ahuru Ma Piti Aposetolo.

# Nahea vau i te tauturu i te ohipa aamu utuafare ?

*Te tuu ra Elder Cook i te mana'o ia faatupu i te hoê haaputuputuraa Tumu Raau Utuafare. Teie te huru !*

E ani i te mau fetii atoa ia haere mai e ta ratou mau aamu utuafare, te mau aamu e te mau hoho'a. A afa'i atoa mai te tahi mau tao'a ta to outou mau metua tupuna e metua i fana'o.

E mea anaanatae roa ia haapii no ni'a i te fetii e to ratou oraraa—no hea mai ratou e e aha te huru o to ratou oraraa.

E hi'o mai e aha te mau oro'a hiero tei titauhia ia rave e a faataa i te ohipa hiero e ti'a ia ravehia.

Tauturu ia haruharu i te hoho'a e ia faauta uira i teie mau aamu e teie mau hoho'a i ni'a i te Tumu raau utuafare i ni'a ia [FamilySearch.org](http://FamilySearch.org).

No roto mai i te a'oraa « Te mau aa e te mau amaa », Liahona, Me 2014, 47.





E ti'a ia'u ia haapuai i to'u utuafare  
na roto i te

E ti'a ia'u ia haapuai i to'u utuafare  
na roto i te

E ti'a ia'u ia haapuai i to'u utuafare  
na roto i te

E ti'a ia'u ia haapuai i to'u utuafare  
na roto i te

E ti'a ia'u ia haapuai i to'u utuafare  
na roto i te

E ti'a ia'u ia haapuai i to'u utuafare  
na roto i te

E ti'a ia'u ia haapuai i to'u utuafare  
na roto i te

E ti'a ia'u ia haapuai i to'u utuafare  
na roto i te

E roaa ia outou i te rave !



A faanehenehe i te hoê punu pau, te hoê punu mâ, e a tuu i teie parau i ni'a e i te tahi atoa mau hoho'a e mau hoho'a papa'i. E papa'ipa'i i te tahi mau mana'o tauturu no te haapuai i te utuafare. E tapupu i teie mau mana'o no te tuu i roto i te punu. E i te mahana tata'itahi, a huti mai i te hoê parau mai roto mai i te punu e a rave i te mea i papa'ihia i ni'a iho. A tutava noa ai outou i te ora i teie mau mana'o, e faatupu outou i te tahi ohipa taa ê i roto i to outou utuafare !

ETI'A IA'U!



# O Bárbara vau, no te fenua Tireni

No roto mai i te hoê uiuiraa  
na Amie Jane Leavitt

**T**e ora nei Bárbara i te fenua Tireni, te hoê fenua i te pae too'a o te râ i Amerika Apato'a. E fenua roa e te rairai mai te huru te hoê ripene. Te vai nei te tahi mau vahi ve'ave'a (mai te medebara no Atacama), e te tahi mau vahi haumarû e te rarirari (mai Rapa Nui). Te ora nei oia i te oire pû no te fenua Tireni, Santiago. ■

*Te ora nei te taata papa'i i te Uaha,  
Hau Amui no Marite.*



*O vau ana'e te melo o te Ekalesia i roto i ta'u piha haapiiraa. Ua fana'o ia vau no te parauraa i to'u mau hoa no ni'a ia Iesu Mesia e te Buka a Moromona. I te hoê taima, ua ani mai te hoê hoa rahi ia'u ia haapii ia'na i te pure. E ua na reira vau. E i muri iho, ua pure maua i te taima tamaaraa i te fare haapiiraa.*



*E va'u matahiti to'u, e e piti taea'e apî to'u. Te tamata nei au ia riro ei tuahine maitai no raua, ia haapa'o ia raua e ia ha'uti na muri iho ia raua. E mea au na'u ia haapa'o i te tamarii. Ia paari au, ua hinaaro vau ia riro ei orome-tua haapii.*

*I te matahiti 2013, ua ti'a to'u e va'u matahiti e ua bapetizohia vau e ua haamauhia e to'u metua tane. Ua anaanatae roa vau ! E ohipa taa ê teie ta'u e haamana'o noa.*

*¡Hola,  
amigos !\**

*\*« Hello, friends (Ia ora na e te mau  
hoa) ! » na roto i te reo Paniora*

*E faahanahana matou i te mau mahana  
fafaearaa arearea i te fenua Tirenī.  
I te 18 no setepa, te mahana no to  
matou ti'amâraa, e i te 19 te mahana  
no te nuu fa'ehau. I te roaraa o na  
mahana e piti, e ori matou i ta  
matou ori tumu, te ori « La Cueva »  
e e amu matou i te pai ina'i, tei  
pihia te empanadas.*



*I te mau hopea hepetoma, e mea  
au na to'u utuafare ia hahaere  
na raro e na ni'a i te pereoo na  
roto i te mou'a, e mea fatata  
i to'u fare. E mea au atoa na  
matou ia haere i te pae tahatai.*



*E maa taa ê ta matou i te  
oro'a Noela—e tomati tei  
tuuhia te parapara tuna  
i roto. I te fenua Tirenī, e  
haere mai papa Noela i te  
tuiraa pô o te pô Noela.  
E vai ara noa matou no te  
tia'i ia'na ia haere mai !*



## E MEA AU NA'U IA HI'O I TE HIERO

O te hiero no Santiago i te fenua Tirenī  
te hiero matamua tei patuhia i roto i te  
fenua parau Paniora. Ua haamo'ahia te  
reira i te 15 no setepa 1983. O te reira  
te piti o te hiero i Amerika Apatō'a.



## INEINE NO TE HAERE !

I roto i te pute o Bárabara, te vai ra  
ta'na mau mea au roa a'e. E aha te  
mau mea ta outou e tuu i roto i ta  
outou pute ?



# TA TATOU API




I te hoê mahana, i muri noa mai i to'u baptizoraa, tei ô vau i to'u tupuna vahine ra, e ua pou oia i te tahuha no raro no te tii mai i te tahi ohipa. Ua marua atura oia e aita i nehenehe ia'na ia ti'a faahou mai. Ua tuô mai oia ia'u, te mata'ita'i ra vau i te afata teata e aita vau i faaroo i to'na reo. E 10 minuti i muri mai, ua faaroo vau i to'u i'oa, mai te reo marû, « Tom ! » Ua haere au e hi'o ia'na, e te tarava ra oia i ni'a i te tahuha. Aita i nava'i to'u puai no te faati'a mai ia'na, e no reira, ua horo vau i te fare i piha'i iho mai. Ua haere mai teie vahine no te faati'a i to'u mama ruau.

Ua parau mai to'u mama ruau e, « e Tom, te reo ta oe i faaroo, o te Varua Maitai ia. Ua atea roa ho'i au no te faaroo mai oe i to'u reo ».

Ua ite au e, o te Varua Maitai tei muhumuhu mai i roto i to'u tari'a. I teie nei, ua baptizoraa vau, e ua oaoa vau i te fariiraa i te horo'araa o te Varua Maitai.

**Tom R., 8 matahiti, fenua Heremani**



**Liu C., 7 matahiti, Equateur**



**Natalia A., 10 matahiti, Colombia**

**Olivia I., 8 matahiti, no te fenua Roumania, e mea au na'na ia tauturu i to'na metua vahine ia tamâ i te fare. Te haapii ra to'na metua vahine ia'na e to'na na hoa e 13, e ia faafaaea rii ratou, e mea au na'na**



**ia ha'uti mai te huru ra o oia te orometua haapii. E mea au na'na ia ratere e to'na na metua e ia haere e farerei i to'na mau metua tupuna. I te baptizoraa oia, te mana'o tei tae mai, oia ho'i, te parahi ra te Metua i te Ao ra i piha'i iho ia'na, e ua maururu roa oia i te mea e, e ti'a ia'na ia farii i te Varua Maitai no te tauturu ia'na ia rave i te mau faaotiraa maitai. Ta'na himene au roa a'e, o te himene ia « Suis les prophètes » (Chants pour les enfants, 58).**



**Thierry M., 7 matahiti, no te fenua Beresiria, e mea au na'na ia haere i te Paraimere e ia himene i te mau himene. Ua ite oia e, e fare no te Fatu te hiero.**



**E**nehenehe ta outou ia hapono mai i ta outou hoho'a papa'i, ta outou hoho'a pata e aore râ to outou aamu na ni'a i te reni roro uira liahona.lds.org, na roto i te rata uira i te vahi ra liahona@ldschurch.org ma te tuu ei tumu parau, « Our Page » i roto i te reni tumu parau, e aore râ na roto i te rata :

*Liahona, Our Page*  
50 E. North Temple St., Rm. 2420  
Salt Lake City, UT 84150-0024, USA

Ia hapono mai outou i ta outou ohipa, e tuu mai i te i'oa taatoa o te tamarii, te apeni e te matahiti (mai te 3 haere atu i te 11 matahiti) e tuu atoa mai te i'oa o te metua, te paroisa e aore râ amaa, te titi e aore râ mataienaa e te parau faati'a a te metua no te faa'ohiparaa i te hoho'a e te mea tei haponohia mai (e farii-atoa-hia na roto i te rata uira). E riro paha te papa'iraa i te tauuihia no te roa e aore râ te maramaramaraa o te parau.



Na Elder Adrián Ochoa

No te Hitu Ahuru

# Hi'o i ni'a



« E ara outou, tamau maite â i te pure » (Luka 21:36).

I te va'uraa o to'u matahiti, ua tonohia matou e to'u na taea'e fetii e piti i te hoê oire tapiri noa no te hoo mai i te maa. Ia mana'o faahou vau, ua maere roa vau i te ti'aturiraa o to'u mama ruau, to'u « tati » e to'u « tonton » i ni'a ia matou. Ua ateatea maitai te reva e ua anaana maitai te mahana i to matou pa'umaraa i ni'a i na puaahorofenua e toru.

Te tere ra matou na te mau vahimatie e ua faoti a'era matou e pou i raro e pata poro atu ai. No te au te ha'uti, aita matou i hi'o i ni'a e aita matou i ite i te mau ata poiri e tapo'i ra i te reva. E i te iteraa'tu matou e, e vero tera e haere maira, ua taere roa,

aita faahou to matou e taima no te ou'a i ni'a i ta matou mau puaahorofenua. E ua puai tei topa mai e e ua paari atoa ho'i, e hoê noa ta matou rave'a, o te iritiraa mai i te parahiraa puaahorofenua no te paruru ia matou i teie ahu parahiraa. E ua horo atura ta matou mau puaahorofenua.

Aita faahou e puaahorofenua e ua rari e ua to'eto'e, ua haavitiviti matou i te haereraa i te oire piri roa a'e. Ua ahiahi roa matou i te tapae-raa i te hoê fare e ua patoto matou. Ua tamarô teie utuafare ia matou, ua faatamaa ia matou i te maa burritos, ei reira tuu atura ia matou i roto i te hoê piha taoto, e tahua repo noa.

Po'ipo'i a'e, ua ara matou, e mahana nehenehe mau e te

maramarama. Ua patoto mai te hoê taata i te uputa, te imi ra oia e toru tamaroa tei mo'e. Eita roa e mo'e ia'u i te mea ta'u i ite i ni'a i to matou purumu ho'iraa—e naho'a rahi taata tei imi noa ia matou e po'ipo'i noa a'e nei. E to mua roa, o to'u ia mama ruau e to'u « tonton » e to'u « tati ». Ua tauahi mai ratou ia matou e ua ta'i, ua oaoa roa ho'i ua ite mai ratou i ta ratou nau tamarii mo'e.

Te mana'ona'o nei to tatou Metua here i te Ao ra ia tatou. Te tia'i noa nei Oia ia ho'i tatou i te fare. E mau tapa'o vero rahi tera e haaati nei ia tatou. E hi'o ana'e tatou i ni'a ma te faaineine ia tatou na roto i te haa-puairaa i to tatou iteraa papû i te mau mahana atoa. ■

Mai roto mai i te a'oraa « Hi'o i ni'a », Liahona, Novema 2013, 102.

# Te pūpū ūtuafare



*E mea ohie a'e ia upooti'a mai te mea e,  
e rave amui tatou i te ohipa.*

Na Sheralee Hardy

No roto mai i te hoê aamu mau

« *Nous aidons tous avec joie* » (Chants pour les enfants, 108).

**U**a topa te morare o Ammon a faaru'e ai raua to'na metua tane i te ha'utiraa tue popo. « Aita vau e taa ra », ua parau oia. « Ua pu'e noa ta tatou mau taata ha'uti maitai. No te aha aita tatou e re nei? »

E taata tu'e popo aravihi to'u papa. Peneia'e e nehenehe ta'na e tauturu mai.

« I to'u mana'o, ia haapii

outou e ha'uti ei pūpū », ua parau papa. « Ua hinaaro pauroa outou ia ô ta outou popo, e ere? »

« E », ua parau Ammon. « Aita râ e ti'a ia matou paatoa ia faaô atu. Tera anei ta oe e parau ra? »

Ha'uti noa te upoo o papa. « Eita e roaa ia oe ia tito i te popo o oe ana'e. A tahi, e ti'a i te feia paruru ia haru mai i te popo a te tahi atu pūpū, e ere? »

Ua ata noa Ammon. « Eita ihoa ia e ô te popo mai te peu aita ta matou e popo ».

« Ua tano oe », te parau a papa. « I muri iho, e horo'a te feia paruru i te popo i te taata e nehenehe e tito. Eita e haere ia'na ana'e ».

« Mai te reira ihoa paha », ua parau atu Ammon.

Tapae atura ratou i te fare, te tape'a ra mama ia pēpe e te faaineine ra i te maa. « E aha te huru te ha'uti? » ta'na ia aniraa.

« Ua pau faahou matou », pahono mai nei Ammon. « E tamata matou ia haamaitai atu â i te tahi ha'uti ».





« E mana'ō maitai tera », te parau a mama.

« Ua po'ia roa vau ! »  
Te tuō haere ra Miguel a horo ai ratou Samuel e o Lucas i roto i te fare.

« Tamaroa ma, e nehenehe anei ta outou e faaineine i te airaamaa, e ohi atoa i te mau ha'uti na raro ? » Ua ani mama.

Ua amuamu na tamaroa e maha.

« E ere ho'i na'u i rave i teie mau ha'uti », te parau ia a Samuel.

« Eita ia e oti oioi ! » Te amuamu maira Miguel.

Ua ata o papa. « I to'u mana'ō, hoê â to tatou fifi e to te pūpū a Ammon ».

« E aha te reira ? » Ua ani Samuel.

« Aita tatou e rave amui nei i te ohipa », ua parau Ammon. « Ua hinaaro pauroa tatou e rê no te amuraa i te maa. Tera râ, te vaiiho nei tatou ia Mama ia rave pauroa i te ohipa ».

« Tera ihoa ! » Te reo ia o papa. « Nahea tatou e nehenehe ai e rave i te ohipa mai te hoê pūpū ? »

E mana'ō to Ammon.  
« Na Samuel paha ia e na'u e faaineine te airaamaa ? E e ohi te tahi mau tamaroa i te mau ha'uti na raro ».

« Mana'ō maitai roa ! »  
Te reo ia o papa.

Aita i maoro roa, ineine mai nei te maa. Ua tufene Ammon i to'na rima no te pure. Ua oaoa oia ua rave to'na utuafare i te ohipa ei pūpū. Maitai pai e na reira atoa mai ta'na pūpū tu'e popo. ■

*Te ora nei te taata papa'i i Alberta, i Canada.*



**Na Elder  
M. Russell Ballard**

No te Pūpū no te  
Tino Ahuru ma Piti  
Aposetolo

## TE MAU HAAVARERAA

Ua riro ihoa râ te tau toparaa rauere raau ei taime oaoa no te feia hi nato, no te mea teie te taime e tura'i ai te poia maha ore o te mau nato ia ratou ia amu i te maa no te faaitoito i to ratou mau tino no te paruru ia ratou i te taime e varavara ai te maa i te tau hiona.

Te fâ a te taata hi nato o te haruraa ia i te nato na roto i te rave'a haavare. E tuatapapa te taata tai'a i te peu a te nato, te mata'i, te opape, e te mau huru manumanu ta te nato e amu e te taime e ofaa'i taua mau manumanu ra. E e mea pinepine ia oia i te hamani rima i te mau ainu ta'na e faaohipa. Ua ite oia e e ti'a i teie nei mau manumanu haavare o te taamuhia i ni'a i te mau matau na'ina'i ia riro ei rave'a haavare rave-maita'i-hia no te mea noa'tu te na'ina'i o te hape e ite ihoa te nato i te reira e eita oia e haru i te ra'o.

Auê ia te oaoa ia hi'o i te hoê nato ia ou'a mai roto mai i te pape, e ia amu i te ra'o e ia aro e tae noa'tu ua rohirohi oia e ua hutihia oia. Te tata'urara, o te faatitoraa ia te ite e te aravihi o te taata tai'a i te nato hanahana.

Ua riro te faaohiparaa i te mau ainu haavare no te rama e no te haru i te i'a o te hoê ia faahi'oraa no te rave'a ta Lucifero e faaohipa pinepine no te



faahema, no te haavare e no te tamata i te haru ia tatou.

Mai te taata hi nato o te ite e e na te poia e tura'i i te nato, ua ite Lucifero i to tatou « po'ia » aore râ to tatou mau paruparu e e faahema oia ia tatou na roto i te mau âpâ haavare o te nehenehe, mai te mea e ravehia, e tapû i to tatou oraraa hau no te huti atu ia tatou i raro a'e i to'na mana aroha ore. E haru e e tuu faahou te taata hi i te i'a i roto i te pape, area o Lucifero eita ia oia e vaiiho noa ia tatou ia haere. Ta'na fâ maori râ, ia roohia te feia ta'na i haru i te ati mai ia'na ra te huru.

Te hoê o te mau rave'a tumu ta'na e faaohipa i ni'a ia tatou o to'na ia aravihi i te haavare e i te huna no te haapapû ia tatou e te ino e mea maitai ia e te maitai e mea ino ia. Mai


te haamataraa ihoa i roto i te Apoo-  
raa Rahi i te Ra'i, ua titau Satane « ia  
haamou i te ti'amâraa o te taata, o  
Ta'u, ta te Fatu te Atua, i horo'a no'na.  
(Mose 4:3).

I teie mahana, te tamau noa nei â te aroraa i ni'a i te ti'amâraa o te taata tei horo'ahia mai e te Atua. Ua haati Satane e ta'na mau teuteu ia tatou i ta ratou mau âpâ ma te ti'aturi e e marua tatou e e haru tatou i ta'na mau âpâ ia nehenehe ia'na ia haru ia tatou na roto i te mau rave'a haavare.

E te mau taea'e e te mau tuahine, ia ara paatoa tatou i te mau ra'o haavare o tei tuuhia mai i mua ia tatou e te taata hi haavare ra, o Lucifero. Ia farii tatou i te paari e te ite varua no te ite e no te pato'i i ta'na mau horo'araa fifi e rave rahi.

E, no outou o tei topa i roto i te mau huru faatîraa atoa, te vai nei ia te ti'aturiraa no te mea te here nei te Atua i te taato'araa o Ta'na mau tamarii, e no te mea e nehenehe te mau mea atoa e tupu na roto i te Taraehara e te here o te Fatu ra o Iesu Mesia. ■

*No roto mai i te a'oraa « E te Rave'a Haavare a te Mea Ino ra », Liahona, Novema 2010, 108–110.*



# NÎNO'A RII



## E pionie anei au i teie mahana ?

« Te arue nei tatou i te mau pionie tei ratere na roto i te mau mou'a e tae roa mai i te faa no Roto Miti nei, tera râ, ua rahi atu te mau pionie e ora nei i teie anotau. Aita ratou e tura'i nei i te mau pereoo huti rima, tera râ, ua aifaito maitai ratou i roto i te mau mea e rave rahi : Ua faaroo ratou i te reo o te Fatu na roto mai i te Buka a Moromona e na roto ho'i i ta ratou iho mau pure. Ma te faaroo e te tatarahapa ua pou ratou i raro i te pape o te bapetizoraa, e ua tanu i to ratou avae i roto i te repo ora maitai o te evanelia Ei mau pipi na te Mesia, ua farii ratou ia faatusia no te parau-ti'a e te parau mau. E na roto i te horo'a o te Varua Maitai, te tape'a papu nei ratou i to ratou haere'a e tae atu ai i te ora mure ore ra ».

# Tei roto atoa i teie veá

## NO TE FEIA APÎ PAARI



api  
44

### Ti'a NO TE MEA ta tatou e ti'aturi nei

E pae feia apî paari e faa'ite ra nahea ratou i te parururaa i to ratou faaroo i mua i te pato'iraa.

## NA TE FEIA APÎ

### Nahea i te ui atu i te mau uiraa faufaa rahi

E nehenehe i te mau uiraa ia riro ei mauihaa tano maitai no te haapiiraa—mai te peu e, e tano maitai ta outou uiraa. E faa'ite mai teie parau papa'i e nahea i te rave i te reira.



api  
54

## NA TE MAU TAMARII



api  
68

### Maeva i roto i te Feia Apî Tamahine

Te horo'a mai nei te tuahine Bonnie L. Oscarson e ta'na mootua tamahine, o Mathilde, i te tahi mau mea e ti'a ia tia'i atu i roto i te Feia Apî Tamahine.

